


TRAICTÉ
DE LA DYSEN-
TERIE, ET CV-
RE D'ICELLE,


Diuisé en deux parties:
l'une contenant la ma-
ladie, Causes, & Sym-
ptomes d'icelle: L'au-
tre la Curation.

Composé par Guillaume
souuiros, Docteur en la
faculté de Medecine
de Montpellier, &
Medecin en
Tolose.



*Imprimé à Tolose, Par
Arnaud Colomiés, Im-
primeur iuré. 1574.*





A TRESILLVSTRE
Seigneur, Mefsire Iean
Daffis, Cheualier, & Con
feiller du Roy en son pri
ué Cōseil, & premier Pre
sident au Parlement de
Tolose.

Guillaume Souuiros Docteur en
Medecine son humble ser
uiteur, Salut.



ONSEIGNEVR
Despuis que
DIEV m'eût
faict la grace,
de pouuoir de
partir ce que
i'auois appris en medecine, par

Vne longue traite de temps, ie
 fus aussi tost attiré en ce lieu, par
 l'assurance que j'eue d'un infinité
 de personnes, qu'ailleurs les sciē-
 ces n'estoient plus recomandées,
 ny les hommes qui scauent quel-
 que chose mieux recognus, chers,
 ou honorés. C'est icy le sixiesme
 an, depuis ma premiere arriuée,
 sur laquelle l'air m'espreuua de
 telle sorte, que ie n'ay souuenan-
 ce d'auoir esté iamais tant en
 dāger de ma vie, que ie fus lors,
 estant trauaillé d'une dysente-
 rie. l'eschappay en fin d'une sin-
 guliere grace de Dieu, & depuis
 ayant repris force, j'ay songé con-

tinuellement aus remedes, qui eussent puissance de rabatre la rigueur de ce mal outrageus. Ie ramenteuois, ce qu' Hyppocrate & Galien m'en auoient appris, & continuois de raffreschir ma memoire de la lecture des premiers & chefs de nostre medecine.

Pour y auoir veillé & pensé longuement, i'eu cette aduantaige, que quelques vns qui me furent mis en main, receurent guerison telle que ie desiroie. Peu de tēps apres ie m'auoyagé en France, ou avec même heur ie deliuray ceus, qui me furent baillez en charge: ce que ie dy non pour me vanter,

ains afin qu'on entende, combien ie me suis efforcé de cognoistre les moyens pour eschapper vn si estrange torment. I'auois auparauant tracé quelque chose touchant la Peste, que ie releu soigneusement à Paris, & ayant communiqué ce que i'en auois fait, à quelques vns qui exercent & font profession de Medecine, ils me prierent instamment de leur faire voir la lumiere, & quoy que ce fut à mō regret ilz me cōstraignirent de cōdescendre à leur volonté. Me faisant par apres cest honneur, qu'aussy tost qu'il fust imprimé, de le lire
 publique

publiquement aux écoles de médecine avec fréquence d'auditeurs. Maintenant que j'ay comme recouvert le lieu, auquel ie m'estois voué de long temps, j'ay remis en mémoire ma première maladie, & pour servir au public de quelque chose, il m'a semblé, que ie debuois donner quelques heures de loisir, à coucher par escrit, la cognoissance que j'ay eu d'icelle. Je scay bien, que plusieurs de ceus mesme qui sont en ce lieu, se pourroient & eussent peu s'acquitter avec leur grand honneur, s'ils eussent voulu prendre ceste peine, & d'autant plus

heureusement, qu'ils y ont vac-
 qué plus long temps, aussi serions
 nous maintenant dechargés de
 ce fais. Reconnoissant mes for-
 ces, & les y ayant employées, ie
 n'ay doubté aucunement, à quel-
 que interest que ce soit, de soulai-
 ger le pays, non pour m'egaller à
 personne, mais afin de monstrier
 que ie ne limite mes entreprises
 par un vain desir, ainçois d'un
 honnestes effort : & afin qu'à la
 necessité, ou plustot mal-heur, fut
 quelcun veu qui s'opposa à cest
 incōueniant, icy principalement,
 ou il se monstre plus rude en ses
 assaus. Ceci m'a donné occasion,

de

de mettre en lumiere, sous vostre protection, ce que j'ay trouué des causes, pourquoy ce lieu est plus enclin à la Dysentere qu'autre, & ce que j'ay recherché touchât la guerison, ou que j'ay quelquefois experimenté. Je vous l'ay voué, Monseigneur, à ces fins, que quelcun de ceus, ausquels mō liure & moy sommes tout entierement, me servir d'apuy, sans lequel ie ne puis fuir la malice de l'enuie. Je scay & voy de quelle trempe est vostre auctorité, quel rang vous tenés entre les doctes, en quel pris vous estes pour l'administration de la Republique.

tous

Tous le vozent comme moy, ny ne scauent si vous meritez plus de louange, ou pour vostre scauoir, ou pour vostre sagesse à regir toute ceste Prouince. Quant à moy ie ne fay ce doubte, ny ne veus mettre plus ou moins en ce qui est souuerain. Vne perfectiō ne veut point estre comparée. Cē que le cours du temps oste à quelques vns, il le faict croistre en vous. L'esprit qui pert sa viuescité en viellesse, mōstre en vous sa vigueur, & semble faire vne autrefois refleurir voz ieunes ans. Encorēs n'auēz vous esté las de trauailler à la lecture des
bons

bons auteurs, qui vous ont quelquefois recommandé en la profession qu'en auez faict, en ceste celebre vniuersité, & qui se resioit autant, se souuenant de vous, que les Muses font de leur Apollon. Encores vous maintiennent ils en ceste heureuse estime, par la cōtinuation qu'en faites au degré que vous tenez & exercice d'une tressaincte iustice. Ainsi ne faut attribuer à fortune, ce que vous estes, il en faut donner l'honneur à vostre scauoir, qui à esté tousiours accompagné d'une vertu diuine, incroyable bōté, & tresentiere foy.

toutes

toutes lesquelles rarités, emeurent
 nostre Roy treschrestie & tres-
 inuincible, faisant son entrée en
 ce lieu, de vous recognoistre &
 honnorer de ces dons. Je desire
 & prie Dieu Monseigneur, d'ac-
 croistre & biē fortunier tousiours
 voz vertus, au proffit & de ce-
 ste Prouince, & de tout le Ro-
 iume. Poursuiués seulement à
 bien faire comme auez faiēt. La
 Republique n'a autre à qui elle
 puisse mieux se fier : avec vous
 son honneur luy sera gardé, son
 heur augmenté, son estre mainte-
 nu, priuée de vous, elle ne peut
 durer long temps, sans auoir quel
 que

que sentiment, de combien vous
 luy seruez. E pource chascun de-
 dans son cueur, & à bouche ou-
 uerte, Supplie le souuerain, de
 vous dōner vne lōgue viellesse.
 Quand à moy ie le prie en toute
 deuotion de vous donner santé si
 longuement & heureusement,
 que vous desirez, & d'aussi bon
 cueur que i'offre à vostre gran-
 deur, ce premier eschantillon de
 l'entiere affection, que i'ay de
 demeurer à iamais.

Vostre tref-humble
 & tref-obeissant ser-
 uiteur, Guillaumes
 Souuiros Medecin.

Q V A T T R A I N.

I E te prie (Amy) de me lire
sans aucun brocard enuieux,
Il est bien aisé de mesdire
Mais mal aisé de faire mieux.

Q V A T T R A I N.

P E T I T liure, ne crains de t'en aller
Prompt en public, & l'enuieux mesprise;
Car ton scauoir, vsaige, & beau parler,
T'asseure assez, renomme, & fauorise.

I. R. S.

SONET A MONSIEVR SOVVIROS sur son liure de la Dysenterie.

O V le destin fatal à Tolose deuoit
souuiros Medecin contre vn mal incurable
Ou Tolose deuoit son debuoir honorable
A l'Art d'un souuiros, pour le don qu'elle voit
Pour le bié qu'elle sent, qu'en soy luy cōceuoit
De long temps souuiros Medecin fauorable,
souuiros Medecin à chacun secourable,
En l'art qu'au parauant à peine l'on scauoit,
A peine on guarissoit vne Dysenterie,
A peine l'on fisoit vne estrange furie
Des intestins esmeuz, en ceux de ce Pais:
Vn souuiros a faiët par le fruit de son Liure
Que de ceste aygre mort vn chascû peut reuiure,
En quoy rend de son nom les peuples esbahis.

C. P. P.



Huittain de François Corneau
Maistre Apoticaire à Tolose
Au Lecteur.

*1 C Y le Lecteur, la source tu peux veoir
Du flux de sang, & si tu peux apprédre
De l'arrester le moyen & pouuoir.
Que si tu veux & desires d'entendre
D'où ie le scay: (car ie dy verité)
L'issue peut tresque content te rendre,
Avec plusieurs Bossonnet à esté
Par ce moyen, retiré de la cendre.*




DIXAIN DE JEAN PIGERON
Maistre Appoticaire à Tolose
à son Amy souuiros.

*Si ie t'eusse cognu, ou leu ou veu ton liure
Cher amy Souuiros, lors que de mes boyaux
Le pur sang s'escouloit, quitté de tant de maux
I'eusse esté tout d'un coup, & ne m'eût faillu
suyure*


*Tant d'hommes signalez enrichiz des ioyaux
Du saint honneur de Cos, qui auoient soing de
moy:*

*Ie n'eusse trauaillé pour me tirer d'esmoy
A lire tât d'Auteurs, seul tu pouuois suffire
Quand ce discours escry de ta plume ie voy,
Sans reproche d'aucun i'ose hardiment le dire.*





TRAICTE DE LA
DYSENTERIE PARTIE
PREMIERE.



*DV DEBVOIR ET
Office du Medecin.*



Escay que Hippocrates
à faict vn liure expres
de la matiere que i'en-
trepréstraicter, & que

Galien la touchée en plusieurs lieux
mais consideré que le temps, l'age &
l'air, comme dict le comique, nous
apportent tousiours quelque nou-
ueauté, & qu'il est bié difficile de di-
re les choses, qui sont requises en vn
ouurier si excellent, qu'est le Mede-
cin; ou les discourir tant au long
qu'õ ne laisse quelq chose en arriere.

Traicté de la Dysenterie

Je me suis deliberé de toucher quelques points que ces deux grâds personnaiges, me semblent auoir omis, ou pour le moins assez legerement entanté. Nous mettrons pour chef du debuoir & office du Medecin, la craincte de Dieu, pour luy seruir de guide en toutes ses actions, ayant tousiours deuant les yeux, qu'il est iuste: ainsi qu'il recompense le bien & ne laisse aucun meffai&t impuni. Puis faut qu'il soit saige, aduisé, sans dissimulation, charitable au pourceurs, plein de pitié, diligent à l'endroit de toutes sortes de malades, desireux de la conseruation & entière santé du peuple. Il ne doit entreprendre le soing de plus de malades qu'il ne peut, & satisfaire deue-ment à vn chascun, prescriuant les remedes à l'heure qu'il faut, s'il est appellé à temps. Ny ne doit obscurcir la louange, ou bonne opinion qu'on peut conceuoir de luy, par
mesdire

mesdire, detracter & calumnier les personnes. Il doit estre secret & se garder soigneusement de rapporter choses qu'il aye veu ou entendu en maisons, esquelles il est appellé, n'ayét autre soing, que de s'acquiter de sa charge & procurer la santé du malade, bannisse de soy toute enuie, & ne veuille mal à ses compaignons, suyans mesme profession. Soit continet & chaste, humble, affable, plein de toute humanité, & courtoisie, & sobre. Quoy que toutes ces choses concernantes les meurs & esprit bien informé, soient requises: Toutefois elles ont vn plus grand lustre, si elles sont accompagnées des dons du corps, autant vtils que necessaires. Je pourrois icy discourir de tous les sens, & deduire ce qu'ils peuuent en cecy, ou ne peuuent pas, mais pour ne mesloigner de la briueté que ie me suis proposée, ie ferai mention de deux choses, desquelles l'une

Traicté de la Dysenterie,
est aucunemēt requisite, l'autre com-
me la plus necessaire sçauoir est l'ha-
lener & le voir. Quant au premier
il doit estre entier, afin que la puā-
teur de l'haleine ne donne facherie
au patient. Pour l'esgard du second
i'o se dire qu'il est autant necessai-
re, que les remedes mesmes.

Et nous sert l'integrité de la veué,
à iuger, ie ne diray de la dispositiō &
téperance du malade, des lineamēts
de la face, sās laquelle on ne peut riē
dire de la bōne ou mauuaise issue de
la maladie, cōme hippocrate mōstre:
mais ausi, po ur obseruer soigneuse-
mēt les excremēts & superfluitez, qui
comme signes trescertains & tresne-
cessaires, nous acheminent à l'entie-
re & parfaicte cognoissance de la
maladie, & de son poinct, lequel ne
peut estre gueri, auant qu'estre cog-
nu, ou par les deiections, cōme aux
dysenteres & flux de ventre, ou par
l'vrine, laquelle demonstre l'estat de
chacune

chacune fiebure, & en fuiuant comme il faut ordōner & prescrire les remedes propres & conuenables, selō le mal & estat d'iceluy : entendant & aduisant à la cryse, de peur d'empescher & diuertir nature, ains plus tost l'ayder, & soulager cōme vray Medecin doibt faire . Encores sert la vene à faire iugemēt des crachats es maladies du thorax , chose plus q̄ necessaire pour cognoistre les causes condition & vigueur de la maladie, & appliquer les remedes ainsi qu'il appartient. Faute de ce sens, il est aisē de prendre vn mal pour autre: cōme vne dysenterie , pour vn tenesme & vn flux hepaticque , pour vne dysenterie ainsi on à plus de temerité & conuoitise, ce sens estant defaillant que de prudence & desir de la santé du patient. Celuy qui ne voit, direz vous, peut seurement iuger du pouls qui est vray messager de la faculté vitale. Je le veux bien, mais telle per

Traicté de la Dyſenterie

ceptiō & cognoiſſance du pouls ne ſuffit, veu q̄tāt de fois il peut trōper. Puis q̄ vous le trouuerés pl⁹ frequāt vne fois qu'autre, ou pl⁹ vehemēt ſe lō l'eſtat de la maladie, & force du patient: cōſideré auſſi la varieté des accidés, qui ſuroiennent d'heure en heure. Cen'eſt donc aſſés de s'arrefter au pou's, q̄ nous dōne ſeulement cognoiſſāce de la faculté vitale: car p̄ ce moien on pourroit eſtre deçeu en vne ſuffocation de matrice, & autres accidés ainſi faut il paſſer plus outre, & obſeruer les facultez naturelle & animale, les cōparant toutes trois, on ſe rēd aſſuré des choſes qui p̄mettent vie ou mort. Voila cōme il eſt de beſoing, qu'un medecin ſoit cler voiāt pour remarquer en regardant la face, quel humeur eſt cōtenu au dedās, pour cognoiſtre aux excrements & vrine le cours, eſtat & vigueur de la maladie, tellement q̄ ce-celuy qui n'a la vue, telle qu'il faut

ne peut auoir l'exacte cognoissance de l'estat d'icelle faire tel iugement qu'est de besoing. Je treuerois bõ aussi, q̃ le medecin ordõna tousiours en la maisõ du malade: p̃ ce qu'estât son esprit distrait p̃ la multitude & diuersité des malades, il peut oblir, & laisser en arriere, vne partie de ce qu'il eut ordõné sur le lieu. Quât aux autres choses, cõme habillemẽs, gestes, maintien, par ce qu' Hippocrate & Galiẽ en ont plé suffisamment, ie ne feray plus lõg discours. I'adioufteray seulrment, que cõme en toute chose ie ne scay quel bõ heur est desiré, sãs lequel toutes noz actiõs semblent vaines, qu'il seroit fort necessaire au Medecin d'exçercer son art avec quelq̃ felicité: que si riẽ ne luy secõdoit, & qu'il fut cõduit de quelq̃ malheur, ie treuerois bõ qu'il quitte ceste charge, & choisit quelque autre moien: tñtesfois ie m'en raporte, à ce qu'ilz trouueront bon.

Traicté de la Dysenterie.
*Comme, les femmes se doibuent
gouverner à l'endroit des
malades.*



E croy que personne ne
sera si presumptueux, de
nier que le Medecin qui
ensuit & imite la natu-
re, ne soit l'une des principalles cau-
ses de la guerison du malade: si est-
ce que seul il peut comme rien, au ju-
gement mesme d'Hippocrates, quāt
il dit n'estre suffisant que le Mede-
cin s'acquitte de son deuoir, & face
toutes choses deuement: mais aussi
les assistants. Ce consideré apres
auoir discoursu de l'office du Mede-
cin, il m'a semblé bon de m'adresser
aux femmes, comme à celles qui sōt
plus coustumieres d'estre à l'entour
des malades. Je remarque en el-
les beaucoup de singulieres perfe-
ctions, n'y ne scaurois dissimuler,
qu'el-

qu'elles ne meritēt vne grāde louā-
ge: Car si le malade est triste, ou de
son propre instinct & naturel, ou
pour la rigueur de la maladie, el-
les le consoleront amiablement, &
avec vn doux parler aussi gracieux
qu'un doux vent parmi la violence
du chaut, le destourneront de la fa-
cherie qu'il se dōnera, tellemēt qu'a
uec moindre difficulté, il supporte-
ra son mal. Si le patient est despi-
teux, qu'on ne puisse rien faire à son
gré, pour cela elles ne s'effarouche-
ront point, & si grande est leur fa-
cilité à endurer qu'elles excuseront
toutes ces imperfections: ainsi le
malade retournant vn peu à soy, &
voyant leur incroyable patience, la
continuation de leur debuoir cha-
ritable, il despitera son impatience,
& se gaignant soy mesme, sera en-
clin à prendre ce qu'on luy dira e-
stre necessaire. S'il plaint son mal
come il n'est possible autrement, el-
les

Traicté de la Dyfenterie.

les aufsi le plaindront comme fi elles symbolisoient au mal, & fussent autant affligées que le patient. Tāt est grāde la pitié, & tēdresse de leur cueur. Toutes les choses qui peuuēt soulaiger vn malade, elles sont apparentes en elles, leur amitié accompagnée d'vne fermeté, derobbe le cueur aux malades, la douceur & benignité les recōmande, la grace donne lustre à ce qu'elles font, la pureté conuie le patient, n'eut il brin d'appetit à prendre ce qu'on luy donne. Il n'est ia besoing que ie m'emploie de donner à cognoistre la felicité du malade, à cause des rares vertus qui sont propres à celles qui sont à l'entour de luy. Si ne me puis- ie faire, qu'il n'y a rien tant accompli en toutes ses parties, qu'on n'y treuve quelque chose à redire. vn point leur porre preiudice, en ce qu'elles font plus quelquefois qu'il n'est de besoing, & se destournent
des

des faiges ordonnances des Medecins, fuiuent leur propre volonté. Et les me pardonneront, mais elles font tresmal de passer oultre leur commission, elles doibuent seulement preparer ce qui est ordonné des medecin l'administrer au tēps & à l'heure qui leur sera dite, tenir le malade net, & non pas luy bailler ceci ou cela, sans estre auouées, Je ne m'adresse seulement à celles qui fōt estat de leur seruir, mais aussi à toutes celles qui font c'est office, soit en uers leurs parens & amys, soit à l'endroit de leurs maris, ou enfans, biē qu'elles soient ordinaires, ou les visitent quelque fois. Mon discours est vniuersel, a fin que le particulier ne deroge au commun, & ne pense que ie luy vueille lacher la bride, pour tenir en frain ceste cy, ou ceste la. Tant y a qu'il faut qu'on me dōne, que les choses qui sont cōduites avec raison, se doibuent pferer à

Traicté de la Dysenterie.

à celles qui n'ôt pour cōduitte, que la simple volonté:laquelle n'a autre appuy,qu'vne temerité. Le medecin fonde son intention sur les causes, il preuoit s'il est cleruoiant, les, cf-
faictz infaillibles: aussi ne doit il auoir tant de presumption, veu le noble subiect qu'il à en main, d'entreprendre rien auant que de cognoistre la maladie, & choses concernant icelle: lors il faict toutes choses avec raison, ayant esgard à l'espece de la maladie, auisant au pouuoir & force du patient: ayant en singuliere obseruation la coustume, & façon de viure, les temps, ages, exercices, & autres choses à ce respondātes. Celuy est reprochable qui faict autrement: c'est doncques aux femmes vne legereté, ie n'ose dire sottise, de s'entremesler d'vne chose, qu'elles ne scauēt pas, & suiure leur ppre cōseil. Quoy qu'il en soit, elles diront il luy faut bailler ceci. Je les
prie

prie de me dire ou elles ont appris, que ce dequoy elles veulent gratifier au malade, luy sera profitable? Et si ce qu'elles offrent deuoit profiter, en qu'elles escholes ont elles esté, pour scauoir si le temps le requiert? Vous suiuez, dirés vous la coustume, & que l'aués veu pratiquer en d'autres malades, par medecins signalés. Et si c'estoit la coustume de mettre le doibt au feu, seriez vous les premieres, qui luy mettriez? bien peu vous plairoit ceste coustume, & diriez ouuertement qu'elle deburoit estre retranchée, puis qu'elle apporte dommage: aussi faudroit il demêbrer la coustume mauuaise, qu'auéz de traiter les malades à vostre appetit, qui est bien pire que de se brusler le doigt, vous estes meurtrieres des pauvres malades. Si vous allegués que l'aués veu pratiquer en d'autres par bons & scauans Medecins, vous voulés accommoder

Traicté de la Dyſenterie.

moder vne forme à tous piés, ce qui
vaut en vn est inutile en vn autre, &
pour ce deſiſtés de telle couſtume,
cōduifez vous ſelon les ordōnances
des Medecins, ne paſſés les limites de
voſtre charge & ce faiſant les mala
des ſerōt plus ſouuēt & plus toſt ſou
laigés, qu'ils ne ſeroient. Vous eſtes
motiues aſſez ſouuent du deſordre,
nean-moins le mal-heur eſt ſi grād
pour les Medecins, que l'on leur ſim
pute l'incōueniēt, quoy qu'ilz ſoiēt
ceux qui expoſent leurs vies, pour le
ſalut des malades . Encores faut il
boucher les oreilles, & plier le dos
pour ſouſtenir tel fardeau, qu'il plaie
à ces belles gouvernantes, entre leſ
quelles s'en treuuent de tāt importu
nes, ſoit pour leur grādeur, ſoit pour
leur richeſſe, beauté, ou autre occaſiō
que le Medecin veuille nō veuille,
eſt forcé quelque fois de prédre tel
le voye, qu'il leur ſemble bon. Je ne
veus remarquer perſonne, ſi peut il

aduoc-

aduenir, & pour ce ie desire, qu'õ ne
leurs cõplaise, au dõmaige du patiẽt
pour lequel il nous faut veiller. Et si
elles me croient, d'ores en auãt elles
se cõformerõt du tout au Medecin,
suiuront de point en point ses ordõ
nances, l'interrogerõt de ce qu'elles
voudrõt faire, & auant que de rien
attenter, auront son cõseil, & aduis.
Je prie celles qui ont iusques a pre
sent suyui ce sentier, & qui ne man
quent en rien de leur deuoir, de con
tinuer : lesquelles meritent autant
de louange, que les autres de mes
pris. Les suppliant de ne prendre en
mauuaise part: ce que i'ay dy contre
celles, qui suiuent leur propre mou
uement, remettant le tout à la de
uotion & bon zele que i'ay à la san
té d'vn chacun. Je ne suis deliberé
de tenir ppos, & parler de ceux qui
lisent, hors leurs profession noz li
ures de medecine, & qui à ceste occa
siõ veullẽt qu'on leur rende raison
de

Traicté de la Dysenterie.

le tout ce qui leur est ordonné. Que si on leur dit quelque chose, qui ne leur semble du tout s'accorder, à ce que les anciens en ont laissé, ilz font iugement qu'on ne leur à ordonné ainsi qu'il faut. Je les prie d'auiser, q le saige Medecin, ne suit en tout & partout les anciens : mais se sert d'eux en ce qu'il remarque estre de besoing, s'accommodant au temps, à la complexion du patient, & condition de la maladie.

*La definition de dysenterie, &
comme les causes se doib-
uent tirer des influen-
ces celestes.*

Chapitre. I,



'A N passé ie feis met
tre souz la presse, vn
petit discours de la
peste, auquel nous a-
uons assez suffisam-

ment discouru des maladies populai-
res, & à ceste oçasion ie n'en par-
leray si auant que i'eusse faiët, ou
qu'il eut esté de besoing: ie diray
seulement, ce qu'il me semble ne
debuoir estre laissé en arriere, pour
plus clere intelligenge de la Dysen-
tere. Car ell' est du ranc des populai-
res, n'y n'est moins outrageuse que
ses compaignes, comme on peut re-
marquer en l'année mil cinq cens
trente huit, en laquelle toutel l'Euro-
pe fut tellement affligée de ce mal,
que petit est le nōbre des cités, qui
puissent se vanter d'en auoir esté af-
franchies. Quoy que rarement elle
aye telle estendue, si voions nous
quelques contrées y estre plus en-
clines, & estre plus coustumiere-
ment

Traicté de la Dysenterie

mēt greuées de ceste tache, que toutes les autres parties de ce contour. Nous l'epreuons en Tolose, & à mon grand regret, avec plus grand danger & moyen plus difficile d'en releuer. Cesteçi à esté la principale cause de mon dessein, par ce que desirant sur tout d'estre officieux envers mon pais, ie me suis hazardé franchément de rechercher les causes de ceste tache, ensemble les moyens propres & suffisants, pour l'effacer. Je tairay tous les autres vices des entrailles, comme la continue. Je volóté d'aller à selle que les grecs appellent *Tynesmon* la colique, ventosités, vers, trenchées, & autres semblables, & discourray seulement de la dysenterie, commençant à sa definition. Vous aduertissant en passant, que ce mot de dysenterie pris generally, signifie tout flux de sang, & proprement le flux des intestins, avec vlcération de la tuni-
que

que interieure, conioincte ou sepa-
rée de pourriture, au moins est-ce
vn flux qui tend à exulceration.

Ceste maladie est vne solution de
continuité, des intestins, ainsi est có-
mune, quoy que quelques vns l'aye
dicté instrumentaire, attendu qu'elle
est en l'instrument, scauoir est en
l'intestin duquel l'action est blefsée.

Outre ce les excrements sont
en quatre differences, desquelz
troys n'ont rien fors le nom de dy-
sentere: a raison qu'ilz sont seule-
ment les accidents des parties, d'ou
elles puiennent. Doncques la dyfen-
tere proprement dicté, est vne exulce-
ratió, laquelle s'auançant peu à peu,
entame les intestís, avec douleur &
tranchée de ventre. Elle a deux cau-
ses, l'vne primitiue, l'autre antecedá-
te, plusieurs se sont arrestés à ceste
derniere peu se souçiáts, ou ne tenás
cópte du tout de la premiere cóme
de celle qui leur estoit peu cognue.

Traicté de la Dyfenterie.

Ou bien ilz l'ont rapportée feule-
ment à la façon de viure, qui auoit
precedé. Il semble qu'ilz n'ont me-
moire, de ce qu' Hippocrate mon-
stre euidemment, qu'il ne nous est
loisible de cognoistre la nature de
chacune maladie, n'y mesme de pre-
voir l'issue, fans prendre garde,
au leuer & coucher des astres, mes-
me au changement, & estat des sai-
sons à cause desquelles ces commu-
nes ruines, nous tiennent plus ou
moins de rigueur. Si vaut il mieux
passer outre, & s'attendre aux in-
fluences celestes, puis qu'elles sont
les causes primitiues, plustost que
de s'arrester à la façon de viure. Je
scay bien que Galien ne veut pas,
que les choses tant esloignées indi-
quent la cure Je ne veus cōtester cō-
tre luy, quand il veut estre entendu
de la cause tout premiere, & nō pas
de la seconde. Je dy veu que les in-
fluences excitent, prochainement
les

les antecedantes. qu'il est tresneceffaire de les remarquer: à fin d'acquerrir la cognoiffance des maladies, qu'elles ameinent d'en tirer quelques prefaiges, & atteindre à la vraye adrefse de guerir. Ceux qui ne les fçauent pas demeurent tout eftonnés, & s'esbaiffent, quand ils voiet que telles rencontres qui ne font point entédus, furuiennent en vn instant, quoy que le temps leur femble bien disposé. Bref ils n'ont recours qu'a vne cause occulte, mais le fçauant Medecin, qui regarde en tout temps les diuerfes dispositions des afires; & rayons battans l'air; prenoira ce qui peut aduenir de finiftre à chacun. Pour preuue de mōdire, s'il y a plusieurs profpects, & qu'ilz voyent les feus en formes de lances, ferpens, ou autrement s'eleuer en l'air, s'eflamer, & tirer vers le leuant, celuy mefme qui aura quelque legiere cognoiffance de l'astro-

Traicté de la Dysenterie,
logie, iugera aisemēt, que nous som-
mes menacés de 'dyssenteres, & fieb-
ures chaudes. Ioint que s'il y à con-
iunctiō de Iupiter, Saturne & Mars,
assis en la sixiesme maison, qui est
malheureuse, & mere de maladies,
d'autāt que Mars si esbat & esiouit,
ce n'est de merueille, si pendant tel-
le occurrence, les dissenteres reg-
nent, & ont cours: par ce que toute
ceste sixiesme maison, maistrise le
ventre inferieur, entrailles, & tout
ce qui est iusqu'au fondement. En-
cores cecy sera de surcroist, que si
le Soleil Eclipse, pendant ce temps,
qu'es parties ou se sera faicte l'eclip-
se, y aura plus grāde mortalité, pour
l'occasion des dysenteres. Il ne faut
pas negliger, la vertu & influence
des astres. Ainsi que nous lisons en
plusieurs histoires: Comme en Plu-
tarque en la vie de Pyrrhus, auquel
fut predict qu'il mourroit lors qu'il
uoiroit vng loup & taureau comba-
tant

tant ensemble: ce qu'il luy aduint en la ville D'aspide, ou il fut frapé d'un coup de tuille par vne femme montée sur la couuerture de sa maison. Aussi la mort d'Alexandre le grand & de Iules Cesar, fut predite par les Mathematiciens, laquelle aduint selon leur prediction. Comme tesmoigne le mesme Plutarq en leurs vies. Il fut vn Roy d'Egypte, qui auoit vn fis, qu'il faisoit instituer & dresser à la vacation des armes: lequel n'estant né a la vacation que son pere l'auoit voué, au lieu de s'attendre au maniement des armes, & exercice que ses maistres luy monstroient, il se desroboit d'eux, pour s'accoster des mareschaux, pour d'eux apprendre l'art, auquel il estoit naturellement enclin, pour les causes superieures, dont il se rendit en fin excellent & rare mareschal sur tous les autres. Ce que aussi pourroisie confirmer par vng autre exemple,

Traicté de la Dyfenterie.

non moins vray, que le precedent.. Vng fis d'un pauvre tisserand, lequel ayant fortuitement logé chez luy deux Philosophes, ayant sa femme enceinte, & s'estant par fortune ce soir la acouchée: les philosophes, regardans la disposition & influence des astres, cogneurent & prédirent, que c'est enfant seroit à l'aduenir vn grand & excellent Philosophe. Ce qui fut en fin veritablement accompli: Car le pauvre pere le voulant ranger à son art, il se desroboit de luy, pour frequenter les personnes lettrées, pour d'iceux apprendre l'exercice des Lettres, & suyure la vacation, à laquelle il estoit naturelement enclin. Or est il doncques à noter, que les astres, bien ou mal figurés, nous communiquent leurs influences: Car il faut entendre (selon l'opinion des doctes Astrologiens d'Egypte come des plus souuerains en c'est art) que
selon

selõ la nature des cõstellations, & influences des astres, a l'heure que se faiẽt la conception, quand la semence de l'homme est reçue dans la matrice, avec celle de la femme, les deux ensemble proportionnelemẽt temperés, se faiẽt pour lors, la figure & delineation de chascun membre; & aussi selon la nature, & influence des astres, à l'heure de la natiuité, l'enfant sera subiect & enclin à l'effect desdictes constellations, & influences; tout le demeurant de sa vie. Ceste cõsideration meriteroit d'estre discourue, plus au long, si la petitesse du liure, ne me retréchoit. Nous nous contenterons de ceci, ce que toutesfois, ie ne veus estre tellement entendu, qu'on pense que i'attribue aux planettes quelque maladuanturé, & qu'elle nous soit départie, à la ruine & danger de nostre vie. Mais ie dy que l'air estant disposé, d'une façon ou autre pour le
res-

Traicté de la Dysenterie.

respect de leur conionction & influence, rendent les corps qui sont moins sains, plus enclins à estre entachés, car ceux qui sont sains difficilement reçoient telle impression, laquelle i'ose predire pouuoir estre contenue & reculée de nous, si uous amendons & corrigeons les corps, qui tost & facilement sont surpris par quelque diete, & remèdes conuenables: à fin qu'ils se defendent plus rigoreusement, & soyent inhabiles d'estre atteints de ce mal, qui sembloit se familiariser, par leur vice propre. Les braues Medecins, qui sont & doibuent estre meslés en l'Astronomie, soudain qu'ils voient ces maladies, s'adressent de prime face aux occurrences des Astres, & pour bien heurer leur cure, prennent garde que la lune soit ez signes ou de Cancer ou du Lyô, ou de la vierge, à tout le moins que ces signes soient ascendants. Ceux
qui

qui ont peu d'auantaige sur le commun du peuple, lors que telles nouueautés suruiennent ils demeurent suspens de ce qu'ils doibuent faire, & ne scauent s'ilz doibuent se seruir de leur cure accoustumée, & propre aux autres affections. D'autant qu'ils ignorent la cause, ilz ne mettent en leur entendement, qu'il faut songer quelque nouveau remede, pour rabbatre vn nouveau mal.

Des causes primitives.

Chapitre. II.

Traicté de la Dyfenterie.



ES autres cau
ses primitives
des maladies,
se rapportent
au changemēt
des temps &
saisons, cōme
en font foy

Hippocrate, & Galien en plusieurs
lieux. Principalement Hippocrates
au liure qu'il a faict de l'air, des lieux
& des eues. Si l'année, dit il, est hu
mide & froide, halenants les vents
de septentrion, plusieurs se seront
bien treuues pendant l'hiuer, qui au
parauant estoient trauaillés. Et ce
n'est hors de propos, si descriuant
les choses qui se sōt passées en l'air,
il commence des le temps, auquel
premierement il s'estoit esloigné de
son naturel, puisqu'il vouloit rap
porter les formes & sources des ma
ladies, qui ont quelque cours entre
le commun à l'indispositiō de l'air,
qui

qui nous environne & est la seconde cause primitive Et d'autant que l'hiuer à esté froid humide & aquilonien, les chassies accompagnées de douleurs se sont mises en rang, non seulement pour raison des defluxions abondâtes, qui causoient grâdes inflammations aux yeux : mais aussi pour raison des vents aquiloniens humides & nuageus, lesquels meslés avec la descente du rhume, emeuuēt des despites & incroyables douleurs. Pendant l'esté & automne, regnoient flux de ventre & de sang, appetis d'aller à selle, par ce que les superfluités & humeurs qui s'estoiēt amassés durât l'estat p̄mier du temps, se rengeoiēt au vêtre: puis pour la longue traitte qu'ilz auoiēt esté retenus, s'estoient pourris au dedans suruenāt la foiblesse à l'un du foye, à cestuiçi de la ratte, & à cestui là du vêtre, à vn autre des entrailles, ou de quelque autre partie, laquelle

pour

*no for
sur lin
l'istère
p̄trou*

Traicté de la Dysenterie.

pour ceste occasion resentoit l'affection qui luy estoit propre ou familiere. Qres quand les temps auoient quelque longueur, que les peines se multiplioient, que la substance s'escouloit, peu à peu se formoient des apostumes, ou plus griefues, qu'on ne pounoit supporter, ou moindres qu'elles puissent soulager, par voye critique, & à fin que particulieremēt on entende ce qui à esté dit en commun, & qu'on soit asseuré que telles apostumes que les grecs nomment *Apostáseis* signifiet les dysenteres, il adiousté les affections qui les greuoient, estoient dysenteres, legere-té de ventre, flux de sang, volontés de se presenter à chambre, toutes lesquelles maladies ont pour cause primitive l'inconstance du temps, les Grecs les ont appellées *Tous nousous Epidimicous*, comme ilz ont nommé *Endimious* celles qui ont cours avec l'infection de l'air, tache de la pourri-

pourriture, & vapeur puantes, qui viennent d'enbas, cōme des marefcages, gouffres, clouaques, egouts, lieux limoneus, monuments de terre, & autres choses sēblables q sōt les causes primitives de ces maladies. Estāt les choses en c'est estat, & cōsidéré que l'air peut estre alteré & corrompu d'un si grād nōbre de causes, tant supérieures qu'inferieures, ce n'est de merueille si quelq fois il est tellemēt caché q recepuant ceste qualité empoisonnée, elle passe d'un en autre. Car les maladies populaires, se cōmuniquent aiseement, au nombre desquelles la dyfentere est, laquelle toutefois ne faist tous, n'y ne s'enaignit egallement contre vn chacun. Mais principalement cōtre les plus enclins, comme sont ceux qui ont l'inferieure regiō du vêtre foible & imbecille, nō moins q ceux qui ont les poulmōs exulcerés, halenans ils tirēt aiseemēt les autres en semblable affectiō principallemēt ceux qui ont

Pour =
quoy plu
ſieurs ſont
pluſtoſt
proclives
à rece-
voir mal.

la ſubſtance des poulmons mollasſe
tendre & ſuiette : à corruption, n'y
ne faut imaginer vne cauſe occulte
ou influence des corps ſuperieurs,
d'ou nous puiſſions reſentir ce mal,
quand il eſt ſeul ſporadic.

Toutesfois ou il aduiendroit,
qu'il y ait quelque ſiniſtre aſpect
des aſtres, il ne faudroit ſ'arreſter
ſeulement à ce qui eſt ſus, & alors
il peut prendre le nom de peſte. Je
ne ſcache perſonne, qui ne recog-
noiſſe, que c'eſt vne choſe ſotte, &
digne de riſée, de ſonger ce qui eſt
hors des bornes de nature, veu qu'
elle n'embrace rien hors les Ele-
ments, qualités, ou ce qu'elles pro-
duiſent, puis qu'il n'y a Planette, qui
ne ſoit bening, & qui ne nous pro-
digue quelque douceur de ſanté, tât
s'en faut qu'on luy puiſſe reprocher
quelque defortune, venant de ſoy, il
faut croire que le dōmaige, que les
hommes reſentent pour leur influ-
ence

ence, ne vient tant de leur nature, comme de leur configuration & maligne qualité de l'air reçue plus facilement aux corps vitiés & imbecilles. Si que iacoit que l'esté chaud, & sec soit bõ de sa nature, & aye le téperamét qui luy est ppre, si est il ennemy des natures bilieufes, & fauorable aux pituiteufes. Il est loisible d'en dire autant du Soleil, de la Lune, & autres planettes, lesquels rendent nostre Hemisphere plus chaud, faisants leurs cours parmi les signes qui regardent le septentrion. Quand ils se tornét du costé de ceux qui sont vers le midy, nous causent l'hiuer. Passons, doncques souz silence ceste puissance laquelle n'est occulte à celuy qui a la cognoissance des Astres trouuée de plusieurs, l'appuy seul de leur imbecillité, & bref vn songe des hommes. Cessons de penser que le mal-heur qui nous attouche, vienne du cours de ces or

Cõment
les Af-
tres agif-
sent en
nous.

Traicté de la Dysenterie.

dres celestes, meus eternellement d'une mesme façon. Bien agissent ils selon la figuration qu'ilz treuuent mais c'est sans contraindre ou forcer. Ils approprient seulement leurs influences & inclinations, à l'estat & disposition des choses, qui sont icy bas. On voit aisement que des corps les vns sont plus tost eschauffés, les autres moins, par les rays du Soleil, les autres plus ou moins humectés, par ceux de la Lune: toutefois les rayons de l'un & de l'autre, ne sont en soy dissemblables. Pour retourner à mon propos & mettre fin au discours que ie fay, des causes primitiues, ie ne veux oublier que telles causes peuuent estre rengées, à vne mauuaise façon de viure, & vsaige, de viandes, qui produisent des humeurs poignants, cōme sont les racines, aux, oignons, pourreaux les fruiets, qui sont creus, principalement en vn air mal sain, & corrompu

Depranée façon de viure cause primitive.

rópu & toutes autres choses, qui a-
uāgent vne pourriture, & engēdrent
vne corruptiō de tous les humeurs.
L'affluence des viandes, quoy qu'el-
les soient bōnes, est souuēt cause de
ce mal, cōme d'autrefois nō la quan-
tité, mais la vertu, qu'ell' ha de las-
cher naturellement. D'autrefois vn
desordre, à prendre la viande ou le
boire desmesuré. Entrefes causes peu-
uēt se loger les medicamēts, voire
simples, souz lesq̄lz nous cōprenons
les poisons & breuuaiges, qui emeu-
uēt le flux ou la dysenterie, ou bien
quād on charge trop, & que la dose
est hors de mesure, ou biē quand il y
a quelq̄ malice ou aigreur attachée
à la substāce, & faculté: ou q̄ la super-
fluité du vētre ou des intestins, en est
abreuée ou bien pour quelq̄ faute
du medicamēt outre ce les treuūas
desmesurés ou desfraiglés, les exerci-
ces nō accoustumés, pour raisō des-
q̄lz les humeurs desbordés s'escou-

Ordre &
desordre
des vian-
des,

Traicté de la Dysenterie.

ventre, les veilles excessiues, le cour
rous violent, l'air chaud, qui lasche
& ne reserre point, tel qu'est celuy
que nous halenons en Tolose, le
froid etraignant & epraignant, qui
est cause de beaucoup de cruditez:
ainsi est suiuy de ce mal, comme
nous lisons estre aduenu quelque-
fois à Thase, ou iusques aux iours
caniculiers, plusieurs ietterent le
sang en abondance, & principale-
ment ceux qui estoient ieunes, ou
en la fleur de l'age, ou depuis les par-
ties ou le iour & la nuit sont mi-par-
tis; iusques au Pleiades australes a-
uoient esté quelques petites pluyes,
l'huiuer aquilonien, brouillats, vents,
froid, grandes neiges. Ou encores
quand vers les parties, ou les nuits
& iours sont mi-partis il y a de tres
aspres froidures, frimats, pluyes froi-
des. Vers le solstice estiuual, pluies ra-
res, & froids, iusques au p̄spect, lieu
ou site du chien, les plus agés ont

eu iaunisses, deuoyemens de ventre comme il suruint à Bion, & beaucoup de ceux qui furent tormentés de ses saillies & impetuosités de sang, tomberent és dysenteres comme le filz d'Eraton & Myle, qui apres auoir ietté le sang en abondance, furent surpris de dysenteres. Passant souz silence la plus grâde part, de ce que Hippocrate a discouru fort au long sur ce propos, il m'a semblé bon d'en dire vn mot, à fin que ie feisse paroistre la varieté des dernieres causes primitiues, & comme secondes: aussi qu'on entendit que ce sont elles, qui nous ouurent le chemin, & meinent à la mort en tel inconuenient. Qui à coustume de tenir, & bien souuēt au temps de la guerre, pour raison de la desordōnée & desmesurée maniere de viure des soldats, qui se remplissent de chair mal cuittes, & de yiandes mal assaisonnées, tellement dy- ie rem-

Pour
quoy
auchamp
souuent
suruiuent
flux de ven-
tre.

Traicté de la Dysenterie.
plissent, que bien tost la sâguificatiô
est vitiée, estant la chaleur naturelle
suffoquée, d'ou vient que le corps es-
tant plein de ces crudités, & pesan-
teurs, reçoit de grandes obstruções
& diuerses pourritures, lesquelles si
elles demeurent obstinées suruenât
l'infection des charroignes, & hail-
lons du camp, engendrent & for-
ment ou vne peste, ou vne dysente-
re contagieuse.

*Des causes antecedentes, & dif-
ferences de quelques flux
de ventre tendants à
la dysenterie.*

Chap. III.



Ensuit la cause
antecedēte, qui
gist en quelque
humeur que ce
soit, moyennāt
qu'il soit mordi
cant: ou à raisō

de la quantité seule, ou de la qua-
lité aussi seule: ou de tous les deux
desbordés. Et par ce qu'il aduient
coustumierement que la dysentere
suyue la dyarrhée pure, que les
grecs nomment pour ceste occasiō
Acryton: en laquelle l'humeur qui
est pur, est porté hors, sans qu'il y
ay' rien d'aqueus, ratissant peu à
peu les intestins, & en fin exulcerāt
lès plus profondes parties d'iceux:
attendu la semblance commune
de ces deux, celuy qui aura la cog-
noissance de l'une, aussi l'aura il de
l'autre bien aisément; suradioustant
quelques marques, & conditions,
par le moien desquelles la diarrhée

Traicté de la Dyfenterie.

se forme en dyfenterie, toute fois l'un ne peut estre sans l'autre. Il faut donc pour plus grande facilité, que nous fâçions quatre causes de ces flux Vne materielle diuisée en deux au subiect, auquel ils se font, cōme les intestins: en l'objet, qui est la matiere qui s'euacue: l'autre formelle, le flux mesme & saillie de la matiere qui est portée hors. La tierce efficiente la nature ou vertu expultrice, pūoquée à vuider ce qui est pernicious. La quarte finale, que ce qui est mauuais soit tiré dehors. Pour raison de la multitude, & rariété des causes, plusieurs differences, ou de dyfenterie, ou de la diarrhée, ou de quelque autre flux que ce soit, ont esté pposées. Car pour l'egard de la double cause materielle, ceste diuision à esté establie: car ou elle cōsiste aux intestins, lors que la matiere qui s'euacue est contenue en iceux, & ne s'ecoule d'ailleurs, ou el

le

le prouient de tout le corps, ou de quelque partie, ou de plusieurs. Voy laquant au subiect. Si nous regardons lobiect, ceste matiere de laquelle elle est formée viét de l'exterieur, & s'insinue au corps comme la viande ou médicament, ou bien de l'intérieur, & lors c'est quelque particule de quelque partie du dedans, cōme vne pellicule, pierrette, ou petite raclure. Ou des choses cōtenues en vn organe, cōme des humeurs lors qu'ils ne se sont point changés, & retiennent leur naturelle integrité: comme le sang, la pituite, l'vne & l'autre cholere: ainsi la dysenterie est appelée sanguine, bilieuse ou mellee: ou lors qu'ilz sont en autre estat, que leur naturalité ne porte: au moien de quoy vn flux est dit puant l'autre saigneus, de mauuaise odeur, aqueus, fangeus, noiraste, sang espés comme lie de vin, cestuici d'vne ou autre couleur, cestui la avec vermines

Traicté de la Dyfenterie

mines, quelcun avec la pierre, cōme il aduint à paris, l'an 1560. Vn personaige estoit affligé outre mesure d'une trespoignante douleur des entrailles, & ventre inferieur: en fin il rendit vne pierre de la grosseur d'une grosse noix, ou d'un œuf, & en guerit. Touchant la cause efficiente, l'un aduint pour l'imbecillité de la retētrice, ou force expultrice: ce qui aduint lors que nature travaille fort & commence à digerer, ou qu'elle separe le bon d'entre le mauuais, & chasse hors cestuigi: & ce flux est dit symptomatique. Vn autre peut aduenir de la part de la cause qui ayde, comme de lair, du baing, des medicaments & choses semblables. Lesquelles prouoquent le flux, ou laschant par leur chaleur ou etraignants par leur froid, ou bien augmentant le flux qui est emeu. Lesquelles causes nous empeschent fort, & facilement produisent
c'est

c'est inconuenient. Mais nous ne recepuons moins de peine & dōmaige des causes internes, & que nous auons de nature, scauoir est de la foiblesse de la faculté retētrice, & expultrice du ventricule, & des intestins; non que ie venille dire, que l'imbécillité de la faculté retentrice soit cause de ce qui est poussé hors: car considéré que la force qu'elle à, est cause du deuoyement & vuidange de la matiere pernicieuse, l'imbécillité seroit cause du contraire. Mais elle est appellée cause, parcequ' à raison de son imbécillité, elle ne peut empescher, n'y repousser la matiere qui tombe sur foy: ou par ce que ces parties languissent, tāt elles ont de foiblesse: n'y peuuent entoyer, hors les excrements, lesquelz augmentés outre mesure, emeuuent necessairement quelque flux: ou bien qu'estant dissemblables, enuoyant le chilus au foye, ou il est porté

Traicté de la Dysenterie
porté tāt par la vertu attraſtrice d'i-
celuy, cōme p l'expultrice du yētri-
cule, & des inteſtins. Vne partie du
chile aux capacités, des inteſtins eſt
retenue laquelle pñāt accroiſſemēt,
pour l'āpport & ſurchroiſt cōtinu-
el des autres pties, tire à vne meſme
fin. La rigueur auſſi & force de l'ex-
pultrice, produit quelquefois ce meſ-
me effect: lors que fortifiée plus q̄ de
couſtume, elle pouſſe hors auant le
temps plus qu'elle ne debuoit. Car
il y a vn ordre & entrefuitte de ces
deux facultés retentrice & expultri-
ce: par ce que d'autant que leurs ef-
fects ſont contraires, ſinon que l'v-
ne ceſſe, l'autre ne peut aucunemēt
agir. Ayant aſſurance de ceci, il eſt
aiſé d'entendre que l'exulceration
ſe faiēt lors que ce poiſon tombe
des parties ſupérieures ſur les inte-
ſtins, à raiſon de l'humeur maling,
lequel eſtant porté hors par la force
de nature, ſort auſſi toute la malice
qui

qui estoit cachée sous iceluy . Ou aussi par la, debilitation de la vertu, qui forme le sang au foye , laquelle cause vn mauuais & contagieux sang, lequel coulant sur les intestins produit vne exulceration. Semblablement il cassent & rompent les veines des intestins, pour l'affluence du sang comme les Hemorrhoides. Vray est qu'on y treuve ceste difference, qu'aux Hemorrhoides les seules veines s'ouurent, qui sont sur le lieu par ou se purge le ventre, rongées de l'acrimonie & acuité de la matiere: mais aux autres, celles qui sont en la rondeur des intestins ou en l'intestin droit iusques à son sommet . Sa cause est ou externe, comme le heurt d'une cheute sur le dos, ou sur le ventre, vne viande mordicante, ou le medicament. Ou interne, comme l'humeur qui est necessairement chaud, soit par mixtion, soit de sa nature ou putrefaction, &

Traicté de la Dysenterie,
à raison de ceste chaleur il est poi-
gnant, raclant & escorchant.

*Que la dysenterie vient de tous
& chacun humeur.*

Chapitre. IIII.



L'appert que la dys-
senterie peut estre cau-
sée de chacun hu-
mcur, & en premier
lieu du sang, par les
propos d'Hippocratte aux liures
des maladies populaires, ou il des-
crit les sortes de ceux qui se font des-
seichés: & par ceux de Galien, qui
nous assure ce point icy, escriuant
de ceste sorte. Ceux qui auoient le
teint rouge & estoient disposés à
melancholie, ayant le sang espés, &
chaud, à bon droit estoient ilz de-
tenuz de frenesies & fiebures chau-
des

des, de maladies autres & dysenteres saigneuses : espendant le sang, par les veines qui appartiennent aux intestins : lequel forme vne dysenterie, par ce qu'il est rendu bilieux & mordicant, outre sa nature : ayant seiourné quelque temps és intestins ou quelque autre part, qui ne luy est naturelle, ou il s'est figé & gelé comme par moiteaux . Toutefois ceste dysenterie n'est la vraye, de laquelle nous recherchons les causes si soigneusement, de ceci n'est esloigné le tesmoignaige de Galien, commentant le troisieme des maladies populaires : pour le regard de la pituite, disant en ceste sorte. Auenoit aisément aux ieunes, qui estoient chargés de pituite, vne continuelle volonté d'aller à chambre, nō seulement pour estre naturellement enclins à telle affectiō : mais aussi pour la chaleur de l'esté, qui reſdoit le pituite mordicāte & corrépue: car

Traicté de la Dysenterie.

Car passant parmi l'intestin droit, telle pituite exulceroit la partie, & prouquoit continuellement d'aller à châtre, ceux qui sont atteints de ceste affection, ilz sont plus esguillonés de se presenter à la selle que ceux qui ont la dysenterie : parce que la dysenterie pituite se vuide plus difficilement, s'attachant au corps, à cause de son espaisseur. Aussi elle n'esteint son homme en si peu de temps que la bile. Ceste pituite quelque fois vient de tout le corps, quelquefois s'amasse aux intestins, à raison de l'espaisseur qu'elle a. Que si la bile ne peut l'enuoier hors, la nettoyant par son acrimonie, laquelle comme à de coustume, irrite la puissance expultrice des intestins, suruenant le chaut de l'Esté, elle pourrit & acquiert, vne qualité mordicante, & poignante, par laquelle elle exulcere les intestins. Orres elle deuient sallée, ou estant meslée

lée avec la bile, ou par la pourriture des corps moites & humides, auquelz apres telle constitution humide est demeurée quelque humidité excrementeuse, laquelle ne s'exhalant à l'apport de la chaleur se pourrit, & est rendue salée, mordicante & acre; ainsi que leaue de la mer par la mixtion des exhalations adustes, lesquelles tombent en icelle: ainsi il escorche poignant, ratisant & mordant, pour ce qui est propre, à toute saleure, que si ces inconueniens des intestins sont formés de la bile, & pituite, de beaucoup sont pires ceux que la bile produit, laquelle estant séparée du foye & sang, tout du commencement ratifse les entrailles, puis on voit incontinent distiller quelque peu de sang lors que ceste affection doibt desia estre appellée dysenterie: scauoir est par l'acrimonie de ceste humeur, qui consume, & nettoye vigoreu-

Traicté de la Dysenterie.

fement, estant les intestins ratissés puis aussi rongés, tant qu'ilz soient exulcerés. Quoy que ceste espee soit de difficile curation au iugement d'Hippocrate, toutefois Galien se vante d'en auoir gueri plusieurs. Quand nous serons sur la cure, nous enseignerons le moien. Reste à poursuyure celle qui vient de la noire cholere, causée ou de l'adustio de la iaune cholere, ou de la melancholie. Tous quasi maintiennent qu'elle est incurable, & mortelle: non sans raison, sinon qu'elle aduiene par vne crise. Possible qu'en ceste sorte elle seroit moins dangereuse nature guerissant les maladies, chassant hors telle matiere au iour de la crise, estant la cause antecedente desia distraite, ores est elle ditte mortelle, si nous croyons à Galien, par ce qu'elle n'est differente d'un cancre, lequel iasoit qu'il se monstre en la superficie du corps, & que
le

le chirurgien le puisse manier 'à son plaisir, & y appliquer medicaments propres, si ne, peut il recepuoir aucune guarison, sinon que la partie affectée soit entierement retrenchée. A plus forte raisó moins peut estre gueri, quand vne fois il s'est emparé des intestins, non seullemét par ce qu'aucun remede ne peut estre admis la part ou il est attaché: mais aussi par ce qu'il ne seroit estre nettoyé, n'y se reprendre, pour le continuel apport & attouchement des excrements.

Nombre des intestins & comme la Dysenterie se forme en iceux.

Chapitre. V.

Traicté de la Dysenterie.



Eu que par tât de raisons & experiences confirmées de tant de tesmoignaiges des anciēns, nous cognoissons que la Dysenterie est procrée de chacunumeur: à fin que nous ayons vne entiere explication, & parfaicte cognoissance des choses qui attouchent ceste matiere; ie treuve bon de faire voir en peu de propos, vne dissection & descriptiō des entrailles. Il n'y a d'iceux qu'un seul cōduit, & vsaige, tellemēt que nous pourriōs iuger, qu'il n'en y a qu'un smon qu'ils sont distincts par la figure, grandeur, substance & collocation; à raisō dequoy on en a faict six en tout, qui sont composés de deux propres tuniques, celle dedans estant chancuse, & ont des fibres transuersiles, seulement pour enuoyer hors le chilus, & la matiere fecalle, & en ont des droictes pour les renfor

réforçer les troys gresles qui sont les premiers instrumens departisans le chylus cuit au ventricule, & le distribue au foye par les veines mesaraiques. Le premier est dit Hephis: qui est sans reuolution, droict & long de douze doibts. Le second est nommé Ieiunum, pour ce qu'il semble tousiours estre vuide, tant peu il cōtient au regard des autres. Le tiers Ileum du nom duquel les flancs ont esté appellés: lequel, quoy qu'il soit aussi gresle, que les autres, si est il le plus lōg de tous, faiēt plus de reuolutions qu'aucun autre & s'estendāt iusques aux cines & hanches environne toutes les regiōs superieures du ventre, & depart vne grande quantité de viande au foye. Autant en y à il de gros: l'vn est nommé Cœcum, qui est comme vne capacité espesse, auquel les excrements reçoipuent premierement leur forme & nom. L'autre est dit

Traicté de la Dysenterie

Colon gros & espais, plus charneu qu'aucun. Le dernier est nommé Rectum, à cause de sa rectitude, sur l'épine de l'os sacrum, iusques à l'extrémité du fondement.

Toutes les foys que nostre corps est rempli de crudités, & humeurs malins, soit de leur qualité, soit de leur substance, peuvent aduenir tranchées aux intestins, & tout aussi tost qui sont escoulés, sur les parties intérieures, vers le conduit des excrements, engendrent diarrhées, appetis continus d'aller à chambre, & dysenterie, ou si d'auanture ilz retournent vers le profond du corps, à cause de la froidure qui vient de dehors s'ensuyura vne maladie bilieuse. Car ceux sont trauaillés d'une maladie bilieuse, qui ont la cholere rentrée, & reserrée au corps, sans qu'elle s'euapore: ainsi est il des autres humeurs. Veu que perpetuellement les superfluités des parties

ties

ties plus rigoreuses, & fortes se de-
chargent sur les plus foibles, il s'en-
suit, que ceux tombent plus aisemēt
en vne dysenterie, & appetit de se
présenter à chambre, qui ont les in-
testins debiles, tant par la nature des
parties, comme de la contrainte &
necessité de la matiere. A raison de
quoy les humeurs acres & mordi-
cants, depuis qu'ils sont attachés aus
intestins; aus revolutions desquelz
ilss'arrestent, rongent iceux intes-
tins, par leur acrimonie, & les exul-
cerent. Ce qui aduient plus tost, &
plus souuent à ceux qui sont en la
fleur de leur aige, d'autant qu'il y a
en eux grāde affluence de toutes les
deux choleres, & de pituite sallée:
lesquels n'estāt purgés en tēps & sai-
son, mais ayant pris accroissemēt de
long temps, attēdu que si grād amas
de vilennie, ne peut estre cōtenu dās
les vaisseaus que nature a voué à ces
fins, laquelle puissante & forte se

Traicté de la Dyſenterie.

decharge de toutes parts, ſur le mēſentere & panicule charneus comme parties moins nobles, par les rameaus de la veine porte, qui ſe termine & bornēt au miſentere & coiffe, ſi q̄ la ſe pourriſſant, acquiert vne acrimonie, laquelle cauſe des tres-fortes tranchées, pendant qu'elle eſt deboutée par les inteſtins: quelquefois neau moins ces humeurs reſultent du foye, & des plus grandes veines, quelquefois de tout le corps. Selō Galiē il y à trois degrés de dyſenterie. Le p̄mier eſt quand on iette hors vne matiere graiſſeuſe. Le ſecond quand on rend quelques raclores des inteſtins, ſcauoir eſt quād la ſuperficie au dedans eſt ratiſſée, eſtant icelle membraneuſe, & autāt eſpeſſe que le cuir qui couure noſtre corps. La troiſieſme & derniere quād meſme quelque partie de la ſubſtance des inteſtins eſt pouſſée hors, & que l'vlcere s'eſtand plus au dedans
auquel

auquel temps nous disons que la dysenterie n'est à se former, mais qu'elle est en son estre parfait & accompli: laquelle sans doute est mortelle; principalement si cōme elle s'auance, & va tousiours plus outre, rend des parties tāt insignes, qu'elles meritent d'estre appellées chair: veu que la substance de ses parties spermātiques, ne peut se regenerer, n'y les cicatrices se reprendre & refermer avec vne si grande exulceration.

Des causes conioinctes.

Chapitre. VI.

Traicté de la Dysenterie.

L Es causes cōiointes sōt ces humeurs acres & mordicāts, q sōt attachés à la ptie, lesq̃lz en rongeat se trainēt pl^r auāt p leur malicieuse qualité: ce q peut estre dit des medicamēts, cōme la scamonée, colochīte euphorbiū & poudres enuenimées, cōme du diamēt, arcenic & six cēs autres qu'il n'est besoin de poursuiure pl^r au lōg. Que s'ils demeurēt attachés à la ptie ou pl^r lōg tēps, comme au vētricule & cabinets des boyaux suiuet de tresgrāds icōueniēs de leur exulceration & ponrriture,

*Preuoiāce de la dysentere & la
cause de l'inclinatiō de quelques
vns & de quelques villes.
Chapitre. VII.*

N Ous p̃uoiōs & auāt cognoissōs tel encōbre deuoit aduenir toutes les fois q la cōstitution de l'ā avec la faiso p̃sente, cōme passée, est

pl⁹ chaude & seiche qu'elle ne doit,
ou à coustume d'estre. L'ors s'engē-
dre & forme vn grād amas d'humeur
cholériq, d'ou il prêt sa source. Ioint
q̄ s'il y a cōionctiō de Saturne, Iupi-
ter & Mars, en la 6. maison, & q̄ plu-
sieurs en icelle regiō soyēt trauail-
lés de diarrhée, & tenesme, qui sont
les auācoureurs, l'auāt cognoissāce
& p̄dictiō est de beaucoup plus assu-
rée, & ne mētira qui dira q̄ cest in-
cōuenient, est vne maladie populai-
re qui sera cōtagieuse & p̄niciuse.

Et certes aux lieux, ou elle est plus
familier, aussi est elle plus dāgereu-
se, quād elle viēt ou des causes supē-
rieures, ou qu'elle est populaire. Sē-
ble faire cōtre nō^r hippocrate, disāt
q̄ les malades sont en moindre dan-
ger, quād la maladie s'accorde avec
leur nature, aige, coustume & temps
que ceux qui n'ont rien cōmun de
cecī. Mais d'autant que les corps y
sont le plus disposés, & q̄ne l'air
duquel

Obiectiō

Traicté de la Dysenterie

duquel nous viuons tous, nous cō-
munique promptement c'est in-
conuenient, l'entretient & nourrit.
Estant ces deux causes ioinctes, l'af-
fection est beaucoup plus griefue:
car toutes les foys que ces maladies
populaires enuahissent les villes, &
contrées qui ont accoustumé d'en
estre affligées: la veritablement on
est plus griecument detenu, à rai-
son de l'infection, & qualité mau-
uaise, seminaire des maladies. En
quoy gist la cause secrette d'une
malice si grande, & tant coustumie-
re. Et à mon aduis, c'est pourquoy
la disenterie qui suit l'inconstance
des temps, & saisons, est plus dange-
reuse en Tolose, qu'en toutes les
autres cités qui ne luy sont sembla-
bles, & qui n'ont telles inclinations
que ceste ci ha. Or faut il qu'avec
toute diligence & ententiement
nous recherchions d'ou viennent
ces seminaires & causes de ce mal.

Hippo-

Respon-
ce.

Hippocrate au liure de l'Air, lieus & eaues, pareillement Galien au commentaire des maladies populaires, aduertissant que qui veut faire la Medecine avec reputation, & honneur il doit auant toute autre chose soigneusement obseruer la nature du climat, les astres couchants & leuants, desquelz vient la varieté des temperaments, & diuersité des mœurs, & affections tant de l'esprit que du corps. Car à ces fins, nous voions que les Maures & Aethiopiens, sont de couleur noire, ont la barbe crespée, & les iambes gresles: au contraire ceux qui demeurent és contrées froides, ilz ne sont seulement dissemblables en couleur, forme & temperament pour la distance de leurs regions, mais aussi ne sont egaux à ceux, qui sont proches l'un de l'autre & voisins, ayâts presque mesme climat & ciel. Et ce qui semble encores plus estrange, à
celuy

Traicté de la Dysenterie.

Celuy qui sans se lasser, recherche la verité, & causes des choses: Il y a vne tresgrande dissimilitude & de mœurs, & de temperaments mesme entre deux freres iumeaux, voire ou beaucoup d'autres choses, l'vn ne r'apporte rien à l'autre. I'estime que ceci aduient suiuant la varieté de l'horoscope. Ceci estant auéré en plusieurs personaiges, pourquoy ne nous sera il loisible d'attester de tant de villes, qui sont greuées de ces maladies populaires, & comme familiares, que la source & origine vient de la coustellation, qui est cōme vne pepiniere de maladie? tellement qu'il est necessaire que ceux qui sont nés sous vnmesme horoscope, q̃ les lieux ou ilz sont soient plus enclins à cest inconuenient, que ceux qui ont autre horoscope, & sont d'ailleurs, à raison dequoy, suruenant ceste constellatiō elle dispose l'air change les corps & enua-

hit

hit ceux, qui sont vitiés, ou pour le moins plus enclins à corruption: nō qu'ilz nous imposent quelque necessité, mais par ce que les actions se font en vn subiect disposé, & cōme dit Aphrodisée auant que l'agēt puisse agir sur le patient, est requise vne quantité determinée, & accord des accidents. Ainsi quand les habitants auront quelque inclination à estre tachés, à grand peine peuuent ilz s'en garentir, sinō qu'il voyent ailleurs, & changent de contrée ou lieu auant la constellation, comme il aduient à ceux qui habitent en la region garfiniane, laquelle est située au conté delà ville de Louc, ou la plus grande part des hommes & femmes sont subiets à escroelles, & gouttes: & demeurent incurables, sinon qu'ils changent d'air & caue.

Pourquoy

Traicté de la Dysenterie.
*Pourquoy Tolose est fort en-
cline à la Dysenterie*

Chapitre, VIII,



Eux causes prin-
cipalles rendent
Tolose encline
à ce mal, duquel
nous discourôs
outre celle que
nous tirôs d'en-
haut. La premiere est la nature de
l'air, l'autre le site de la ville. Toutes
les autres qui se peuuent penser, côm-
me la nature de la terre, & maniere
de viure, meritent mieux d'estre ap-
pellées cooperâtes, que p̄mieres &
principalles. Premièrement pour
l'egard de l'air, il est austral, lequel
est ombrageux, rend paresseux &
lasche, qui appesantit la teste, greue
l'ouye

l'ouye, affoiblit les corps, les rend languides, cause des tournoiemens de teste & difficultés de mouuoir & les yeus, & les corps, & humecte les capacités. D'ou vient que le commencement des nerfz estant humectés, deffailent les mouuements volontaires, & les hommes le resistent lasches, langoureux & sans forces. Le sire de la ville regarde le midy. & est entierement decouuerte de ce costé la dou luy viennent tous ces inconuenients & maus. De la part de septentrion, tirant plus sur l'orient, Il y a vne montaigne qui bouche le passaige au vents orientaulx & septentrionaulx, lesquels sont grandement necessaires pour l'entiere santé du corps. Si donc la ville n'est halenée diceux, il ne faut s'esbahir, si le plus souuēt nous sommes affligés à nostre grád malheur de dysenteres, carbuncles, fiebures malignes, & de mauuaises humeurs.

Traicté de la Dysenterie.

Les vents de l'orient & septentrion sont salubres consomment les superfluités du corps, luy donnent vigueur & force. Pour ceste occasion comme nous enseigne Hippocrate, les facultés tant naturelles qu'animales accomplissent plus heureusement leur charge. Que si telles cōstitutions apportent tant de commodités, principalement à ceux qui sont sains, tout le contraire doit aduenir de celles du midy, s'il est ainsi que les contraires inferent contrarietes. Je ne veus toutefois dire, q̄ iamaïs ou tresquerarement nous soions euentés du costé de septentrion, mais moins souuent que du midy, & pour l'occasion du site. Puis chacun scait qu'il y a double vent du midy l'un est chaud, & humide, a aucuns duquel nous tenons propos.

Double
vent me-
ridional.

L'autre chaut & sec, qui est beau
& sans pluye soufflant presque de
la part, ou le Soleil se couche,
quant

quant les iours respondent & egallent les nuits.

Nous ne parlons de cestuiçi maintenant, mais de celuy qui lache, fond & humecte les corps. Et pour ce produit beaucoup de maux, desquels si souuent, & en tant de lieux Galien & Hippocrate tiennent propos.

La plus grande part du pain qui se faict à Tolose, est assaisonné de sel, l'eau de puis de laquelle plus
Pain salé
seurs se sernét a faire le pain, & ap- en Tolo-
prester les autres viandes, n'est pas se.
fort saine,

Car presqu'en tous les lieux de la la Ville, on trouue force Salpêtre, comme chacun peut remarquer facilement.

Aussi voyons nous iournelle-
ment plusieurs Corps mors tirer
de la terre, qui sont tous entiers,
quoy qu'ilz n'aye esté embasmés,
Pour-
quoy plu-
sieurs
corps
mors ne
se pour-
rissent.

Traicté de la Dysenterie

& les corps qu'on enterre de nouveau, se treuvent vne autre fois entiers, accomplis de toutes leurs parties, estant seulement desseichés.

J'ay inferé de la, & me suis aisément fay à croire que nostre terre de Tolose estoit salée. Si quelcun veut deroger à n'ostre aduis, & soit d'autre opinion il luy est loisible d'en faire l'essay comme moy, & la gouter. Je ne veux pas dire qu'il aduienne que tous les corps se garantissent de ceste pourriture, car les vns se pourrissent plustost que les autres, mais partie à raison du temperament, qui y est plus enclin & disposé partie à raison de l'humeur surcroissant, duquel l'affluence ne peut premierement estre toute beue que toute la chair solide ne soit reduitte en poudre, combien que la terre soit seiche, & sallée, comme nous voyons aduenir en quelques chairs sallées que nous auons en la maison

maison : lesquelles pour raison de leur trop grande humidité, auant qu'elles puissent estre desséchées, se corrompent, oultre toute opinion, pour bien qu'elles soient salées.

Ainsi l'eau de puis, pour reprendre mes premieres brisées, retient necessairement quelque qualité & acrimonie de ceste terre, ou elle s'écoule continuellement, laquelle ay-dée des causes sus mentionnées, & desquelles nous discourerons ci apres, facilement flechit, & conuertit les humeurs à vne dysenterie. Puis on recueille à foison de toutes sortes de fruits, & legumes, selon la diuersité des saisons de l'an. Le commun peuple vse de choux, aux, oignons crus, & mesmes quelques vns des plus aisés en font leur premier mets de table, à la façon de gascoigne, lesquels engendrent forces humeurs & crus, si on en prend plus que de raison, encor que la constitu-

Qu'elle est l'eau de puis.

Diuersté de fruits.

Traicté de la Dysenterie,
tion du corps, & de l'air soit sans
reproche L'ail eschauffe le corps,
& les desseiche outre mesure: car il
est chaud & sec au quatrieme de-
gré. Loignon pris entier est fla-
tueus. Que si quelcun nous met de-
uant, que les estrangers comme es-
cho'iers & autres, encores qu'ils
n'ayent faict long seiour en ceste
ville, ne faisant qu'arriuer, comme
vn mois apres tombent en vne dy-
senterie, & que pour ceste raison, n'y
telle façon de viure, n'y le grand a-
mas de mauuais humeurs, ne sont
causes de ces maladies populaires,
& principalement de la dysenterie:
qu'il scaiche que cest inconuenient
suruient à vn étranger pour deux
raisons. La premiere est que la dy-
senterie est du rang des maladies po-
pulaires, qui sont venimeuses & cō-
tagieuses. Elle peut donc saisir ou
par l'attoucher de qu'elcun qui en
est surpris, ou par la corruption de
l'air

Obiectiō

Respōce.

Premie-
re raison

l'air, qui offence plustost ceux qui passent d'un air peureux en un infect, & abreuee d'une mauuaise qualite.

L'autre raison est que plusieurs Seconde ont la basse region du ventre debile & humide, laquelle suruenant vne constitution Australe, est de beaucoup plus affoiblie & debilitée. Car tel est l'effet de ceste constitution, duquel nous auons parlé amplement ci deuant. A raison dequoy, comme les plus robustes se dechargent tousiours sur les plus foibles, les parties superieures de nostre corps, enuoient leurs superfluités au ventre, qui est de soy & casuellement foible: d'ou vient qu'ilz tombent aisemēt en vne dysenterie: l'on peut dire aussi qu'il se peut faire, qu'auant qu'ils ayent approché de ce lieu, s'estoient assembles & amoncelés plusieurs humeurs, lesquels par la force de la cause procatarctique, Troisiesme.

Traicté de la Dysenterie.
s'emeuent & bien aisement don-
nent estre à ceste affection souf-
flant auster.



Comme il se faut preseruer.

Chap. IX.



Y en ne no⁹ prof-
fiteroit la cog-
noissance de ces
causes , si les
moiens dy ob-
uier nous estoi-

ent cachés. Et à ces fins il faut tirer
peu d'air, & doit estre de la part de
septétrion, froid & sec, non pas me-
ridional, chaud, & humide: parce
que il remplit les corps, les hume-
ctant: engendre vne pourriture, es-
tourdit

tourdit les esprits, produit douleurs de teste: de sa chaleur il refait les humeurs, ainsi il ouurét, le flux & l'augmente. Il faut donques corriger l'air avec bois odoriferants & bons parfums, & toute intéperie se doit renger à vne mediocrité: ainsi quelquefois profite de couper la veine & purger. façoit q nous discou- rions ici, que la constitution chaude & seiche des humeurs bilieus, des quelz la dysentere est le plus souuét formée, toute fois si l'air est corrompu, & taché de quelque infection, ou soit qu'elle vienne des influences cœlestes, lesquelles pour la varieté de leurs mouuements, Eclipses, con- ionctions & oppositions produisent en tous temps diuers effects: ou soit que par l'inconstance du temps, elle soit excitée de quelques vapeurs pu- naises, ou soit qu'elle soit halenée des entrailles de la terre: ceux la seullement qui sont chargés de cho-
lere

Traicté de la Dyfenterie.

lere ne seront subiectz à ceste maladie, mais aussi ceux qui seront rempliz d'humeurs viciés, & contre nature. Lesquels à raison qu'ils sont de long temps amassez, & ne sont euentillés, ny euacués: estant l'estat du temps tel lōguement, ils pourrissent. Pourautant ii faut soigneusement considerer la nature d'un chacun, & veoir comme il se porte, ayāt esgard à l'estat del'année & air, afin que l'air soit temperé & reduict à vne mediocrité propre & conuenâte à la diuerse condition des hommes: Comme par exemple les bilieus doiuent estre rafreschiz, le temps estât chaud & sec, & par ce que l'humidité est la nourrice de pourriture, il ne le faut que bien peu humecter, ou point du tout: sinō que le sec soit tant desmesuré, qu'il ne puisse estre supporté qu'avec grāde peine, mais il faut plustost y obuier par rafreschissemens qui ont tresgrande force pour

Comme
l'air
doibt estre
temperé.

pour rabbatre , & chasser la seiche-
resse.

Ceux qui sont plus humides
de temperament , il faut temperer,
l'air & de desseicher finalement il
faut toujours tenir c'est ordre,
que nous approprions l'air com-
mode au subiect, il faut telement
disposer sa maniere de viure , que
nous entretenions les corps en son
integrité , & que tant que faire ce
pourra, nous nous opposions à la
malice de l'air.

Qui voudra prendre garde à soy, Manie-
& se porter bien pendant la mor- re de vi-
talité, & constitution pestilentiel ur-
le, il n'vsera de fruits, encores qu'ils
fussent meurs, par ce que les hu-
meurs qui en viennent , facilement
se pourrissent : ou en peut dire au-
tant de toutes sortes d'herbai-
ges. Toutefois par ce que nous
ne pouvons , tant nous com-
mander en c'est endroit :

Que

Traicté de la Dysenterie.

que quelquefois nous n'en vsions;
il faut choisir ceux qui sont plus
sains, peuuent seruir d'alimentz &
medicaments, comme de limons,
citrons, grenades, aigrettes, oren-
ges & capres confites en vinaigre
avec sucre. Quant aux herbaiges on
peut vser daigrette, ou ozeille, de
chicorée, endiuies, bugloze, bonrra-
ge. Il faut s'abstenir de racines, de
toutes sortes de legumes, de trauail
excessif, d'auoir acces aux femmes;
principalement si on est bilieus, s'e-
pergner de boire du vin vieus de
deus ou trois ans, n'y aussi de moust
ou de vinencores nouueau, qui n'est
pas purgé. Il faut encor' fuir le som-
meil trop long, & veilles desmesu-
rées, de dormir le iour, de longue
faim, n'y ne faut remplir son corps
& le saburrer de viande. Le pain est
recommandable, qui est faict de bō
formement, mediocrement leué, cuit
de bonne forte, rassis d'vn iour ou
de

de deus car le chaud s'enfle dedans l'estomach, comme vne esponge, ainsi il remplit, enfle le ventre, & faict perdre l'appetit, outre il excite la chaleur & soif de sa fumée. Selon la varieté de la nature des hommes, la chair qui se cuit plus aisement est la meilleure, comme poulains perdrix, chapons, faisans, paons, cheureau, oiseaux de montaignes, comme tourterelles, merles. Semblablement chairs de veau & de mouton. Au contraire, celles sont mal saines qui sont des animaux qui vivent es eaues, & estangs : & comme encor celles qui se cuisent à peine, nourrissent peu & engendrent beaucoup d'excrements. Les poissons ne valent rien à qui que ce soit, si toutefois on est contraint d'en vser comme aus iours de poisson, il faut choisir ceux qui s'entretiennent parmi les caillous, comme la truite rouget & autres. Il ne faut rechercher ceux

Poissons

Traicté de la Dysenterie.

ceux qui sont tant gras, ny mesme-
ment les si maigres, où petits, ou
grands les mediocres en leur genre,
sont les meilleurs. Il faut euitier tou-
te repletion, par ce que elle esteint
la chaleur naturelle & est cause de
crudité. Sil est besoing d'vser de
purgation, ce que i'ay dict profiter
quelquefois, il faut purger ceux qui
sont réplis de cholere, avec le Rha-
barbe mis en infusion en la decoctio
de la chicorée, aigrette, dent de chié
des fleurs cordialles, & tamarins.
Ainsi faut purger les melancholi-
ques & pituiteus, par medicaments
propres & familiers, comme nous
discourons en la guerison de ceux
qui sont desia surpris de dysenterie.
Il n'est pas fort vtile de couper la
veine à ceux qui sont bilieus, par ce
que la bile est plus furieuse, quand
le sang est vuidé: si toutefois on en
tire pour raffraichir & euantiller,
comme on d.t, il faut faire vn petit
trou

Ouverture
de veines d'an-
gerense
aux bili-
eux.

trou & estroit. Ceux qui sont d'autre temperament, comme les sanguins estant d'age compétant peuvent estre seignés suyuant leurs forces comme tous ceux qui en aurōt besoing. Pour se preseruer, il est loisible d'vser toutes les sepmaines de pillules composées, d'aloës, myrre & safran: de theriaque, de methrydat ou simple, ou avec conserues de roses, buglose, ou chicorée Les bilieus & chauds peuvent s'ayder de la Theriaque qui est d'un an, ou de six mois: parce qu'elle est plus froide & puis des electuaires composés des poudres de santals, de diamar. gariton froid, de diarrhodon abbatiss formées avec eaves de roses, d'agrette, de chardon bening, scabieuse adioustant de la poudre de tormentile, de holiarmini preparé, de terre signée, & d'autres infinies les-quelz ie passe sous silence & ray volontiers.

Pillules

Opiates
electuai-
re.

Les

Traicté de la Dyſenterie.
*Les marques par lesquelles on
peut diſcerner les inteſtins
affectés.*

Chapitre. X.



LE S choses ſont
en tel eſtat, que
les inteſtins ont
double tuni-
que, auſſi bien
que le ventricu-
le & l'une eſt
couchée de tra-
uers, ſur l'autre. Celle qui eſt au de-
dans eſt plus charnueſe, celle de de-
hors eſt plus menueſe. Et con-
ſideré que tous les inteſtins ſont ſub-
iects à trenchées, il eſt fort neces-
ſaire d'entendre quel inteſtin eſt
greué. Ce qui ſe cognoit premiere-
ment du ſite de la douleur, puis de
la

la melange des superfluités, qu'on
vuide hors : Car si les raclures sont
entierement mellées avec le sang, le
tout avec le tout, & qu'elles soient
groses & menues, estant ietées hors
avec les excrements: quand on re-
sent la douleur on ne vuide les su-
perfluités tout incontinant, pour la
distance & reuolutiōs des intestins,
& que la douleur est impetueuse, au
dessus de l'vmbilique, avec vn vo-
missement & passion sur la bouche
de l'estomach: c'est vn trefassuré ar-
gument, que le mal est aux premiers
intestins : premier dy-ie en ranc,
& non de site, comme nous auons
fait cognoistre, en la precedente de-
claration que nous en auons fait.

Que si les vlceres sont profonds,
pourris, & mangeants peu à peu, la
matiere seigneuse qu'on rend, sent
plus fort que celle qui vient des vl-
ceres qui se forment aux gros boy-
aux. Quelquefois les excrements

Mar-
ques de
la dysen-
tere aux
premiers
intestins.

Traicté de la Dysenterie

sont crus & chileux, par ce que quand le ventricule endure, il cuit mal, se forment fiebres aiguës, les extrémités se refroidissent, & on perd l'appetit des viandes: car la tardiveté du ventre, est vne confusion de tout.

Car le reste des superfluités s'esleue sur la bouche du ventricule, ainsi es longues afflictions des intestins, lesquelles la bouche du ventricule est offensée, & qu'on perd appetit, la mort est proche, comme enseigne Hippocrate quand il dit, es longues dysenteries, le degoust est dangereux, pire encor quand elles sont accompagnées de fiebres. Que si la passion se resent aux inferieurs, on peut le recognoistre, & par la propriété de la douleur qui afflige la partie de dessous l'vmbilic: parce que les raclures qu'on rend, representent l'estat & condition de la partie d'ou elles sortent.

Or ces superfluités sont toutes au

Dommaige de cru
dité.

Côme on
recog-
noist la
dysente-
re estre
aux inte-
stins se-
conds &
intérieurs.

tre

tres, que celles qui viennent des gresles: car le sang nese mesle entierement avec les excrements, mais naignt seulement sur quelque partie, les ratissures sont grasses les cuticules plus grandes, plus espesses, plus larges que celles qui tombent des boiaus gresles: en outre la membrane plus charneuse & grasse. Que si l'exulceration est au boyau appellé Colon, on icettera beaucoup d'excrements flatuus & ecumeus. Que si l'intestin droit souffre des trenchées les excrements seront cuits, le beau sang naigera par dessus, la fiebure s'enflame moins, & tous les autres symptomes sont plus doux, sinon qu'il y aye de residu quelque vlcere chancreus. Ainsi est il bien aisé de de cognoistre, par tous ces signes, quel intestin est greué.

Traicté de la Dysenterie.
*Signes monstrants l'affection de
la dysenterie formée.*

Chapitre. XI.



A cholere nom-
mée du non de
porreau s'euacue
avec grâdes dou-
leurs, avec vne
vehemente acri-

monie, si forte douleur & poincture
de la bouche de l'estomach, que le
patient & malade se pasme souuēt
les excremēs sont noiratres, la fieb-
ure malicieuse, & continue, signifiāt
vne inflammation avec inquietude
& agitation du corps, ardeur bruslā-
te, soyf inextīguible, langue seiche
deffaut de repos & sōmeil, vn pouls
petit & foible, qui monstre vne im-
becillité & foiblesse de nature, &
qu'en-

qu'entierement la chaleur naturelle s'en va par la grandeur de la maladie & vigueur des symptomes; on rend le sang figé, noir, & de mauuaise odeur. Ceux qui vomissent & rendent par la bouche matieres bilieuses, font des rots fort puants, ilz perdent l'appetit. Dont s'ensuit vne foiblesse & debilité de nature, ne se nourrissant point, n'y restaurant les espritz: lesquels se dissipant par la continuelle deiection, causent vne seicheresse, & consumption de tout le corps. Les choses susdictes sont plus dangereuses si ceste affliction se treuve aux p̄miers intestins. Seló le iugement d'Hippocrate, la dysenterie qui viét de la cholere noire, est mortelle moyénāt qu'elle ne soit critiq̃ ainsi comme celle ou les superfluités sont pures, ou l'vlcere gaigne tousiours lieu, ou la douleur ne cesse point, ou des le commencement les vlceres sont petits, & qu'auec la lon

Traicté de la dysenterie.

gueur du temps, ils prennent place,
& que les vns viennent sus les au-
tres: Cartels que sont les flots en la
mer, tel oraige il y a es vlceres.

Encores adiousterai-ie cecy, s'il y
a quelque faillie de sang, de quel-
que grand vaisseau, pour l'imbecil-
lité de la partie, d'ou elle vient.

Car il faut qu'un Medecin soi-
gneus & aisé y prenne garde:
Par ce que si en un mesme malade,
se voient deux ou troys de ces
symptomes, voire quelquefois
vn, lors il faut perdre tou-
te esperance de gue-
rison & santé.



Les differences des Vlcères.

Chapitre. XII.



Autant que la
dysentere est v-
ne exulceratiō,
& que son essen-
ce y git: Je pour
suiuray en ce
chapitre, & au

suyuant quelques differences d'vl-
ceres en peu de propos, & suiuant
nostre dessein: desquelles l'ignorā-
ce faict que lon ne puisse demōstrer
la guerison. Tāt y a qu'il ne faut ici
attendre de nous vn plus long dis-
cours,

Or disons nous que selon Galien
au quattieme de sa methode l'vlce-
re est solution de continuité, faicte
en la chair, avec vne disposition
& plusieurs empeschemens de

*Definitio
d'Vlcere.*

Traicté de la Dysenterie.

l'vnion: sinon que la chose soit d'elle
le mesme si petite, qu'elle puisse aise-
ment s'amander, avec le seul ayde
& secours de nature. Ses differences
consistent en grandeur ou petitesse
hauteur, egalité, ou inegalité, recti-
tude ou obliquité: mais aussi en ce
qui est fraichement faict par vne
tumeur ouuverte: par ce que souuent
les vlcères prennent commence-
ment des tumeurs contre nature, cō-
me de celles qui sont nommées
Phlogosis, ou cedema, ou de quel-
que autre semblable. Mais il ne se
faict de mesme en la dysenterie, veu
que sans aucune tumeur precedente
adiennēt vlcères, à raison de quel-
que humeur poignant & mordant
qui tombe ou est attaché à la partie
lesquelz pour ces fins se dient nou-
ueaus ou enuiellis. Ceux qui ren-
dent quelque sanie peuuent estre
rangés en c'est ordre, de toutes les-
quelles & plusieurs autres differen-
ces

Differen-
ces d'vl-
ceres.

ces d'ulceres, que ie mets sous silence volontairement, les meditations de la guerison sont tirées: oultre lesquelles toutefois, par ce quelles sōt communes, nous debuons rechercher les autres particulieres, & plus assurées: comme de chacune partie de la nature, de la part assiegée, de l'action, vtilité, site, disposition, & si elle est guerissable, ou non, & quels remedes y sont propres. Ce qui est du debvoir, selon mon iugement, du seul medecin cleruoiant & industrius, non pas d'un ignorant. Puis des choses qui s'engendrent aux ulceres, & procedent d'iceux d'ou viennent ces especes d'ulceres, tellement que l'un est virulent, l'autre fangeus cestuy cy saigneus, cestui la corrosif, vn autre corrompu, d'autres encor fistuleus, d'autres chancreus. Outre ce d'autres especes sont produittes des suruenues, tant es ulceres que playes: tellement qu'un ulcere sera
avec

Traicté de la Dysenterie.

avec intemperie de la partie, vn autre avec corruption de los, quelcun avec douleur, aucun avec vne durté, & autres differéces presque infinies, que ie ne veus poursuiure. Je parleray seulement, de celles qui aduiennent es intestins, & dautant que nous auons discoursu au long des causes coniointes & primitiues, reste que nous entamions le propos de ce qui sert entierement à la guérison de l'affection, que ie me suis proposée, ce que ie feray autant que la petitesse de mon petit discours, me le permet, & premierement ie toucheray l'vlcere virulent.

*De l'ulcere virulent, corrompu
chancreus & de l'absces
des intestins.*



'Vlcere virulent n'est different du corrosif, sinon pour l'egard de la plus grande & moindre malice:

Car si du cōmancement il respēd seulement vne matiere virulente tenue & chaude sans qu'il y aye aucune erosion de la partie offencée. Il s'appelle virulent: mais quand la matiere conuettie en vne pire qualité, caue non seulement la partie blessée, mais ronge aussi les entieres qui luy sont prochaines & voisines, & en les rōgeant les gaste toutes, & les mortifie, lors est appellé corrosif. Mais quel moiē auōs nous de les recognoistre aux intestins, parties cachées, & qui ne viennent iamais à nostre veue? parle moi en de la rigueur de la perpetuelle & incessible

Traicté de la Dysenterie.

incessible douleur, & des autres signes, que nous auons poursuiui: ainsi que nous auõs quelque fois veu icy en Tolose en vne Damoiselle fort honnesté, Sœur des Sires Ortetis Apothicaires, personaiges dignes de leur estat: ceste damoiselle estoit âgée de vingt cinq ans elle estant trespassee d'une dysenterie, fut ouuerte & luy trouuans tous les boyaux exulcerés, & principalement celuy qu'on nomme Colon. Ils estoient plombés & noirs, tellement situés & disposés, que l'un estoit distant de l'autre de deux doibtz: aucuns toutefois moins: elle estoit desmesurement, & longuement travaillée laqu'elle rendit les excrements. L'ulcere putride n'est dissemblable au sordide, sinon pour raison de la malice. Car le sordide est dit, à cause de la viscosité du pus, lequel estat empiré, corromp la chair de sa mauuaise qualité, & engendre vne gangrene.

Histoire.

L'ulcere
putride
& pourri

greue, dou fort vne vapeur corrom-
pue & de mauuaife odeur: & s'il s'a-
uance plus oultre, produit vn isthio-
mene. Les vlceres chancreus, sont
malings dangereux, rapportants à
vn chancre, les veines à l'entour s'es-
leuent de l'abondance du sang noir
duquel elles sont grosses & ressem-
blent les racines & piés des châcres
les bors durs, renuersé de couleur
noirastre, & tresforte puanteur. Il
y a vne autre espeece d'vlcere, qui est
inegal endurci, semblable à vn nœud
d'vn bois, mal vni: & les leures de
l'vlcere comme enflées. & les intes-
tins sont subiets à toutes ces espees
d'vlceres sus. mentionnées. Quel-
quefois es intestins se forment des
apostumes lesquels rendent vne ma-
tiere seigneuse & suppurulète, quād
ils souurent. Ce qui trompe souuent
& deçoit les ieunes medeçins, esti-
mant que cele est dysenterie, ce qui
n'est pas bien esloignés, A raison de
quoy

Vlcere
châcreusVlcere
noueus.L'absces
des intes-
tins.

Traicté de la Dysenterie.

quoy le medecin qui n'a pas grande experience, les pourra discerner en ceste sorte, adioustant ceste caution & egard, qu'en l'absces precede vne douleur pulsatile, pres le lieu passionné, n'y ne se resistent aucunes pointures, ou rongements, comme en la dysenterie. Cōbien que quād le pus se faict il y aye suite de douleurs, inegales rigueurs, & fiebres lesquelles s'enaigrissent principalement sur la nuit. D'auantaige apres qu'entierement est faicte la mutation de l'humeur, tous les symptomes & douleurs s'adouçissent, & par l'ouuerture sort l'humeur, tel que i'ay remonstré. Ce que ne se treuve pas tout semblable en la dysenterie. Que si apres la sortie, il y a vne longue exulceration, & qu'elle cōtinue elle se guerira en la mesme sorte, que la dysenterie, selon les causes cōjoinctes & precedentes.

Il estoit de besoing en passant de
faire

faire ce bref discours, des vlceres,
auant que d'entrer en la cure.

Partie seconde.

*De la curation generale de la
dysenterie qui consiste en qua
tre formes, de remedes.*

Chapitre I.



Onsideré que
nous ne cog-
noissons point
le plus souuent,
la natute de tou
tes personnes,
& que telles to-
bent quelque-

fois en noz mains, desquelles nous
n'auons aucune cognoissance, nous
tirós le cōmācemēt de la cognoissā-
ce des maladies pśentes, & presciēce
des futures, des choses cōmunes, &
aussy de la maladie, du malade, des
choses qui se sont presentées, & se-
presentent.

Car par elles

les Maladies sont, & abregées

Traicté de la Dysenterie
& prolongées. Et par la generale
& speciale constitution, soit des
corps superieurs, & de chacune re-
gion, de la coustume, du viure, façõ
de vie, de toutes les cages, propos,
meurs & autres choses semblables,
nous voyons aisement l'estat pre-
sent, & celuy qui est à aduenir. Il
faut principalement aduiser aux ma-
ladies aiguës, si la face du malade,
responð à celle des sains, & principa-
lement si elle se ressemble fort, alors
elle est tres-bonne. Quand cognois-
trons la propre couleur, & force tât
du malade que de la maladie, nous
n'auons pas tant à faire du commun.
Ce que le Medecin soigneus, & de
bon sens regardera sur tout a fin que
par là il cognoisse la partie greuée,
la maladie, & causes efficientes, cõ-
me si la dysenterie, commence par
le tinesme, ou par la diarrhée, ou au-
trement sans que l'vn ou l'autre pre-
cede. Mais attendu que trois cho-
ses

ses viennent en consideration, la maladie, la cause de la maladie, & le symptome on entéd vn doubte, d'ou on doit cōmancer plustost la cure car il faul que toute cure se face par son contraire. La premiere indication est tirée de la maladie mesme, & ceste cy est la seule intention du medecin, guerir la maladie. Faudra il donc que le medecin commence par les medicaments fracotiques, qui referment tout du commencement la cicatrice : par ce quelle est la premiere & principale indication de la maladie, est l'amène à cicatrice. Contre ceci est le general precepte de Galien, qui veut qu'avant autre chose, on retrâche la cause efficiente, puis il faut combattre cōtre l'effect d'icelle. Mais cōsidéré que la cause efficiēte, est vn humeur poignāt, mordant, & maling qui tūbe sur les intestins, ou de tout le corps, ou de quelque entraille mal

Traicté de la Dysenterie.

Respõce.

Autre
doubte.

513
affectée, ou de quelque partie du corps, en laquelle c'est humeur à esté longuement caché, comme au panicule charneus, il faut commencer la cure, non par la maladie, mais par l'incision de tel humeur, ou deriuation ou renuoy, & ou par euacuation. Puis apres par les medecaments, qui ont la force de purger, deriuier, oster tels humeurs, & les causes conioinctes, attachées tellement à la partie. qu'elles le rongent & exulcerent. Induisant grãde douleur, laquelle d'autant qu'elle est trespoignante, elle irrite le flux des humeurs, qui s'escoulent sur la partie: estant adioincte la mauuaise qualité de celuy qui est ia escoulé, & demeure fixé à la partie.

Ce qu'il ne faict pas tant seulement, mais aussi souuentefois, se range tellement, que pōur sa rigueur, il dissipe les Esprits, & induit vne defaillance de cuer.

De

De la quelcun & a bon droit, pourra doubter, & debattera, que l'ulcerè ne peut estre gueri, sinon que premierement la douleur soit appaisée, & à ceste occasion il commandera sa cure par le symptome, & non par la maladie, n'y par la cause.

Je respondray, qu'en la vraye ma- solution
niere de guerir qu'il faut oster la cause antecedente, si aucune en y a qui entretienne ou nourrisse la maladie, par medicaments purgatifs, ou luy faire prendre autre chemin. Et puis, il faut penser à la maladie, & a ce qui est faict: finalement il faut corriger l'accident. Que si la douleur est si puissante, qu'elle amene vn defaillement de forces, dissipation d'esprits, & syncope. Lors nous commencerons à l'adoucissement du Symptome, auisant toutefois en passant, & à la maladie, & à la cause d'icelle.

Traicté de la Dysenterie.
Difference du flux hepaticque
et de la dysenterie.

Chapitre I I.



Q'il se faut garder de vou-
loir guerir le flux hepati-
que comme vne dysente-
re, pour ceste raison seule les anci-
ens ont iugé la cure de la dysenterie
fort difficile: & que peu en rescha-
poient: par ce que plusieurs ne cog-
noissent pas limbecillité du foye, &
pendant qu'ils n'auiſét au foye, qui
est greué, estimans que ce soit vne
dysenterie, ce n'est de merueille, si
les malades perissent, & pour ce le
medecin qui est saige le gouuerne-
ra autrement en la cure de la dysen-
tere, qu'en la diarrhée, & flux hepati-
que: par ce que le trop vſer de Clyf-
teres, en la diarrhée & flux hepati-
ques

que peut causer vne imbecillité aux intestins. Or la dysanterie selon Galien ; quelquefois commence avec fiebres, autrefois sans fiebre : & apres avec traite de temps, du sang corrompu, pres le foye, s'engendre vne fiebre, que les medecins peu exercés passent legierement, & leur semble à voir que les malades soient sans fiebre. Que si d'auanture la fiebre se decouure appertement, ils estiment que cela se face d'une longue faim, qu'a engendré vn desdain des viandes, cōbien qu'il aduienne plustost que la digestion du ventricule affligé, est peruertye par le consentement qu'il reçoit de la partie mal affectée le mal de plus en plus se communiquant tirāt plus auant blesse soudain la bouche du vetricule dōt s'en ensuit que les malades perdent le goust, du boire & du manger.

Pour
quoy les
malades
sont de-
goustés
du com-
mance-
ment.

Quelquefois aussi ilz perdent l'ap-
 H 3 petit

Traicté de la Dysenterie

petit du cōmancement à cause des humeurs corrompus, & tenuës qui tombent du foye, desquelz nous disions que les intestins estoient rongés: principalement s'ils sont picrocholes c'est à dire chaut & bilieus. Car vne partie d'iceux, naige sur la bouche du vëtricule, ainsi plusieurs sont trompés en la cure: & pour obvier cy apres à tel inconuenient, nous separerons le flux hepaticque, de la dysenterie par ses propres marques. Au flux hepaticque les excrements se rendent sans douleur, & trenchée de ventre. Premièrement vn sang delié, puis vn humeur espés, qui n'est dissemblable de la lye de vin. Il n'ya rien de ratifé, leuacuation cesse quelquefoys, l'espace de deux ou troys iours: Puis quand le mal est entierement acereu, & est en sa plus grande rigueur, de beaucoup pire qu'il n'estoit auparauant: Lors les excrements sont pires, que
les

les premiers. Cela ne se recognoit point aux vlcères des intestins, parce qu'ilz n'ont accoustumé de le vuidier, tout a vne fois, n'i auec long interualle de temps.

Des remèdes, & premierement de la forme de viure.

Chapitre III.



Nous donnons ordre de guerir la dysenterie par quatre sortes de remèdes, façon de viure, euacuation, distraction des causes antecedentes si aucunes y à, & esloignement des conioinctes, & vsaige des medicamēts vtils: tant pour la raison de l'ulcere que pour la differēce de la partie blessée. Il ne faut rien dilaier en ceste cure, par ce que si de prime face on n'vse de siccatoires, suruiuent vne putrefaction aux intestins vlcérés, de leur humidité

Traicté de la Dysenterie.

& chaleur naturelle. Ayant doncques premierement soing du lieu, nous logerons le malade sur la veue de l'Orient ou Septentrion : parce qu'Aquilon renforce les corps les habilite, ferme le ventre : ainsi ceus font preuue à leur grand profit, combien ce leur sert de changer de lieu & air, quand de la part du midy il passe vers le Septentrion, moyennant que leurs forces soient suffisantes. Que si pour la rarité, defaut, ou autre empeschement, il est denié à aucuns, il faut corriger & amander l'air, par diligence, art & industrie. Comme s'il est chaud & humide, ainsi qu'il est à l'Austral, il le faut deseicher & raffraichir mediocrement suiuant le temperamēt du malade, & condition de la cause efficiente de la Dysenterie. A quoy profitent les Santals, Roses, eaus de roses, vinaigre & plusieurs autres choses qui se peuent pencer en esgard

esgard au lieu & au temps. La maniere de viure doit estre conuenable, laquelle doit destruire la maladie. Aussi est il de besoing que nous regardions & aux forces, & à la cause, laquelle ou elle sera chaude & seiche (car souuent tel humeur est bilieus) le viure soit pl⁹ froid: toutes fois s^{as} vinaigre, car les choses qui s^{ot} aigres, piquâtes, salees, sont defendues, sinó d'adventure qu'il soit permis, pour donner appetit d'en vser quelque peu. Voila quand aux choses qui sont moins poignantes, comme l'aigrete, cichorée limoune, grenades. Deux causes nous inuitent d'establir vne façon de viure legiere. L'vne est à fin que nature retienne les humeurs par le defect de meil leur viande, lesquels autrement elle laisse escouler sur les intestins, comme vn poix inutile lors qu'il y a affluence d'aliment. L'autre est à fin qu'on n'aye si souuent l'appetit d'aller

Maniere
de viure

Deuscau
les pour
quoy la
dysente
re demâ
de vne
maniere
de viure
legere.

Traicté de la Dysenterie.

Double aller à chambre: par ce que quand on
incômo- rend souuent les excrements, oultre
dité pour ce qu'ils amoindrissent les forces,
aller trop encores ils epoinçonnent & rom-
souuen à gent les intestins. A ceste occasion
chambre il faut vser de peu de viandes, selon
la quâtité & masse Mais faut vser de
viâdes qui en petite quâtité nourris-
sent beaucoup, ayât peu d'excremēt
& qui soient faciles à digerer à fin
que le ventricule qui est desia af-
foibli, ne soit chargé de plus en plus
En ce rang sont les œufz molletz
le foye des poulletz, les genitoires
d'un coq, le ius de la chair.

Pain

Le pain soit de tresbon formēt,
mediocrement 'leué, bien cuit, &
boulengé avec eaue de pluye, ou de
fontaine: & non depuis, sans sel, cō-
me le pain qui est fait sans leuain:
à fin que son aigreur & aspreté ne
nuise point. En general toute vian-
de & breuuaige soit froid avec me-
sure, non tiede par ce qu'il relache.
Si cestuila ne plaist, qu'on en pre-

fente du chaud. Les chairs encores qu'elles ne conuiennent tellement aux dysenteriques, se peuvent toutefois presenter, ou pour leur force naturelle abbatue, ou pour la longueur de la maladie: comme perdrix, paous, faisants, tourtes, alouettes, & autres oiseaux de montaigne Chappons, chapponeaux, leuraux, lapins, cheureaux; & d'autant que plusieurs n'ont moien d'vser de ces viandes, on peut s'ayder de chairs de veaux, & de moutons, s'abstenât toujours des humides. Durant les premiers iours, par ce que les malades n'osent vser de medicaments astringants, on se doit seruir de potaiges pour alterer & nettoier, lesquels rabbatēt la chaleur de la fiebure, & ostent les obstructiōs s'appresterōt commodemēt les quatres premiers iours avec la decoctiō d'aigrete, scariole, cichorée, avec les chairs sus mentionnées. Proffitent quelquefois vn
amande

Ce qu'il
conuient
faire du
cōman-
cement.

Traicté de la Dysenterie.

amande hordeat, ou d'auoine pour
refroidir & nettoyer. Apres que le
corps est purgé, & que les obstru-
ctions sont ostées, commençans aux
plus doux nous irōs aux choses qui
referrent en ceste sorte, prenez vn
potaige ou la chicorée aye esté cuit
te, auquel adiousteres des iaunes
dœufz, cuiets entierement, & bien
broyez avec foyes de poules, geni-
toires de coqs, avec vn peu de ver-
ius, faut faire vn potaige, auquel on
peut meller quelques poudres con-
uenables. Prenés vne demie liure
d'orge, cuisés la en eau de fontaine,
iusques à ce qu'il esclatte, & ayant
ietté ceste eau la, pilés lorge, & le
pressurés en vn linge, cuisés le de re-
chef dans vn tresbon potaige de
poussin, avec quelque portion de
laiet de cheure, & semences de me-
lons, iusques à les pesser: puis adious-
tés v deux iaunes dœufz, acheués la
decoction, & faictes l'hordeat. La
bouillie

Potaige.

Hordeat.

bouillie faicte de la graine de Sumach peut s'apprester en la mesme sorte, par ce qu'ils reserrent fort, & Archigenes les a fort reCOMMANDÉ. Prenés le potaige d'un poulet, ou de la porcelaine aye esté cuitte, meslés y de la mye de pain, qui soit parfaitement cuit, voire deux fois, sur la fin adioustés y deux iaunes d'œufs & faictes vne panade. Prenés vne once & demye de farines d'orge, febues & ris, avec le potaige d'un poulet, tant qu'il est de besoing: faict avec pourcelaine, semences d'Aigrette, & Plantaige, & faictes vne bouillie de laquelle vsera le malade. Prenés troys onces de farines de ris, vne once & demie de farine de lentilles, vne once d'amidou avec laict de cheure ferré, faictes vne bouillie qui serue au malade de viande. Prenés quatre onces de farines de sumach, vne once de viel formai ge gratté, laué dedans l'eau de rose, jusques

Panade.

Bouillie.

Autre.


Traicté de la Dysenterie.
Iusques à tant qu'il soit dessalé, & sei-
ché pendant la cuisson meslés en a-
uec la farine de Sumach & faictes
la decoction en caue ferrée, y adiou-
stant quelque peu de laiët ferré, fai-
ctes vne bouillie.

Autre.

Prenéstroys onces de farine de
ris, vne once & demie de farines de
febues & mil, cuisés les avec le brou-
et d'un poulet, & vn peu de sel,
faicte vne bouillie.

Aux bouillies qu'on faict pour ceux
qui sont fort bilieus, aux potaiges
& ius, on y adioust les semences
de pauot blanc, de melons, cou-
ges, pour temperer l'ar-
deur & chaleur de

la bile,



Des poudres.

Chapitre. IIII.



ON vse des poudres en potaiges, bouillies, laiët cuit & en toutes autres viandes & nourritures, desquelles le malade voudra vser à sa volonté, pour l'insigne puissance qu'ils ont de restraindre.

A raison dequoy si apres l'euacuation, & obstructions ostées, on à le ventre trop lasche, il faut incontinant choisir la poudre d'Ambre, comme celle qui euurent l'vrine, & restrinët le ventre trop lache, estant baillée iusques à vne dragme dans le potaige, bouillie, & laiët cuit. D'abondant la poudre de corail rouge, du Diamargariton froid iusques

Traicté de la Dysenterie:

jusques à vne dragme, des fantaux pour temperer la chaleur du foye, vne dragme, outre plus vne dragme de Throchisque, ranmih, & du Trochisque de spodio, seló la description de Mesué, du Trochisque de terre fellee, de gomme d'arabie, de gomme de tragagant, reduits tous en poudre, avec le pilon chaut sans estre grilles: toutes lesquelles se peuuent donner & meller avec les viandes & condits, avec conserues de fleurs de nymphées, de roses, chicorées, chairs de messles, & coings en telle sorte. Prenés de vieille conserue de roses, chicorées, cōserues nemipharis chacun six dragmes, de chair de messles, coings, chairs de myrabalás roux cōfits, de chacunes vne demie once: de poudre d'electuaire, de diamargarit froid, des fantaus, de corail rouge, de moille de sumach, de chacun demie dragme, de poudres de margarites luisantes non persées
deux

deux scrupules, des feuilles d'or au-
nombre de quatre, de sucre rosat,
tant qu'est de besoing, formez vn
condit couuert d'Or, duquel il vse
par fois avec eau ferree, & aussi sans
eau, iusques à vne culierée. Il y à plu-
sieurs autres poudres astringentes,
qui se preparent de la mesme façon,
s'il le faut prendre par la bouche.

Prenez de l'escorce de grenade, &
fleurs de mesme, de myrhtiles, pepís
de raisins, semences de sumach, de
chacun tant qu'il sera de besoin, de
semences d'aigrete, plantin, pource-
leine, & fleur de lis d'estang, ou raci-
nes de chacun trois dragmes: soient
mises dedans vn vaisseau, ou pot
neuf, couuert: puis qu'elles soiēt mi-
ses tout incontinent dans vn four,
apres que le pain aura esté tiré, ius-
qu'a tant qu'elles soient suffisam-
ment desseichées, ainsi elles ne sen-
tiront le bruslé. En apres qu'elles
seront tirées on en vsera à discre-

Traicté de la Dysenterie.

tion il les faudra enueloper dans vn drapeau ou linge, & les suspendre à fin que les extremités du pot en les touchant ne les brusle.

Ce qui sera plus asseuré, & plaisant que les Trocisque surnommés, ausquelz toutes choses entrent, qui quasi sont superficiellement bruslée tellement qu'ilz sont aspres & de mal plaisante saueur. Si ces poudres doibuent seulement s'appliquer au dehors. Il n'y a point d'intrest chacun en fera à son plaisir & les apprestera cōme il voudra, comme en vne poille, ou lame ardente pour le moins treschaude, cōme est la coutume de ceux qui baillēt au malade du rhabarbe torrefié. Nous dirōs cy dessus cōbien ils faillent grādemēt. Or faut il tōber sur le ppos des choses qui reserrent le plus cōme est la mydou cuit, avec le laiēt ferré, ou cuit avec vn hordeas, ou amendé, ou ris cuit en laiēt ferré, ou eau ferrée: cuit deus fois, poudroyé & infus dās

du laiët ferré, la bouillie de mil & farines de febues avec du laiët aussi ferré. Quelquefois aussi le ris se cuit avec potaige de chair, en hordeats & amandés, on y adiousté du sucre rosat, ou é sō lieu d'eau de roses. S'il faut vser quelquefois de poisson qui se nourrit parmi les pierres, cōme la truite, rougeot, gougeon, loches, tourt de mer, solles & autres matiōnés en la preservation qui ayent les chairs serrées & qui s'esmie aisement. Ils soyēt cuits ou sur les charbons ou sur la grille, avec le suc de grenade & vn peu de verius. A l'vsage des herbes n'est pas beaucoup requis, d'autāt qu'elles sōt de petite nourriture, & de beaucoup excrementeux, si est ce que nous en vsons quelquefois, aux decoctiōs, pilées & reduittes en poudre, avecques quelque liqueur conuenable, cōme nous dirons plus amplement quand nous parlerons des medicaments.

Traicté de la Dysenterie.

De l'usage du laiët.

Chapitre. V.

Definitio
du laiët.

Les par-
ties d'ice-
luy.



LE Laiët est vne
nourriture beni-
gne & superflue
aux mammelles
des femmes, qui
prouient du sang
receuant muta-

Les mar-
ques du
bon laiët

tion en icelles : Il est composé de
trois diuerses essences, frommaige
beurre & petit laiët, Esquelles estat
separée l'vn de l'autre, obtiennent
diuerses facultés & temperamēt. Il
faut choisir celuy qui n'est n'y trop
clair, n'y trop espés, qui demeure sur
l'ongle, & ne s'escoule. On le iuge
aussi à l'odeur, goust, saueur, & cou-
leur, & doibt estre tresblanc, luisant
clair

clair & doux, non toutefois oultre mesure, pur, entier, qui est sans amertume, sans aigreur, sans saleure, ou puanteur. Entre les diuerses sortes de laiët, le meilleur de tous est celuy de la femme, saine & bien moderée, en son viure, puis de cheure; le suit celuy de brebis; en après de vache, puis de beuffle ou vache sauvage; qui est plus espés & gras; en fin d'anesse, qui à plus de relaiët qu'aucun des autres. Celuy de cheure sert principalement aux dysenteriques, & de nourriture & de médicament: & ce pour raison du viure des chieures qui se nourrissent de feuilles & petitiz tendrons qui ont grand' force à restraindre. Je conseilleray d'en nourrir en la maison d'herbes seulement estraignantes, & propres à ces fins par ce que le plus souuent le laiët quel qu'il soit, il trouble le ventre, & moleste l'estomach quand le bestail se nourrit de mercurialle;

Les sortes
de laiët
qui sont
bons aux
dysenteriques.

Traicté de la Dysenteric.
hellebore, Scamonée & autres sem-
blables .

LE laiët se corromp aisement,
& principalement , quand l'entour
est chaud , il s'enaigrit en vn esto-
mach foible & froid , il prent vne
mauuaise senteur en vn chaut sur-
passant le point de mediocrité : &
pour obuier à c'est inconuenient,
pendant qu'il se cuit, il faut y mes-
ler vn peu de miel, sel, ou sucre, à
fin qu'il ne se caille dās l'estomach.

Moié de
corriger,
& prepa-
rer le
laiët.

Et le laiët qui est aussi bié & deue-
ment cuit iusques à tant q̃ le relaiët
soit presque tout consumé, ne sera
tant seulement moins pernicious,
mais aussi seruir de tres-böne nour-
riture , & tres-bon medicament
aux dysenteriques . Que si quelcun
craint que la plus grande part de sa
force, & vertu, s'exhale, en cuisant:
il peut teter vne cheure, si tost qu'el
le sera traite, qu'il boiue , ainsi se
tournera tout aussi tost en bonne &
plaisante

plaisante nourriture, de tout le corps, reserrera le vêtre, restraindra les dufluxions poignantes & mordantes, en fin, appaisera & moderera l'acrimonie, qui excite d'extremes torments en la patrie offensée,

Et par ce que le laiët cause souuent mesme à ceux qui sont sains, quelque douleur de teste, & enfle le ventre, il est aisé d'entendre qu'il est tout entier ennemy de ceux à qui la teste faiët ia mal, ou qui ont les hyponcondres soubleués & plains de vents, ou certe ilz ont ces parties plus enclines à recepuoir c'est incōuenient, suyuant l'opinion d'Hippocrattes, qui deffend de donner du laiët à ceux qui ont douleurs de teste, sont tormentés de fiebure, alterés, & à ceux ausquels les entrailles bruissent.

PAREILLEMENT à ceux qui rendent vne matiere bilieuse, &

Traicté de la Dysenterie.

qui sont tombés en fiebres aiguës,
& ausquels on à tiré grande quanti-
té de sang. Tel enseignement d'Hip-
pocras me contrainct de croire, que
si la fiebre plus aigue accõpaigne
la dysenterie, qu'il se faut du tout ab-
stenir de laiët. Toutefois i'ay experi-
menté en moy mesme qu'il aduient
souuent autrement; l'ors qu'en ce
lieu de Tolose i'estoye trauaillé &
d'une dysenterie; & d'une fiebre
aigue. Estant en c'est inconueniët
lequel m'a principalement induit à
ce subiect; apres qu'un bien long
temps ieu tenu le liët fort miserable-
ment: Vn Medecin de ce lieu de To-
lose personnaige tresdocte; lequel
i'ay en bonne estime, & i'honore
pour le regard de la Medecine.

Voyant que i'estoye en tresgrande
fiebre, il me deffendit le laiët suy-
uant l'Aphorisme d'Hippocras; &
la coustume. Me conformant à sa
Volonté; ie perdy tout appetit de
boire

boire & de manger, tellement qu'on n'attendoit que ma mort, tant i'estoye foible & desnüé de forces.

Sur ces extremités, contre son aduis, ie me fais apporter du laiët de chieure, le fis estendre avec pierres ardentes, car ie n'auois point de cylindres desquelles Galien se seruoit & en vesquis huit iours, iusques à tant que peu à peu ie commençay à reprendre mes forces. Ie n'ay resenty lors vn plus souuerain remede; quoy que gazcuillent ceux qui n'ôt tellement fait preüue de la valeur, de tel laiët, & a fin qu'il ne semble que ie parle temerairement, outre la preüue que i'en ay faicte, Galien confirme mon opinion, quand il dit. Lors que le laiët aura quelque faculté de dessicher, adiointe à la sienne, c'est vn tressouuerain remede; contre la dysenterie; & contre tous autres acres & poignant, deuoyements du Ventre: Il pret ceste faculté des pierres

Efficace
du laiët
ferre.

Traicté de la Dysenterie

res ardantes, qui sont mises dedans.
Puis il dît : qu'il faut que ce soit
celles qu'il nomme, *Calicas*, & faut
que le laiët se cuise iusques à tant q
tout le relaiët soit consumé Nous a
uôs de beaucoup meliuré ceste qua

Cecy fer-
me la
bouche à
ceux qui
ne veul-
lent ouir
parler du
laiët, fau-
te d'en a-
uoir suffi-
sante cog-
noissance

Du from-
maige.

lité; dit il, avec cylindres flâboiâts.
D'autant qu'on n'vse gueres de frô
maiges en ceste maladie, ie n'en di-
ray autre chose, sinon que comme
on peut choisir de tout laiët, & que
l'un vaut mieux que l'autre, ainsi le
frays, qui est pris sans sel, nourrit &
est vtile à l'estomach, il ramollit le
ventre, avec mesure. Et s'il est
pris de frays, & mol il a force de rab-
batre & repousser les defluxions, ras-
fraischissent legerement. Le vieil est
de temperament contraire, brullant
il engendre la soif, il oppille; & cau-
se la pierre & grauelle: & combien
ue quelcun l'appreue, par ce qu'au-
cunement il restraint le ventre, ie
ne m'y consentiray iamais, sinon
qu'il

qu'il soit bien dessalé, & apres qu'il sera fort sec, mis en poudre, ainsi pris ou seul, ou avec quelque liqueur conuenable, comme potaiges, laiçt cuit, ayant perdu toute acrimonie, il pourra plus aisement reserrer le ventre, & consolider les vlcercs. Reste à parler du relaiçt, qui est de substance aqueuse, il nettoye & lasche, il chasse la cholere iau ne & noire qui prouiennent des humeurs bruslés. Telement qu'il est fort bon à ceux qui ont perdu leur sens, aux melancholiques & rateleus. Estant baillé en clysteres il laue & nettoye sans aucune acrimonie.

Si outre cela il y a es parties de l'estomach quelques vlcercs plains & remplis de quelque humeur maligne & mordante, le relaiçt proffitera, & nettoyera toute ceste ordure,

Du relaiçt.

*Des conserues & fruietz plus co-
uenables & qui sont plus
en vsaige.*

Chapitre. VI.

Pour-
quoy on
repro-
ue les
fruits.



Vrant la foison
peut vser de con-
serues de roses
seiche, cōserues
de cichorées, de
fleurs de buglo-
ses, e lis, d'eau
confits ou seuls ou avec eaue ferrée.

Le coing.

Tous les fruits ceux mesmes qui
referrent, combien qu'ilz soient re-
iettés, à cause qu'ils ne sont faciles à
cuire, toutefois ils s'en treuent qui
seruent en partie de médicament:
comme le coing qui faict vriner,
profite à l'estomach, & est pl^s doux
quand

quand il est cuit sous les cendres.

Il est merueilleusement bon à ceux qui ont la dysenterie, ou quelque trachée. La liqueur de celuy qui est broyé se donne commodement en breuvage à ceux qui ont quelques defluxions du ventre, estant confit avec sucre, ou miel, est plus agreable à l'estomach & à la bouche: mais il vaut moins à reserrer le ventre, qui est lasche. Celuy qui est rôd petit & de bonne odeur, est tressouuerain. On se sert aussi du crud aux cataplasme destinés pour reserrer le ventre ou l'estomach. La grenade & celle principalement qui est aigrette: est fort conuenable à ceste affection, comme toutes autres choses aigredouces. Oultre sa nourriture que le corps en prent, & qui est fort louable, retrint le vêtre, & est fort agreable à l'estomach. Les noyaux de grains de la grenade seichés au soleil, & pilés, meslés avec les viâ
des

La grena
de.

Traicté de la Dysenterie.

des, ont mesme vertu & est vn tres-
souuerain remede aux dysenteri-
ques de les boire cuitz, avec eau de
pluye. Nous parlerons cy deffous
de sa fleur, & escorce.

La poire.

Les Mes-
fles & cor-
mes.

Il y a plusieurs especes de poyres
& plusieurs nōs, on remarque leurs
vertus au goust & saueur, elles sont
aggreables à lestomach, desseichent
& restreignent, mais plus les sauui-
ges: & pource ils vailent mieux
pour les defluxions du ventre. Il
faut faire mesme iugement des mes-
fles & cormes aussi ont elles mes-
mes vsaige aux dysenteries, par ce
qu'elles reserrent, toutesfois les mes-
fles vn peu plus, & pour ce elles sōt
fort bonnes à manger, quand le ven-
tre est lasche. Quant aux cormes el-
les se messent avec panades & fari-
nes, apres qu'elles ont esté dessei-
chées au soleil, & mises en poudre.
Les amâdes doulces arrosées d'eau-
rose & lauées avec vn peu de vin.
de

Amâdes.

De raisins de corinthes, ou de damas se dōnent au dessert, & quelquefois sur le iour pour esueiller l'appetit, ou l'entretenir: combien qu'il ne referrent point hors mis les raisins à causes des pepins, les chairs de myrobalans, roux, confits en sucre renforcent l'estomach: les prunes sauvages: chastaignes seruent de nourriture & medicament, par ce qu'elles restreignent le ventre, & d'autant plus si elles sont seichées & surtout l'ecorce du milieu: Le fruit d'un arbrisseau, qu'on appelle rhou sumach bien desseiché & pulverisé, se melle avec les viandes, à fin qu'ilz restreingne davantage, & plus aisement. Les fruietz des palmiers qu'on appelle daëtilz, se cuisent difficilement, & engēdrēt douleur de teste, si on en mēge largement. Ceux qu'on apporte d'Egypte, p ce qu'ils sont plus secs, & ont force de restraindre, ne sont du tout à reietter.

Les prunes.

Daëtils.

Le

Ver-ius.
Ribes.

Traicté de la dysenterie.

Le verd-ius confit, le ribes, ou le suc d'iceluy, proffitera d'autant qu'il rabbat l'ardeur de la bile, & plusieurs autres fruiçts aydent beaucoup en ceste maladie, il seroit mal aisé de discourir de tous, & ie serois prolix, ainsi apres la cognoissance dessus declarés, il est facile de cognoistre les autres.

Du boire.

Chapitre VII.



Vant au boire la premiere loy est que le malade s'en abstienne, le plus qu'il pourra. La seconde, qu'il n'vse de vin, principallemēt s'il y a fiebure, si

sinon que la necessité l'en contrain-
gne. Tout du commencement que
l'eau de fontaine soit cuite dans
vne phiolle, avec des racines de l'her-
be nommée dent de chien, & de
l'orge: a fin qu'ostât les obstructiōs,
nous conduisions & diuertissions
la matiere qui est cause de la mala-
die, par vn mesme moyen vers les
conduits de la vessie. Telement que
ie ne suis de l'aduis de ceux qui tiē-
nent l'eau de la riuierē estre assez
cuite, encores voudroye que pour
les tainctures & les immondices qui
sont au costé de la riuierē qui regar-
de la ville on laille puiser à l'autre
bord?

L'eau de pluye est souveraine
moyennnant qu'elle ne s'escoule
par tuyaux de plomb. Celle princi-
palement qui tombe la nuit, a qui-
lon soufflant, elle seule beue guē-
rit les legieres dysenteres. L'eau de
fontaine supplera son deffaut, &

22 Traicté de la Dysenterie.

non pas celle de puis.

Que s'il aduenoit qu'apres que les obstructions sont dissoutes, & que le corps est euacué, la defluxion continue: il se fault l'ors seruir de viandes & medicaments, qui arrestent les defluxions, & renforcent le corps.


A ces fins le boire doibt estre tres bon, comme du laiët d'amandes, d'eau ferrée avec sucre rosat.

L'eau se doibt cuire avec cailloux ardents, ou cylindres avec quelque petite portion de mastih, pendant qu'elle cuira. Si l'imbecillité du malade requiert, que lon luy baille du vin, certes il luy en faut donner, & en prendre pour conforter l'estomach, trempé avec eau ferrée astringeant, & encores bien peu.

syrops
pour mes-
ler avec
eau.

Les syrops sont vtiles pris avec eau cuittée, ou seuls comme sont ceux de myrtils, de roses seiches,

des suc de coings masles, d'agreste
de ribes, du suc de plantain. Prenés
vne liure du suc de plantain, purgé
& raisis, huit onces de sucre rosat,
Faiçtes vn syrop bien & amplement
cuit: duquel il vse ou seul, ou avec
eauce ferrée. Il reserre & est fort pro
pre pour étancher le sang: se peu
nét en fin faire syrops des suc d'her
bes conuenables, pour les dysente
riques, ou des decoctions ainsi qu'il
plaira à chacun, qui soit de bon sca
voir. Oultre ce le boire comme le
manger doit estre actuellement
vn peu froid.



Du repos & sommeil.

Chapitre VIII.

K 2 En

Traicté de la Dyſenterie.

Les effets
du ſom-
meil.



N toute maladie ſi le ſommeil & repos eſt meſuré, il eſt profitable : parce qu'en dormant les fonctions animales ſe reposent, dou vient que l'on reſent moins le mouvement & acrimonie des humeurs peccants, & qui ſe preſentent pour ſaillir, les naturelles beſoignent mieux, & la viande ſe cuit non ſeulement en l'eſtomach, mais auſſi en toutes les parties du corps, & les parties renforcées, la chaleur rappellée au dedans, ſurmontent les cauſes motiſues des maladies. Il aduient tout autrement en veillant, la chaleur eſtant enuoiée au dehors, duquel la diſteſtion ſe faiſoit.

Parce que le veiller, le mouvement & la lumiere eſmeuuent les humeurs, & les tirent du profond du corps : à raiſon dequoy celuy qui à pris de l'hellebore, ſ'il veut auoir le ventre laſche, il faut qu'il ſe remue pluſtoſt
que

que dormir, ou se reposer: s'il veut l'arrester, Hicpocrates luy conseille de dormir. Ceux la doncques faillét grandement, qui commandent aux dysenteriques d'aler à cheual, & ont opinion que le cheuaucher leur est tresbon. Ilz ressemblent à Prodicus qui tuoit les febricitans avec courses, pourmenades & luisse, comme tesmoigne Platon. Car consideré que le cheuaugement esbranle merueilleusement le corps, & par consequent les humeurs lesquelles esmues tomberont plustost aux parties debilles & ia affligées que se diuertir par autrepart. Ce seroit vne extreme folie vouloir guerir peine avec peine, mal avec mal, & si succede bien, il ne faut penser que ce bien vienne de la, mais il doit estre totalement rapporté à la mutation de l'air, comme quand quelque dysenterique du midy, passe au septentrion par le conseil du medecin; lors

L'equitation re-
prouuée.

Traicté de la Dysenterie.

que le dyssenterique voudra prédre le sommeil, qui de soy est enclin à veillé, il sera grandement soulaigé par ce breuvaige.

Prenez vne dragme de poudre de diamargary: deux scrupules de Boli armini préparé, vn scrupule de Corail rouge puluerisé, d'eaux de plaintain, & pourpier, de chascunes vne once & demy, & vne once de Syrop de pavor, & faites vne potio.



*De la seconde sorte des reme-
des qui sont deus à la cau-
se antecedente.*

Chapitre. IX.



ET autre sorte de remede est de la purgation de l'humeur peccant, & qui cause la dysenterie, laquelle se faict ou euacuans, ou diuertissant: apres que nous aurons auisé, si les humeurs abondent egallement, ou si le corps est remply d'un mauuais humeur, ou mauuaise constitution, ou bien quel humeur est en excés, si c'est le bilieus, le melancholique ou pituiteus: ou si quelque solemnelle euacuation est supprimée, comme le flux menstruel, ou des Hemorroïdes. Si la cholere est desmesurement eschauffée, ou le foye est rendu plus chaud que de soy, ou bien de soy, ou par le

Traicté de la Dysenterie.

consentement de quelque partie travaillée. Car considéré que la bile faict que plus souvent le dyssentere rauai-ge, principalement aux regions chaudes, il est raisonnable de prendre le commencement & la cure d'elle. Quât à la bile ou elle afflue en quelque partie du corps, comme en la region du foye: ou elle enuahit egallemēt tout le corps, & lors il sensuit l'un des deux, ou tous les deux ensemble, ou q̄ le foye est trop chaud tellemēt que defaillant en sa charge il conuertist le sang en bile, ou que le conduit du fiel est bousché. A raison de quoy l'intemperie sera corrigée par son cōtraire, & les obstructiōs ostées & la bile purgée par medicamens propres & accommodez.

Aussi ceux faillent totalement qui mettēt leur premier soing a restraindre sans auoir esgard aux causes & symptomes qui suivent l'obstructiō delaissee

delaissée, & la retention forcée de l'humeur peccant. Hippocrate en laphorif. soixante-cinq, de la sect. cinquiesme, touche ces symptomes, quant il dict.

Ceux, esquelz les tumeurs sont euidentés, avec Vlcères, ne tombent guieres en couulsion; n'y en folie.

A ceux ausquelz elles s'euanouissent tout à coup, ilz sont surpris de couussions & tetanes, si les vlcères sont aux parties posterieures, ou au dos.

Parce propos nous est demonsté, que à quelques vns tombent en couulsion, & deuiennent folz, à cause des tumeurs qui suruiennent aux playes: mais peu souuent, scauoir est, lors qu'ils ont acquis quelque in signe grandeur, ou quelque malice en vne partie nerueuse.

Ce considéré ilz font tresmal, quand ilz baillent le Rhabarbe en substance.

Traicté de la Dysenterie.

substance, avec quelque liqueur adstringente, syrop de roses seiches, en partie comme ils dient pour euacuer le foye, en partie pour le renforcer: veu qu'ilz affoiblissent plus tost, & augmentant de plus en plus les obstructions, lesquelles ne se guerissent si aisement, par ce que la tenue substance du Rhabarbe, deliée & aerée, ou sa faculté, laquelle agit & tire les humeurs, s'exhale tout incontinant, & ne peut aller outre, estant empeschée de l'autre partie terrestre, & astringente.

A ces fins l'infusion du Rhabarbe conuendra mieux au commencement, car autrement les obstructions restantes, & toutes voyes du corps bouchées, les defluxions des excréments, fulgineus, sont retenues, & n'y la chaleur, n'y l'esprit ne s'exhalent, desquelz la transpiration doit estre libre de nécessité.

substance

A fin que les excréments s'escou-
lent, & l'air extérieur soit receu au
dedans: à fin qu'aucune alteration
de la chaleur naturelle, ne se face,
n'y n'aduienne aucune conuersion
en vne qualité maligne: on.

Aduenant doncques que les hu-
meurs ne peuvent s'exhaler, qui
suyuent le mouuement de la cha-
leur & esprit, ils se corrompent, &
reçoipuent vne chaleur, qui passe la
loy de nature, puis il aduiet qu'un
personnaige est traouillé d'une ar-
dente fiebre, depuis que toute
Oeconomiede nature est anean-
tie.

Nous n'approuuôs ici rien qui soit
par trop rosty, bruslé, ou qui se re-
sente aucunement de la bruslure,
soit médicament, ou aliment, hors
l'eau & le laict: lesquels ne retienn-
ent aucun empyreme.

Les cho-
ses ros-
ties, &
bruslées
impreu-
uées.

Traicté de la dysenterie.

Car les elements perdent leur forces estant rostis & bruslez, & gaignent vne amertume & saueur mal agreable, au palais. Choses qui doiuent estre esloignées de ce qui doit donner nourriture.

Les medicamens s'enaigrissent d'auantaige, par laquelle ils purgent plus rudement, & avecq plus grande facherie.

Car le medicament soit qu'il soit fort & poignant de soy, ou artificiellement, il s'enflame aisément; & comme on tesmoigne de ceux qui ont escrit de leurs choies, Il mordique, ouure, brusle, tirace, dissout, vlcere, & rien n'est plus pernicleux à la dysenterie.

Les humeurs qui par ce melange se sont enaigris, exulcerent les intestins, en coulant; non autrement que l'eau colée, par les cendres s'enaigrit; & ainsi pendant que le mal recoit accroissement, la nature est

gran-

grandement outragée.

Je ne m'esmeus de ce que quelcun peut dire, que telle acrimonie se peut effacer par ablution : à raison que ou le tout est brusle, ou la superficie seulement. Si cettcey, le médicament sera plus humecté par ablution, & ainsi ne desseichera, ny ne reserrera, qui est contre l'intention & attente du medecin, qui procede en cette cure de tel moyen.

Si le tout demeurent tousiours ce reste de brusleure que les Grecz appellent, *Empyrema*. attaché aux parties internes, lesquelles se reseruent entieres, & ne souffrent aucune ablution, augmentera tousiours l'acrimonie de l'humeur.

I à il plus grâde force, de desseicher & estaindre aux choses qui sont bruslées qu'à la terre qui ne l'est pas, nō vrayement : attendu qu'elle seule est excessiuelement aride & seiche.

Traicté de la Dysenterie.

Pourquoy donc deceu d'une faul-

Les moy se opinion, bourselant miserable-
ens de p-ment les malades, le precipite tu au-
parer les danger de ta renommée.

medica- Les medicaments esloignés, du
ments, & feu seront desseichés peu à peu,
empes- ou au Soleil, ou renformés dedans
cher qu'ils ne sen vn fourneau, mediocrement chaud,
tent le rou dedans quelque vaisseau: aussi
brusler. l'humidité s'epuisera, & n'y aura

de residu que la partie terrestre,
en laquelle gist vne puissance de
desseicher & retraindre, laquelle
par la bruslure se diminue, se cor-
romp, & gaste, d'autant que luy sur-
vient d'acrimonie.

Ainsi serót ilz tressaincts, sans brus-
lure, & saueur mal plaisante.

Il ne nous aduiendra ainsi qu'a
vn certain Medecin forain, qui
n'ordonnoit sinon toutes choses
bruslées, avec le grand dommaige
des patients: comme i'ay veu en
quelque malade aagé de vingt-cinq

ans, & de nature bilieuse: estant surpris l'esté d'une dysenterie, qui venoit d'un flux bilieus, il appella ce beau Medecin, qui luy prescrivit incessamment hiera picra pour euacuer les humeurs, & les tirer dehors.

Je laisse le iugement à ceux qui ont tant soit peu gousté la Medecine, combien vaut ce medicament à un personaige greué d'une fièvre aigue, & en plain esté.

Le iour suyuant qu'il auoit encores le ventre lache, & que son flux s'augmentoît plus, qu'il ne cessoit, il luy ordonna un condit de semences brullées, duquel il usa par interval, & en prist une cuillierée.

L'auancement du malade fut de perdre tout appetit, & d'aller à chambre cinquantes fois en trois heures.

Voyant comme il estoit bourrelé, il demanda d'estre secouru d'autres

Traicté de la Dysenterie.

& de moy ce que nous ne voulions, n'y ne pouuions refuser. En fin par nostre moyen avec l'ayde singulier de Dieu, il fut remis en santé, outre l'attente de tous.

Ores à fin que nous reprenions nos arres, qu'il soit ainsi que le Medecin soit appellé du patient le second iour, qu'il se sent surpris, & posons cas que ce soit sur les huit heures, il n'aduient gueres plus tost, souuent plus tard. on peut commodement prescrire ce clystere, ou semblable.

Clysteres Prenés de l'orge entier vn quart, faictes vne decoction en eau de fontaine iusques à tant qu'il s'esclate, prenés vne liure & demie de la coulée, destrempés y troys onces de Miel rosat, vne once de Sucre rouge, deux iaunes dœufz, faictes vn clystere, & le baillés à troys heures apres midy. Par tel ou semblable, on laue ou netoye
les

les intestins, & on osté la cause conjoincte, celui qui suit à vertu de nettoyer & renforcer.

Prenés d'Orge entier troys poignées, de coriandre preparée troys dragmes, de roses rouges & fleurs de lys d'eau, de chacune vne poignée, faictes la decoction en eau de fontaine ferrée, iusques à l'esclatter de l'Orge: Prenés vne liure & demie de la collée, destrempés y troys onces & demie de sirop de roses seichés, faictes vn clystere, il le faut bailler vn peu apres que l'autre fera rendu. Il faut auiser que les clysteres qui sont pour lauer les intestins soyent prescrist en plus grande quantité, iusques à vne liure & demie: à fin que si les intestins superieurs sont affectés, q le clystere puisse monter iusques là. Si on veut euaquer les humeurs, il faut moins de quantité comme vne liure, à fin que lon les puisse tenir plus longuement

Traicté de la Dysenterie.

& sans facherie . Le iour suyuant il
prenne ceste medecine : Prenés de
la racine de dent de chien, d'asper-
ge, & aigrette de chacune demie on-
ce, des feuilles de scariolle, de la ci-
chorée entiere, de l'adiant blanc de
chacun vne poignée, cinq dragmes
de tamarind recent, deux dragmes
de raisins corinthes, de seméce de sca-
riolle, de melóns, d'ányis, & de fleurs
cordialles, de chacunes vne dragme
faictes la decoction iusques a vne
dose en laquelle, mettés y en infusió
toute vne nuit vne dragme & de-
mye de rhab. demy scrupule de ca-
nelle: puis en l'expressión faut dis-
soudre vne once de syrop rosat so-
lutif, cinq grains de la ratissu-
re de la licorne, faictes vne
potion qui se prendra
à iun quatre heures
auant le
repas.

De couper & ouurir la veine.

Chapitre X.



Onsideré que
les forces s'a-
batant, en si fre-
quâtes deiection-
ons, si on cou-
pe la veine, qui
est vne autre va-
cuation insigne

& vniuerselle, elles s'abatront d'a-
pantaige. Galien cognoissant ceci,
il deffend la seignée es flux de ven-
tre, mesmement Hippocrate sur la
fin du quatrieme de la façon de vi-
ure es maladies aigues: ce qui sem-
ble plus appartenir à la dysentere,
qu'aux autres flux: d'autant qu'elle

Traicté de la dysenterie.
afilige le corps plus fort. Oultre ce
la matiere faisant la maladie, n'est
pas le sang, mais plus souuent la bi-
le, qui peut estre mieux tirée par le
medicament: encores Galien inter-
dit le medicament en telles mala-
dies. Mais encores qu'il n'aye point
entamé le propos de la saignée, par-
lant de la dysenterie, si ne doibt on
la negliger en temps & lieu. Car at-
tendu que la fiebure est frequente
& forte en la dysenterie, & qu'il y a
inflammation au gros & gresles boi-
aux, Galien au liures de sa metho-
de, publie que la saignée est vn tres-
souuerain remede en toute fiebure
continue, ou intermittente, & toute
autre inflammation insigne. Elle
est doncques fort profitable en la
dysenterie, lors que les forces le per-
mettent. Il faut icy voir qu'elles el-
les sont, & combien grandes, pour
le moins imaginer qu'elles elles peu-
uent estre apres la saignée, laquelle
sert

sert d'attremper, & raffraichir le
cœur, plus noble partie de toutes
celles qui sont closes en la poitrine:
& mesme tout le corps qui bouil de
chaleur, puis pour oster les obstru-
ctions, à fin que les humeurs & es-
prits se puisse mieux euentiler, prin-
cipalement pour diuertir: & la re-
uulsion se doit faire par la partie
plus esloignée, ainsi peut on tran-
cher la cephalique, ou mediane du
bras droit, faisant vne petite ouuer-
ture: principalemēt quand le corps
est replet, a fin q le sang distille peu
à peu, & goutte à goutte, par ce que
de ceste façon les forces ne sont tāt
abbatues, & on resent moins de mal
que si on tiroit du sang de la basili-
que, plainement comme ont senti
Galien & Hippocratte: lors qu'il
ont deffendu la saignée, le ventre es-
tant lasche: La veine estant comme
i'ay dit euentée, le sang raffraichi ne
se changera si facilement en chole-

Traicté de la Dysenterie.

re. Vray est que si quelque solemnelle euacuation cesse, comme des hemorrhoides ils les faut ouurir, si les mois des femmes sont retenus: il faut ouurir la sapheme qui est vers la cheuille du pied, en la partie interne. En ceci est besoing d'y aller saignement, à raison qu'en vn si grand flux, & telle torméte les forces sont merueilleusement affoiblies.

D'abondant la saignée n'est tousiours louable, egallement en toutes regions, & climatz.

Car où la region est chaude, & qu'elle est située vers le midy, comme est Tholose, quoy que les forces & eage soient entiers: toutefois attendu que l'air dissout les corps, & les affoiblit, il s'en faut seruir plus rarement.

Où à Paris, veu la constitution de l'air, qui est aquilonnienne, qui consomme les superfluités, la saignée est en frequent vsaige.

Car

Car telle constitution donne force aux instruments, estraignant & ramassant la substâce. D'où vient que toutes actions sont meilleures, & plus fortes. Parlant de ces villes ie veux inferer, tout autant de tout le climat que ie fais d'elles. De surchroist il faut aduiser, que ou nous pensons seulement à euacuer, il faut redoubler en vn mesme iour, ou nous ne voulons que renuoier ailleurs & diuertir, ce qui est coustumier en ceste maladie, il faut entremettre deux iours. La quantité doit se mesurer selon la temperie du malade. Côme s'il à beaucoup de sang il faudra en tirer plus, sinon, au contraire, faisant discretion des personnes & des temps, car les ieunes se doibuent seigner pour faire heureusement sur la nouvelle Lune, les vieux sur le declin, ceux de l'age moyen depuis la fin du premier quartier jusques au commencement du der-

Traicté de la Dysenterie:

hier, toutes choses proportionnées. Encores faut il q la Lune soit tousiours au signe approprié, à celuy qu'on vouldra seigner, ainsi la Lune passant sous Cancer ou Pisces est propice aux bilieus: Passant par Aries, hors la cephalique aux pituiteus: ou au premier quartier de Sagittaire. Passant au signe aquatique ou premiere partie de Libra aux melancholiques. Faut aussi que la Lune soit avec Venus ou Iupiter ou en l'aspect trigoné avec le Soleil Mercure, Iupiter, toutelois la necesité nous romp souuent noz loix.

Quand ceste seignée sera faicte, sur les sept heures du matin, le clystere sus mentionné peut se reïterer ou vn semblable, en ceste forme.

Prenés troys pognées d'Orge entier, vne pognée de roses rouges, troys dragmes de coriandre, faictes la decoction iusques à ce que l'orge esclatte en vne liure & demie de decoction

coction, destrempés y deux onces
de miel rosat, vne once & demie de
succe rouge, deux iaunes d'œufs,
formés vn clystere & le baillés trois
heures apres midy. Il faut bailler
chasque iour quelques clysteres;
pour nettoyer & renforcer les inte-
stins, & la partie affectée, & pour
chasser ce qui'est en elle, qu'on ap-
pelle la cause cōioincte, ou en ceste
sorte. Prenés vne liure & demie de
relaiët, troys onces de syrop de ro-
ses seiches, oncé & demie de suc-
cre rouge, faictes vn clistere, & qui
se baille à bonne heure. Autre pour
les plus delicats & debiles. Prenés
deux poignées d'orge entier, vne
poignée de roses rouges, & demie
once de coriandre, faictes vne deco-
ction de potaige d'un poulet, ius-
ques à ce que l'orges'esclatte, pre-
nés de la decoction vne liure & de-
mie adioustés y du succe rouge &
de miel rosat, de chacun vne once &
demie

Traicté de la Dyfenterie
demie, formés vn clystere pour le
bailler à six heures du matin, ou de-
uant disner. Ou cestuicy pour ap-
paiser les douleurs. Prenés deux
poignées d'orges entier, vne poi-
gnée de roses rouges, vne de fleurs
de chamomilles, troys dragmes de
coriandre, faiçtes vne decoction du
potaige de tripes: iusques à ce que
l'orge esclatte, en vne liure, destrem-
pés y du miel rosat & sucre rouge
de chacun vne once & demie, deux
iaune d'œufz. faiçtes vn clystere
pour le bailler deuant le disner.

Ce sera ici le cinquieme iour de la
maladie, auquel la bile encores con-
tinue tant le corps en est rempli: si
qu'vn seul medicament n'est suffi-
sant, pour l'euacuer entierement.
Tellement qu'il faut donner le mes-
me iour quelque chose qui euacue,
& confirme le foye & l'estomach: si
le patient la peut souffrir à raison
du dangier present.

Prenés doncques troys dragmes
des troys sétauls, broyés deux dragmes de la racine de bistorte, & de celle du lis d'eau blanc, de toute la cichorée demie poignée, des semences de plantain & lis d'eau, de chacun vne dragme, faictes la decoction d'une prise destrempés y vne dragme de Rhabarbe, pilés demie dragme d'escorces de myrabolan roux poudroyés, cinq dragmes de sirop rosat solutif, & autant de celui y de roses seiches: formés vne prise pour bailler au point du iour. Ceux qui n'ont telle affluence de bile, s'ayderont de ceste prise. Prenés de toute la cichorée, & adiant blanc, de chacun demie poignée de santals broyés, deux dragmes de racine de tormentille, raisins de corinthe, fleurs de cichorée: & semence d'aigrette, de chacune vne dragme, faictes vne decoction pour vne prise, en laquelle, mettez vne dragme de Rhabarbe, en infusion toute la

Potion.

Potion.

Traicté de la Dysenterie.

nuit, cinq grains de canelle: apres
l'expressiõ, destrempés y deux scrupules de Rhabarbe mis en poudre;
cinq dragmes de sirop rosat solutif,
autant de celuy de roses seiches, fai-
ctes vne prise pour prendre au point
du iour quatre heures avant mäger.
Pour ceux qui aymeront micux la
casse que le rhabarbe, car en cecy il
se faut quelquefois s'accómoder au
malade. Prenés de racine d'aigrette;
& de la dent de chié, de chacune de
mie once, des fueilles d'endiue, &
cichorée demie poignée de chacun
deux dragmes: des raisins de damas
entiers, de semences d'endiue, & a-
nis, de regalis ratifscé, de fleurs cor-
dialles, vne dragme de chacun, fai-
ctes vne decoction pour vne prise;
mettés y en infusion toute la nuit;
dragme & demie de rhabarbe demi
scrupule de canelle apres l'expressiõ
destrempés y 3. dragmes de Cassé frai-
chemét tirée de son bois, deux drag-

Potion.

mes de catholique, vne once de si-
rop rosat solutif, formés vne prise
pour la prendre selon l'art.

Nous ne baillons telle prise pen-
dant la peste, par ce qu'elle hume-
cte, mais le rhabarbe avec l'oxiphœ-
nic : n'y n'ordonnons en potion
la seule casse, p ce qu'a peine se dis-
soudroit vne once de casse, en dix
onces d'eau, ainsi seroit la prise mal
plaisante au patient.

Pour les plus delicats se faiët quel-
quefois en ceste sorte. Prenés qua-
tre scrupule ou vne dragme & de-
mie de Rhabarbe fin, mis en pou-
dre, avec le potaige d'un poulet, ou
au relaiët d'une cheure.

Puis il faut renforcer le foye, tant
par prises, que choses appliquées, à
fin qu'il ne se face plus aucun amas
de la bile.

Prenés de conserue vieille de rose,
conserue de fleurs de cichorée, de
chacune vne once, de conserues de
fleurs

Opiate.

Traicté de la Dysenterie.

fleurs de lis d'eauë, & conserue de Symphite, & de coings de chacune vne once, de poudres de fantauls & diamargaritō froid, de chacune vne dragme de corail rouge, demie dragme, de la poudre de la racine bistorte vn scrupule, formés l'opiate avec syrop de coing, & de roses seiches: du quel prēdrés deux dragmes & demie apres l'apozeme suiuañt, qui faut boire incontināt: ou prendrez l'electuaire, sous escrit, maintenant l'vn, maintenant l'autre.

Apoze-
me.

Prenés des troys fantaus, con-
quassez, vne once, de la racine de lis
d'eauë blanc, de bistorte, demie on-
ce de chacune, vne once de dent
de chien, de la semēce du lis d'eauë,
vinette, plantain, endiue, pourpier,
de chacune deux dragmes, des fleurs
de lys d'eauë, de cichorée, de tamar-
rin, de chacun vne poigné. Faiçtes
vne liure de decoction, en laquelle
vous

vous dissoudrés du syrop, de roses seiches, syrop de coings, syrop d'endiue, de chacun deux onces, syrop de menthe, vne once: faiçtes vne opozeme pour quatre prises, clarifié & aromatisé avec vn scrupule de diamargaritô froid, & deux scrupules de santaus rouges.

Il en faut prendre deux fois le iour, quatre onces pour chacune dose, deux heures auant le repas, avec vne tablette de c'est electuaire.

Prenés deux scrupules de la poudre de l'Electuaire Diarrhodon abb. de la poudre d'electuaire de diamargariton froid, & des santaus de chacun vn scrupule de fin sucre dissout en eau d'Endiue, tant qu'il est besoing: formés des tablettes du pois de deux dragmes, & en faut prédre vne auât ou apres la prise de l'apofeme. Prenés deux onces & demie d'onguent rosat, d'huile rosat & Nardin, de chacune

Electuaire.

Vnguent, pour le foye.

vne

Traicté de la Dyſenterie.

Fomenta
tion.

vne once, vne dragme de ſantal pul
uerisé, vne dragme & demie de ſc
ruse, vn peu de vinaigre, formés vn
vnguant duquel ſoit oint la region
du foye, eſtant plus chaut qu'il ne
doibt. Prenés d'eau de plantain,
d'endiué, de roſes, troys onces de
chacune, d'eau d'abſinte, & agri
moine once & demie de chacune,
vne once de vinaigre tresfort, des
trochiſque de ſpodio, de la poudre
des troys ſantaus, troys dragmes de
chacun des trochiſque d'abſinthe
& de camphre, deux ſcrupules de
chacū, de poudres de roſes, & de ſpi
ca nardi demy dragme de chacune,
formés vn epityme pour la region
du foye, de laquelle formentation
poués vſer auât l'vnguant preſcrit.
Auec les perſonnes delicates qui de
faillent pour petite cauſe que ſoit,
il faut eſtre doux apres ce clyſtere
qui ſ'enſuit: ils pourront ſe purger
en ceſte façon.

Prene

Prenés deux poignées d'orge entier
vne poignée des roses rouges, trois
dragmes de coriandre, ayés la deco-
ction d'un poulet iusques à ce que
l'orge esclatte é vne liure & demie,
destrempés y deux onces & demie
de miel rosat, ou bien syrop de roses
seiches, vne once & demie de succe
rouge, deux jaunes d'œufs, formés
vn clystere pour le dōner auant sou-
per. Puis le iour suyuant il prenne
ceste potion. Prenés deux onces de
la meilleure manne, destrempés la
dans le potaige, d'un poulet, avec
vne cullier : puis pressurés la, estant
bien purgée, adioustés y demie drag-
me de la poudre du Rhabarbe, les
plus delicats prendront cestecy vne
heure deuant leurs repas. Prenez 3.
onces de syrop rosat laxatif, de rha-
barbe en pouldre, deux scrupules a-
uec deux onces d'eau d'endiue fai-
ctes vne potiō, la prendra long tēps
auant le repas : Vne autre pour les

Potion.

Aultre.

Traicté de la Dyfenterie.

plus delicatz. Prenez quatre scrupule de bon Rhabarbe, mis en poudre avec le potaige d'un poulet, ou le relaiet d'une chieure, & la prenez suyuant l'art.

Le iour suyuant, si le mal continue, repetés au matin avant le dîner, le clystere susdict, pour nettoyer & apres soupper cestuy-ci pour renforcer.

Prenés deux poignées d'orge entier, de tout le tapus barbatus, des feuilles de plantain, de tabouret, vne poignée de fleurs de roses rouges, demie once de coriandre. Faites vne decoction en eaue ferrée, iusques à ce que l'orge esclatte, en vne liure de decoction, adiouitez troys onces de suc de plâtain, d'huile rosat, & sucre rouge, once & demie de chacun, de graisse de bouc, vne once & demie, formés vn clystere qui se baille avant le soupper, lequel il faudra retenir si long tēps qu'on

qu'on pourra.

Lors que l'humeur bilieux trauail-
le l'oriffice de l'estomach, ce qui ad-
uient fouuent, il se doibt exciter le
vomit, ayant mis le doigt en la bou-
che ou avec vne plume trempée en
huile, ou avec eaue tiede & huile,
ou avec la decoction d'vn raiffort, si
les choses mentionnées ne sont suf-
fisantes.

Remèdes
pour con-
forter l'e-
stomach.

Que s'il ha quelque douleur, mes-
me ou foiblesse sans aucun appetit
de vomir, il faut pouruoir à ce ven-
tricule, tant par les choses prises,
qu'apliquées : veu que sa propre ac-
tion est commune à tout le corps,
& tresque necessaire.

Electu-
aire.

Prenés de la poudre de l'Ele-
ctuaire aromatique rosat, de la de-
scription de Gabriel, & de la pou-
dre de Diamargariton froid, de
chacun deux scrupules, de succe
rosat, dissout en eaue de menthe,
autant qu'il fuffit.

Traicté de la Dyfenterie

Formés vn electuaire, mis en tablettes du pois de deux dragmes, duquel il en prenne vne sur le point du iour, deux heures auant manger, puis soit appliqué l'epithyme qui s'ensuit.

Epithyme.

Prenés de menthe seiche, de roses seiches, de fleurs de camomilles, fleurs cordialles, vne poignée de chacun, trois onces de chair de coings massés, de semence de pomme de citron, semence de vinette, de fenoil d'annis, de chacune deux dragmes, faiçtes vne decoction iusques a vne liure, adioustés y de poudre de Diamargariton froid, de santal, d'aromatique rosat & de spica nardi, de chacun demie dragme: formés vne epithyme avec vne esponge pour l'estomach, ou en ceste sorte.

Autre Epithyme.

Prenés d'eaue de menthe, de roses, de vinette, de buglose, de chardon beneit, de chacune deux onces, d'eaue d'absynthe vne once, de poudre de

de Diamargariton, des fantaus, de corail de chacun deux scrupules, d'aromatique rosat vne dragme, formés vn epithyme pour la region de l'estomach. Prenés du cerot stomacal de Galien, vne once & demie, de menthe seiche, deux scrupules, d'huilles de noix muscates, & de coings de chacune tant qu'il est besoing : formés vn liniment pour la region de l'estomach lequel appliquez apres la fomentation;

Liniment



Comme il faut appaiser les symptomes, & du desgoutement.

Chapitre. XI

Traicté de la Dysenterie

Deux cau-
ses du de-
goustement.



DE goust aduient en deux sortes. En premier lieu, ceux qui sont trauaillés de dysenterie, sont degoustés à raison des humeurs corrompus, lesquelz nous auons dit escorcher de leur mauuaise qualité les intestins, & viennent iceux du foye: puis montent iusqu'à la bouche du ventricule.

Cecy suruenant és longues difficultés des intestins, l'ors quel'appetit est du tout perdu, il faut croire que la mort est proche.

A V S S I le consentement des parties ameinent ce debauchement d'appetit, lors que le ventricule faict mal son debuoir, & que demeurant long temps en cest estat, quelque chose s'esleue à la bouche de l'estomach, induisant cedegoustement, auquel la fiebure estant conjoincte, il faut de deux choses l'v-

ne, que pres l'vlcere il y aye ou quel que pourriture, ou quelque inflammation. Ainsi perd on toute esperance de santé.

Cecy aduenant, lors que rien ne peut plaire au goust du malade, quoy que ce soit, il le faut nourrir en ceste sorte.


Prenés deux chapons d'un an, & vne perdrix, mettés les sur le feu, dans vn pot avec eaue de fontaine, faiçtes leurs prendre vn bouillon, & toute escume sortie, tirés l'un des chapons, avec la perdrix, mettés les en morceaux, quant à l'autre chapon, faiçtes le bouillir iusques à ce que la chair se separe des os: pendant qu'il bouillira, mettés y des feuilles de ciciorée, de pourpier, de chardon benit, de chacune vne poignée: liés les avec vn fil, à fin que plus aisement elle se puissent tirer.

Eau de
chair,

Traicté de la Dysenterie.

De semence de pourpier, de vinette,
de plantain troys dragmes de chacū.
Après auoir faict vne liure & demie
de decoction, renuersés la en vn
grand plat auectroys ou quatre
souples, adioustés y demie liure d'e-
au rose, de conserue de roses, con-
serues de fleurs de bourra che, de ci-
chorée, de conserue de fleurs, d'oro-
bangi, & de raisins entiers de da-
mas, deux onces de chacun: de pou-
dre de diamargariton froid, de san-
taux, de poudres de pierres précieu-
ses, poudres de diarrhodon abbatis,
& de corail rouge vne dragme de
chacune, de poudre aromatique ro-
sat demie dragme, six feuilles d'or:
mellés les ensemble dedans vn a-
lambic de verre, avec les chairs du
chapon & de la perdrix, en deffaut
de l'alambic; prenés vn autre pot;
qui ne soit point plombé: car cestui-
ci est dommageable. Ainsi ferés v-
ne distillatiō suiuant l'art, de laquel

le vsera par interualle, à discretion, aromatisés la avec vn peu de canelle, y adioustât ce qui sera de besoing de succe rosat, ainsi formerés vn caue qui seruira & de médicament, & de nourriture pour remettre les forces.



Du Hocquet en la Dysenterie.

Chapitre XII.



Ippocrate en la sixiesme sectiō, aphorisme trente-neufiēme es crit, que la conuulsion se faict par replectiō ou inanition, de

mesme le Hocquet, ou il à omis la tierce

Traicté de la Dysenterie.

tierce espee de conuulsion, qui se faict par le consentement du ventricule, & du cerueau: ou par ce qu'elle est cogneue: ou qu'aïsement elle peut se ramener à ces deux. Car Gallien il à rengé sous l'inanition celle qui se faict par l'heleborisme, ce q'ie ne veux nier és lógues dysenteres. Mais par ce que quelquefois elle se faict par la bile erugineuse, qui touche la bouche du ventricule. Quant à moy ie l'ayme mieux rapporter, à la repletion, parce-qu'en si peu de temps, à grãd peine se peut faire telle euacuation de l'humeur substantifique, n'y tel defaillement des nerfs.

L'adiouste encores ceci, qu'on peut rapporter ceçy assés souuent, à vne mauuaise qualité, laquelle est tousiours compaignie de ces siebures pestilentiellles & populaires: mais principalement de ceste çy, partie à raison de l'air corrompu, qu'on respire, lequel corromp &

Variété
des cau-
ses du
Hocquet
& cōul-
sion.

les esprits, & les humeurs : partie à cause de la maligne pourriture, engendrée des humeurs, qui sont cachés dedans le corps.

Quant aux conuulsions dont est question, il y a vn mouuement moien entre la conuulsion, & vomit : plus moderé en la conuulsion : plus violent au vomit.

Si quelcun le veut appeller avec Hippocrates conuulsion, ie ne l'empescheray, & y a peu d'interest, parce qu'elle est la conuulsion aux muscles, tel est le hocquet à l'estomach.

Le Hocquet different de la conuulsion.

La conuulsion est vne reduction des muscles, vers leur propre origine outre nostre volonté.


Le vomit est vn mouuement de la faculté expultrice, du vëtricule, qui s'efforce de chasser hors seulement les choses contenues, en la capacité du ventricule. Mais au hocquet s'euertue de mettre hors ce qui est fixe au corps d'iceluy.

Et

Traicté de la Dysenterie.

Et d'autant que ce mouuement est plus fort que celuy du vomit, ces choses seules se rendent, lesquelles se sont auallées auec difficulté de la bouche du ventricule.

Et à fin qu'on cognoisse ce que le Hocquet demonstre, nous tenons propos de celuy qui suit les vuidanges plus remarquables, soit du sang soit de quelque autre humeur. Suyuant quoy Hippocrates dit, que la conuulsion, ou hocquet qui se faict apres la purgation sont dangereux: de mesme ceux qui aduiennent apres que beaucoup de sang cesera escoulé;



Du Syncopé en la Dysenterie.

Chapitre. X III.



Ly à deux causes de syncope en la dysen Deux cau
 tere, l'vne la trop ses.
 grande & excessiue
 euacuatiō, nō seule-
 mēt de la substāce spiritueuse, mais
 ausi de la solide. La spiritueuse s'ex
 hale, à cause de la violāce & rigueur
 du mal. La solide, ensemble la spiri-
 tueuse pour la trop grāde euacuatiō;
 & d'autant que nature n'est suffi-
 sante, pour supporter ces mutatiōs
 si soudaines, elle plie sous le fais.

L'autre cause, est vne mauuaise
 qualité engendrée d'vne intemperie
 & corruption d'humeurs ou infuse
 & tirée d'ailleurs, qui corromp in-
 continent les esprits, & dissout com-
 me appert en vne constitution pe-
 stilentielle.

Il la faut combattre plustost par
 prises, que par aplications. Il ne faut
 arroser la face d'eau, de vinaigre,
 ou semblables choses; autremēt les
 humeurs

Traicté de la Dysenterie.

humeurs retourneroient au dedás, & la cause de syncope s'augmēteroit. N'y n'est besoing de ligatures, ou de lozeuses frictiós: p ce qu'elles resoudent & dissoudent, ce qui reste des esprits. D'ou vient que le cueur, fontaine & source d'iceux, estant bleisé, ou la mort subite suit la syncope, ou elle est si forte, qu'elle ne peut se guerir par aucun moien: ainsi vaut il mieux suivre ce chemin.

Prenés quatre onces de vin odoriferant, deux onces & demie d'eau de fontaine froide, & formés vne potion. Le vin recrée aussi tost les esprits, réforce l'estomach, & l'eau froide reserre le vêtre, p sa froidure, espessit les esprits, les empesche de s'exhaler. Et faict q plus long temps ceste potion est retenue en l'estomach. Outre ces choses icy qui peuvent estre faictes à l'instāt, on ppare aussi d'autres choses, lesquelles resjouissent les forces, & combattent
avec

avec la qualité veneneuse, comme
les suyuanes. Prenés deux scrupu- [Potion
les de margarites luisantes, & mas- cordiale.
siues, de la raclure d'iuoire, de los du
cueur d'un cerf, un scrupule de cha-
cun : de la licorne cinq grains, de
poudre de diamargariton froid, de-
mie dragme, de succer rosat troys
dragmes. Qu'il en prenne vne cuil-
liere, & souuēt avec le syrop de l'a-
greur du citrō vne once, ou avec e-
au de roses & buglose deux onces
de chacun, mellés tout & formés
vn bruuage cordial. Ou prenés la
pierre Gagates, faictes la rougir au
feu, & l'esteignés la dans le vin, puis
baillés à boire ce vin au cardiaques
se releuerōt soudain, estant la sueur
reserrée, & le poulx emeu: tant grā- Poudre
de est la force de ceste pierre. Prenés cordiale.
de la racine de tormentille, escorce
de citrō, vne dragme de chacune, de
margarites cleres & massiues, de
l'hematite, semence de citron,

Semence

Traicté de la Dysenterie.

Semence de lys blanc d'eau, de vinette, de fleurs de bourrache, deux scrupules de chacune: de la limature d'or, fragments de smaragde, d'hiascinthe, de saphir vn scrupule de chacun: de sautaux demie dragme, de sucre rosat autant que de tous. Formés vne poudre de laquelle il prenne demye cuillier, avec vin odoriférant. Que s'il y a quelque inflammation des entrailles, ou parties laquelle aye amené ceste syncope, il faut laisser le vin, & prendre eau de roses, de vinette, de plantain vne once de chacun, de syrop de l'aigreur du citron, ou de la conserve de myrabalans, vne once: formés vne potion cordiale. Puis qu'ils soyent en apres peu à peu nourris de l'eau sus mentionnée, & autres choses propres.

Il y a d'autres potions cordiales, fort vigoreuses, comme celles qui se font de la confection d'Alchermes: desquelles

Potion
cordiale

desquelles nous ne nous seruons,
craignans que le lazul, qui en-
tre en icelles, ne laschent d'auantai-
ge, & augmentent le flux.

Prenés de la conferue de roses viel-
les, de chairs de mirobolans confits
de chacune deux vnces & demie, de
chairs de coings & meffles, vne on-
ce & demie de chacune : de poudre
de corail rouge vne dragme, de su-
cre rosat tant qu'est de besoing avec
syrop de coings, formés vne paste
couuerte d'or, de laquelle il prenne
souuent, & deux heures auant le re-
pas, l'espeſſeur d'vne chaſtaigne.

Paste as-
tringēte.



*Les remedes plus forts &
vertueux.*

Chapitre XIII.

N

Traicté de la Dysenterie.



VSQVES icy nous auons legerement combatu, contre la dysenterie: reste de mettre en main les armes qui ont plus de force, à l'abbatre, ou l'estreignant plus vifurement, ou empeschant le flux, ou diuertissant ailleurs la matiere.

Premierement il n'y a rien plus vtile que diuertir les humeurs, & les rappeler de leur centre, pour les enuoier en la circonférence: ce que feront mieus querien qui soit la Salseparille, & chardon benit.

Cecy faict la Salseparille sans aucune chaleur manifeste, ou euidente, & sans acrimonie, tirant les humeurs des entrailles, en la superficie, les chassant avec sueur, allégeant l'estomach, reserrant le ventre, comme i'ay quelquefois éprouué, au grand bien des malades.

Le chardon beneit est presque de mesme vertu, combien qu'ils sont esloignés

éloignés de qualité. Par ce que le chardon est vn peu plus amer & plus chaut.

Mais considéré que ceste pernicieuse affliction, semble rapporter vn seminaire de peste, & qu'elle mesme est souuent peste, il n'y a chose qui soit plus rigoureuse, n'y plus propre, que le chardon benit, pour obuier à c'est inconuenient.

Il fera donc loisible d'vser de ceste potion, tant pour rembarrer ceste mauuaise qualité, que pour tirer hors les humeurs, qui sont cachés au dedās, laquelle sera merueilleusement profitable au malade. Prenés 9. liures d'eau de fontaine, en laquelle vo⁹ mettrés tout vn iour naturel en infusio six onces de falseparille, & 2. onces des santas broiés. Puis la faictes cōsumer iusques à ce qu'il ne reste que 3. liures.

Quand la decoction sera faicte à moitié, adioustés y vne poignée

Traicté de la Dysenterie
de chardon benyt, & vne once de
sa semence: Puis coulés la & aroma-
tisés avec vn peu de poudre des fan-
taus, & en reserués pour l'vsaige.
Il prenne de ceste decoction sur le
point du iour vne fois, ou deux si ses
forces le permettét, iusques à la qua-
tité de six onces. Il soit couuert, &
qu'il sue.

Que si la necessité le contraignoit
de se presenter à selle, qu'il ne sorte
point du lit pour cela, cōtinuant ain-
si deux ou troys iours: les obstru-
ctions seront ostées, & les flux des
humeurs diuertis.

Si la Dysenterie est pestilentielle,
& est la mesme peste, on luy peut
donner de deux en deux iours ceste
potion.

Prenés de la Theriaque d'andro-
mach recente vne dragme, de la raci-
ne de tormentille & du boliarm. de
chacune demie dragme, conserue
de rose vieille, vne once de sucre
rosat

rosat tant que faudra, formés vn bolus pour le prendre deux heures auant le repas, en deffaut de Theriaque freische, adioustés y deus grains d'opion pour vne dragme. Ou bien de ceste sorte.

Prenés de la Theriaque d'andromache fraische, vne dragme: & de la racine de bistorte & de bollarmeni, de chacun demie dragme, de margarites luyfantes solides, mises en poudre, de chacun vn scrupule, du syrop du suc de citron vne once, de l'eau d'endiue, de chardon beneit, & de roses, de chacune vne once, faictes vne potion que vous prendrés sur le point du iour, long temps auant le repas. Maintenant poursuyuant les choses qui reserront plus viuement, ie commenceray aux clystères, qui nettoient & lauent, & qui doibuent tousiours preceder, comme si l'affection est aux intestins superieurs, soit le clystere tel.

Traicté de la Dysenterie.

Prenés vne liure & demie de decoctiō, ou de relaiēt, destrempés y de miel rosat & sucre, de chacun vne once & demie, deux iaunes dœufz, formés vn clystere, & le baillés auāt le souper: Le iour suyuant prenés ceste potion. Prenés vne dragme de Rhubarbe, vne demie dragme d'escorces de myrabolans iaunes, mettés les en infusion sur les cendres chaudes toute vne nuit, en eaue de roses: puis exprimés les diligēment.

Prenés la lye de ceste expression, destrempés la en troys onces d'eaue de plantain, adioustant vne demie dragme de boliarmeni préparé, de syrop de roses, seiches & suc de coings de chacun cinq dragmes. Faiētes la potion, laquelle il prédra au point du iour troys heures auant le repas. Ceste potion est meilleure que celle qui se fait avec le Rhubarbe bruslé, astraint dauantaige, & sans acrimonie.

De ceste potion il faut de rechef
lauer les intestins avec ce clystere.

Prenés 2. poignées d'orge entier,
de som, de fleurs de roses, de chacun
vne poignée, de semence de corian-
dre troys dragmes. Faiçtes vne deco-
ction en eaue ferrée, iusques à ce
que l'orge esclatte, retenant l'eau à
vne liure & demie, destrempés y
deux onces de miel rosat, vne once
de succe rouge, deux iaunes d'œufs
faictes vn clystere & le baillés à sept
heures du matin. Autre clystere
pour prendre auant le souper.

Prenés de tout le bouillon blanc,
ou noir, plantain, queue de cheual,
de l'herbe portant fraises, de chacu-
ne vne poignée, des noix de galles,
des fleurs de grenadiers, descorces
de grenades, cupules d'esglants de
chacun vne once: apres estre pilées
faictes en vne decoction, en eaue
ferrée, selon l'art. Destrempés de-
dans vne liure de ceste eaue, troys

Traicté de la Dyfenterie.

onces du suc de plantain, vne & demie de fuy des reins d'une cheure, faictes vn clystere, & qu'il se baille auant souper, le retenant le plus que faire se pourra. Car il a force d'encharner, & restraindre le flux.

Ores Dioscoride vse de la presure d'un lieure avec du vin, pour arrester le flux de sang en la Dyfenterie: toutefois toute presure est mordicante, & chaude, & pour ce auant que de s'en seruir: il faut voir s'il se peut faire iustement, Rasis vse de la poudre de cristal pour syster ce flux, & s'il ne cesse il faut vsurper tât les choses qui sont appliquées, comme celles qui sont prises. Quant à celles qui s'appliquent, il faut mesler avec les viandes des poudres, qui sont descriptes au chapitre contenant le moyé de viure, de maniere susdicte. Prenés d'escorces de grenades, de noix de galles, de noix de çypres de balaustes, cupules desglants, de chacú vne

once

once & demie de fleurs de roses, mē
the seiche, sāg de dragō, boliarmeni
de chacun vne once. de semence de
plantain, d'aigrette, rhois, & pour-
pier de chacune trois dragmes. Estāt
bien seiches ou brullées. Car peu-
chaut des choses appliquées au de-
hors soit seiches ou brullées. Faiçtes
vne poudre fort subtile, & en semés
toute la region du ventre, avec huil-
le de coings, myrtilles, & de mastih:
car les poudres desseicheront d'a-
uantaige, & penetreront plus auant,
que les vnguants & emplastres. Ou
prenés lesdictes poudres avec la glai-
re d'un œuf, y adioustant vn peu
d'huile rosat, & vinaigre. Faiçtes
vn cataplasme avec d'estoupes de
chanure, lequel vous appliquerez
sur tout le ventre, il reserrera plus
fort, quand il sera d'auātaige dessei-
ché. Rasis dit qu'un rustique appli-
que plusieurs ventouses, sur toute la
capacité du ventre, en vn flux de
durée

Traicté de la Dysenterie.
durée, & ayât les intestins exulcerés,
lequel fut entierement rendu sain.

*Des medecaments appaisans
la douleur.*

Chapitre XV.



LE S douleurs
sont tresgrieues,
quand vne ma-
tiere venimeuse
caue non seule-
ment la partie
affectée par sa maligne & mordican-
te qualité, mais aussi ronge peu à
peu les parties circunuoisines, ce
qu'on recognoit, aisement par la
rigueur de la douleur & cōtinuelle
tormente. Suruiennent aussi dou-
leurs quand la cholere æruginose tō-
be sur les parties exulcerées, & sont
si rigoreuses, qu'elles contraignent
le medecin se deuoyer du bon che-

min de curer, estant les forces du patient abbatues entieremēt. Et par ce ilz les faut appaiser par breuuai- ges, ou applications en ceste sorte.

Prenés de tout la Guimaue, des feuilles de la mauue de chacun vne poignée & demie, de fleurs de camo- Clysteres
mille, melilot, & roses, de chacune pour ap-
vne poignée, de semēce de senugree paifer la
& de lin de chacune vne once, de douleur.
semence de coriandre troys drag-
mes: faićtes vne decoction en eue
de pluye, selon l'art. Prenés vne li-
ure de la pāsée, adioustés y quatre
onces & demie d'huilles de roses,
de mucilaige tragagant extraitte en
eau de plantain, deux onces: deux
jaunes d'œufs, deux onces de sucre
rouge: faićtes vn clystere lenitif.

De rechef prenés ce qui est exprimé
de la decoction, & les fermant de-
dans vn sachet, faićtes fomentation
pour la partie dolente, seló l'art, &
p ce moyē la douleur s'appaisera, ou
bien en ceste sorte.

Traicté de la Dysenterie.

Prenés vne poignée de roses rouges, faictes la decoction en lait de cheure, tiré de frays: prenés en vne liure & demie, & faictes vn clystere, que vous retiédres vn long téps, ainssi vous adouçirés la douleur, les vlceres se nettoyeront, & renforceront, & la malice des humeurs se rabatra, & les intestins se corroborent, les gresses qu'on met dedans les clysteres, & mesmes auallées avec potaiges appaisent bien la douleur, mais ne guerissent pas.

Potion ap-
paissant
douleur.

Prenés de la ratissure de corne de cerf, bien desseichée & puluerisée vn scrupule ou demie dragme, avec lait de cheure ferré, auquel vous esteindrés la pierre gagatés allumée: faictes vne potion anodyne. Aucuns baillent vn clystere faict seulement d'uille rosat tiede, iusques à vne liure, ou en ceste sorte.

Autre cly-
stere.

Prenés de l'huile rosat six onces, & troys d'huilles d'amendes dou-
ces

ces, quatre de suc de pourcelaine, ad
iousté y deux iaunes d'œufs, faiçtes
vn clystere, & le baillés à heure cō-
mode: il rabbat les grâdes ardeurs. Cataplas-
Prenés de la mye d'un pain tresblâc més con-
iusques à dix onces, vne once de fortans
fleurs camomilles poudroyées, & & astring-
les faiçtes boullir en laiçt d'ouaille, gens.
vn peu apres adioustés y troys ia-
unes d'œufs, deux scrupules de safrâ,
faiçtes vn cataplasme, & l'appliqués
sur la partie dolente.

La douleur estant apaisée, il faut
reprendre les choses qui estraignent
& renforcent, apres auoir baillé ce
clystere, pour nettoyer les vlcères.

Prenés vne liure & demie de re-
laiçt, deux onces de sucre rouge,
deux iaunes d'œufs, & soit baillé à Cataplas-
heure commode, il appaise les dou- me.
leurs, & nettoye les vlcères.

Prenés des coings fort cuits, avec
poudres de rhois & escorces de gre-
nade, faiçtes vn cataplasme: appli-
qués

Traicté de la Dyſenterie.

qués le ſur le vêtre inferieur, ou pre-
nés de l'emplastre de Diaphœnicū
& l'appliqués ſemblablement.

Autre. Prenés de roſes rouges, menthe
ſeiche, prunes vertes ſauuaiges, de
chacune vne poignée, de balauſ-
tes cupules, glands, eſcorces de gre-
nade, noix de galles, noix de cypres
de chacun fix dragmes, de ſemence
de plâtain, myrtilles, aigrette, rhois
de chacū 3. dragmes, de boliarmeni,
ſang de dragō, de chacū vne once,
foyēt tous biē roſtis, mis en poudre,
& boillēt quelque peu en de tresbō
vinaigre.

Autre. Puis prenés de miete de pain,
ſoit roſti ſur les charbons, comme
il ſera bruſlé, ſoit mis dedans du vi-
naigre chaud: iuſques à tant qu'il
ſoit moite: chaud en telle ſortē ſoit
appliqué ſur le vêtre inferieur: puis
prenés l'autre partie du pain & pre-
parée en la meſme ſorte appliqués
la de l'autre part, en la partie derrie-
re. Ou prenés du pain eſmié bien

rofty, trempé en la mesme decoctiō
& pilé avec les mesmes poudres.

Faiçtes deux cataplasmes qui s'ap-
pliquent de mesme façō que le pain
& aux mesmes pties si on à defaut
de vinaigre on peut se seruir de vin.

Autre.

Prenés des poyres sauuaiges, &
prunes non encor meures, de chacū
vne demie liure, cuisesles en tres-
fort vinaigre ou vin claret, puis les
palsés par vne estamine, meslés en
ce qui sera coulé des miettes de gros
pain vne liure & demie: des feuilles
de menthe, absynthe, desseichées &
bien fort puluerisées de chacun vne
demie once, de mastih & corail de
chacū vne once, de tous les tantaus
& escorces de grenade, de chacune
six dragmes, d'huile de coings, & ro-
sat, de chacune troys onces, meslés
les & faiçtes vn cataplasme & l'ap-
pliqués ainsi qu'a esté dit. Vagüets.

Après que la matiere sera euacuée,
& le flux arresté, comme il sera ay-
sé de cognoistre, par les excremēts.


Traicté de la Dysenterie.

Il faut venir à ce qui est fait, sçavoir est la consolidatiō de l'ulcere, & à le nettoyer en ceste sorte.

Prenés des noix de galles, escorces de grenade, balauſtes, myrtils, de la racine de bistorte, menthe ſeiche, Rhois, ſemence de plantain, de chacun demie once, de l'eſponge de bedegar, & boliarmeni, de chacū troys dragmes, autant de cyre qu'il ſera de beſoing, d'hypochiſte & ladan, de chacun demie once trèsbien deſſeichés & mis en poudre, avec huilles de maſtic, coings, myrtils, de chacun deux onces & demie: adiouſtés y quelque ſil de vinaigre, pour penter, faiſtes vn vnguēt, & oignés en la region baſſe, du ventre, ſemblablement la partie derriere, qui eſt viſ à viſ. Prenés de l'huile de coings de lentisques, myrtils, nenuphar, de chacune troys onces, de ſuc de la bourſe des bergers, de plantain, de la ioubarde, de chacune vn once: faiſtes

Aultre.

la decoctiō iusques à ce que les suc
soient consumés, adioustés y des se
mences puluerisées de myrtils, rhois
boliarmeni, de corail rouge, & ceru
se de chacuu deux dragmes ; autant
de cire qu'il faut , de vinaigre rosat
vne once faictes vn vnguent, & en
oignés l'inferieure regiō du ventre,
long temps apres le repas , l'vn
guent commitisse de Galien , peut
estre mis en vsaige.



*Des deux dernieres sortes de re
medes dediés à la cause con
iointe et à la maladie
scauoir est l'Vlcere.*

Chapitre XVI.



Nous auons plus qu'assés
discouru de la Premiere &
Seconde intention, ie pour
suiuray , maintenant la
tierce, & la quarte , quoy que i'en
aye desia touché quelque mot. Or
les vlceres des intestins, comme des
autres parties, ou ils ont esté netto-
yés, requierent d'estre repris & fer-
més par medicaméts, qui ayét force
de restreindre doucement, & incar-
ner: lesquels pour la similitude qu'ils
ont avec ceux qui nettoient , sem-
blent estre mesmes.

Il ne different que pour la rai-
son de plus ou moins: car induisant
la generation de la chair , ils ont
quelque puissance de nettoyer sans
morsure , avec quelque siccité: a
fin que le plus espés soit nettoyé,
& que le cler & aqueus soit des-
seiché.

seiché. Ceux qui ont faculté de nettoyer, nettoient mieux, & ceux ont plus de force, que les sarcotiques, qui referment les vlcères.

Car ils desseichent, & ont quelque vigueur de restraindre, quant ils espessissent la chair, & endurecissent comme vn durillon.

Ores Les Medecins rapportants ces deux debuoirs aux deux intentions sus mentionnées, s'en acquittent tellement.

Premierement il faut estre fort soigneux à nettoyer, pour cause du site de la partie trauaillée, par ce qu'il faut emonder non seulement les ordures, qui sont attachées à la partie blefsée, mais celles aussi qui sont engendrées aux autres parties: desquelles sont ramassées & amoncélées, par vn perpetuel flux des humeurs, & avec tel Artifice, & industrie, que par vn mesme moyé:

Traicté de la Dysenterie.

Nous effaçions ce qui est fixe en la partie affectée, & ce qui s'escoule d'ailleurs. En quoy il faut soigneusement aduiser, qu'elles sont les causes, & combien il en y a: scauoir est si la cause telle qu'elle puisse estre, est encores en la fluxion, ou non: mais que desia la fluxion soit arrestée. Que si encores la fluxion dure, si c'est d'une veine rompue, ouuerte ou rongée: ou si c'est d'une repletiō de tout le corps, ou biē de quelque partie seulement: laquelle enuoye sur les intestins ceste trespoignante & tresforte matiere: ou si c'est des autres causes, qui ont esté expliquées de nous, ou des autres, lesquelles nous auons demonstré suffisamment.

Ores les causes de l'ulcere venimeux, & corrosif: duquel il faut que premierement nous parlions: sont les humeurs bilieus acres, & mordicans qui ont conçu une mauuaise qualité se pourrissants. Les causes de l'ulcere infect, & boueux, sont

humeurs sanguins, espés, mauuais & bouillants: de chaleur & pourriture d'iceux s'engédre fort souuēt ceste qualité empoisonnée, laquelle forme les antrax. La cause de l'vlcere sinieus git du tout en vn pus seigneus, delaisée tant des playes, que des tumeurs outre nature; qui sont negligément pensées; ce pus amassé & fixe, passe en vne mauuaise qualité, par laquelle penetrant plus auant, il infecte la chair, de sa pourriture. Voyla en passant les causes des vlcères: reste en apres d'ordonner vne cure generale d'iceux, apres que la fluxion est entierement ostée & empeschée.

Cōment & quand se doit entreprendre la curation de ces vlcères.

Elle se change seulement, ou pour raison du lieu, ou pour raison des diuerses dispositions en iceux vlcères: ou pour l'egard des accidents, qui leurs sont ioints & compliqués. Pour le respect du lieu, comme si les vlcères sōt aux intestins superieurs,

Cōme il faut varier.

Traicté de la Dyſenterie?
moiens, ou inferieurs.

Si és premiers, il faut principale-
ment ſe ſeruir de brũaige, ſi aux
derniers de clyſtere, ſi aux moyens
de tous les deux.

Quant aux diuerſes diſpoſitions
des vlceres, elles giſent au temps, &
ſaiſons, conſiſtent en vne plus gran-
de, ou moindre malice, purité ou im-
purité, & autres qualitez, qui leurs
ſont ioinctes, chaleur, froidure, hu-
midité, ſeicheſſe.

De la nous pouuons entendre,
qu'il ne faut pas preſenter des me-
dicaments à toute heure, & ſans di-
ſcretion de temps; & que ceux là
faillent fort, & meritent d'eſtre re-
pris, qui dès le commencement, ſe
haſtant d'vſer de remedes aſtrin-
gens, ainſi deuons nous pluſtoſt tra-
uailler à emonder, corroborer la
partie, & conſommer l'humidité ſu-
perflue, qui eſt en l'vlcere, & ſi pour
le deffaut de chair, auant la repletio

il n'est possible de ioindre les extrémités, ce qui est le deuoir de nature, & nō de medicamēt, il faut vacquer à vne explication mediocre, suyuant la nature de la partie affectée, commençant par les plus legieres & benignes en ceste forte, si les intestins inferieurs sont outragés.

Prenés les fleurs de roses rouges, vne poignée, trois dragmes de semence de coriandre preparée, deux liures & demie de laiēt de chieures, cuiſés les avec caillous ardents, ou cylindres, plongées dedans eau, vne liure de collature, adioustés y du miel rosat, & sucre rouge, vne once & demie: formés vn clystere, & le baillés le matin, il nettoye, renforce, & consume les superfluités.

Or apres que l'vlcere est purgé & emōdé, il y faut adiouster les choses qui cōsolident, & arrestēt le flux, ce seroit vn grād bien, pour le patiēt.

Traicté de la Dysenterie.

Si ayant rendu ce clystere mundatif, auant que de rechef les vilenies s'es- coulassent sus l'vlcere, il permettoit qu'on luy en baille vne autre, pour roborer la partie, & faire reprendre la playe, moyennant que ses forces fussent suffisantes : sinon qu'auât le repas le premier clystere luy soit baillé, & auant souper vne autre en ceste forme. Prenés de la racine de Symphite, iusques à quatre onces, de racine de bistorte, vne once des feuilles de plâtain, de bouillon tout entier, sanguinaire, bourse de pasteur & fraissier, de chacun vne poignée, de la chair de coings; encores crus, 2. onces: de fleurs de roses vne poignée, demie once de coriandre preparée: vne poignée d'orge modé faictes vne decoction en eue fer- rée, destrempés en vne liure d icelle, troys onces de suc de la bourse de pasteur, & vne once & demie de suif de chieure, faictes vn clystere qui se baillera Soudain que le clyst

tete mondatif sera rendu, si le malade le peut porter, sinon auant souper. De mesme sorte il faut prendre par la bouche les medicaments, qui emondent & reserrent si le mal est aux intestins superieurs: en ceste facon . Prenés six onces de laiçt de chieure, adioustés y vne once de sucre tresblanc, faiçtes vne potion pour la prendre sur le point du iour, ou de ceste sorte, si la fiebure empesche. Prenés cinq onces, de ptisane, vne once de sucre tresblanc, faiçtes vne potion mondatifue, apres vne heure vous presenterés le bolus qui s'enfuit, ou l'eleçuaire.

Potion.

Prenés de la conserue de symphite maieur, iusques à deux onces & demie, de la chair de coings masses, conserue vieille de roses & de melfles, de chacune demie once, de pou dre de Rhois, & descorces de grenades preparées, comme à esté dit, au chap. du moyen de viure, de chacú dragme

Traicté de la Dysenterie.

Paste.

dragme & demie, de poudres de corail rouge, & de la moienne, escorce de chastaigne, de la gomme arabique, & bistorte, de chacun deux scrupules: autât qu'il est besoing, avec syrop de menthe ou de coings ferés vne paste, de laquelle il en prendra environ deux onces, vn peu apres la potion sus mentionnée, ou de ceste electuaire.

Electuaire.

Prenés de la terre signée, & de Rhois vne dragme corail rouge, racine de tormentille, semence de plâtain, roses rouges, gomme de tragagant, de chacun demie dragme, estant tous puluerisés avec suffisante quantité de succe rosat, & destrempés en eaue de menthe, plantain: faictes vn electuaire en tablettes du pois de deux dragmes, & demye: duquel il prenne vne tablette, apres la prise de la ptisane, & ainsi faut continuer, vsants tantost d'vn, tantost d'vn autre: comme ils sembleront

bleront plus propres & agreables.

S'il est besoing de plus grande emondation, ou astrictiõ, il faut verser de ce moyen.

Prenés demie liure d'orge entier, de lupins, & de fleurs de roses, & de sommacre, enuelopé en vn drapeau de chacune vne poignée, troys dragmes de semences de coriandre, faictes vne decoction en eau ferree, iusques à ce que l'orge esclatte en vne liure & demie, destrempés y vne once de tormentine bien lauée, en eau d'orge, de sucre tresblanc deux onces & demie, deux iaunes d'œufz, faictes vn clystere, & le bailés au point du iour.

Prenés de balaustes, d'escorces de grenades, noix de galles, noix de cypres, de ris, cupules d'esglâds, de rhois, de chacū deux onces, de semence, de plantain, d'aigrette, pourpier, coriandre, blanc d'eau, de chacune demie once: de rose rouge vne poignée.

Clystere
astringēt.

Ces

Traicté de la Dysenterie.

Ces choses bien desseichées soient mises en poudre, & bien cuittes en eaue ferrée, de la quantité d'une liure, destrempés y du suc de plantain iusques à quatre onces, & once & demie de suif de bouc, de boliarmeni bien puluerisé, & d'unguant blanc rhasis, de chacun demie once, faites un clystere pour bailler soudain que l'autre sera réduit, au moins avant souper le retenant longuement, à fin qu'il opere mieux, & parce que la dysenterie est quelquefois accompagnée de ventosités, il les faut rompre par ce moyen.

Prenés deux poignées d'orge entier, de guimaue & menthe, de chacun une poignée, de noix de cyprés, semence de coriandre, de chacun 3. dragmes, deux dragmes de semence d'anis, de fleurs de melilot, & de camomille d'anet & iunc odoriferant, de chacun une poignée: formés une decoction en eaue ferrée seló l'art.

Prenés

Prenés de ce qui sera coulé vne li-
ure & demie, destrempés deus onces
de sucre rouge, faiçtes vn clystere,
baillés le à heure propre.

Il faut noter, que les fleurs de ca-
mômilles, & melilot n'entrêt point
aux clysteres, qui sont pour ceste
maladie, sinon que le medecin deli-
bere, d'appaiser la douleur, ou rom-
pre les vëtosités, ainsi qu'en ce lieu.

Si l'inconuenient est aux gros in-
testins, & qu'il vienne d'une pituite
visqueuse, les clysteres peuvent es-
tre plus forts pour nettoyer, mais
moindres en quâtité, en ceste sorte.

Prenés de la racine de la gentia-
ne, de lupins, vne once & demie, de
chacun; les testes doleastre, absyn-
the, fleurs de fiel de terre, roses rou-
ges, de som vne poignée de chacun:
faiçtes vne decoctiõ en eae ferrée,
iusques à la troisieme ptie, en vne
liure d'eae coulée, destrempés y de
l'ynquant ægyptiacum, de miel ro-
fat

Traicté de la Dysenterie.

fat & sucre tresblanc vne once & demie, faiçtes vn clystere, qui soit baillé à heure commode. Vous y pouués adiouster de la tormentine. Encôres les clysteres se peuuent renforcer de saulmure, lexiue, vrine & plusieurs autres choses semblables, & plus fortes, si leur semble bon.

De la cure de la Dysenterie pituiteuse.

Chapitre XVII.

Trois lieux esquelz la pituite s'amasse.



NOVS auons remonstré comme la bile produit la dysenterie, & les rigoureuses trenchées des intestins. Suit la pituite de laquelle il y à grand amas en la teste, ventricule & intestins. Ce sôt les troys lieux ou elle à coustume de s'amasser, & à fin que ie poursuiue mô entreprise, elle s'augmente en l'hiuer austral, pluuiex

pluieux, n'y chaud n'y froid: laquelle suruenant le printemps sec, & aquilonien, apres que la teste est remplie par l'hiuer bening, & refroidie tout incontinant sur la premiere, elle tombe sur le ventre: car le cerueau engendre aisement les excrements pituiteus, quand il est refroidi, & n'a la force de surmonter la nourriture: ainsi forme la dysenterie. Car les corps males en tel estat duciel, rédus rares, recoipuët facilement le froid qui vient inopinement, de l'air enuironnant vers le printemps, iusques au parties intimes. Que si le froid à plus de rigueur, outre la generatiō de la pituite, elle deuiet sallée, laquelle tombant des capacités de cerueau, ou de celles qui sont sur le test, elle forme plusieurs & diuerses maladies, se ruant sur l'origine & cōmācemēt des nerfs, produit vne apoplexie, paralysie, stupeur & tremblement.

Les maladies qui viennent, de defluxion.

Sur

Traicté de la Dysenterie.

Sur les organes des sens, vne cecité, inflammation d'ieux, sourdesse, tintement, pesanteur, sur l'artere aspre, vne raucité, & toux: sur les paulmons, vn asme pthysé & disnée.

Sur la bouche & langue, vne exulceration de tous deux: sur les nerfs de la machoire, vne douleur de dets & genciues: sur le ventre & intestins vne lienterie, diarrhée, dysenterie, esmotion de ventre, & crudité, & sur les iointures extremes douleurs.

Laquelle pituite outre ce qu'elle est aigre, à ceste occasion penetre, ouure, coupe, romp, racle, atténue, nettoye, rabboie, esteint la chaleur, lesquels actions sont propres à ceste aigreur, & estants produites en ceste sorte par son aigreur, & acrimonie, forme la dysenterie. Le cerueau estant exprimé, ainsi comme d'une main, par le froid suruenant, en la forme d'une esponge.

Et tout ainsi qu'elle est enaigrie
par

par la rigueur du froid, ainsi est elle salée par la chaleur en deux façons, premierement par la mixtion de la bile, secondement par la pourriture de la pituite douce, de laquelle vne partie se brusle en pourrissant, & le reste meslé avec sa douce substance cause vne saleure non autrement que les exhalations brusleées, qui perpetuellement tombent en la mer.

Elle se pourrit principalement aux corps humides, comme môstre Hippocrate, lors que la moiteur de l'air ambient empesche que les humeurs qui sont superflus, ne se desseichent, augmente la faculté qui induit putrefaction, & haste la corruption.

Ainsi voyons nous auenir cōme aus constitutions chaudes, & humides, les corps humides sont plus graues, comme les enfans & femmes plus delicates, qui tombent aisemēt en vne fiebure pituiteuse, esmeue de

Traicté de la Dysenterie.

la pourriture, qui se loge en leurs corps. Que si c'est humeur se roule par les destroits, & obliquités des intestins, & qu'il s'escoule, cause de tresgrandes trenchées, par ce que ceste qualité sallée romp, nettoye, poingt, desseiche, purge & exulcere en raclant, & en s'ecoulant s'attache, à cause de son espaisseur. A raison de quoy ceste affection des intestins, est plus dangereuse, que celle que la bile produit : d'autant que le cours de la bile est soudain, & bié tost acheué.

Au reste si les excrements du ventre sont ecumeus, c'est vne marque tresassurée, que la pituite est motiue de la dysenterie, & qu'elle chet de la teste, comme remarque Hippocrate en la septième section Aph. 30. Car par l'air, flatueus, elle se meu bien fort & inegalemēt, lors qu'il se mesle avec l'humeur, tellement qu'il s'amoindrit & atténue, brisant la pituite

te

te, & dissipant en vne infinité de parties, en partie sa propre nature, & en partie l'abondance de sa chaleur, est cause de son mouvement. Comme Galien mesme tefmôigné ainsi qu'on peut voir es choses qui se cuisent avec eaue, principalement si de soy sont visqueuses, & lentes, & on voit aussi que la Mer ecume, alors qu'elle est troublée & battue d'oraiges.

Ores le corps remply de semblables humeurs, & empesché de ses obstructions, il faut premiere-ment rabbatre la cause antecedente, par medicaments benigns, & qui purgent doucement, qui ostent les obstructions, & emeuuent les v-
rines, & d'autant que l'agaric à toutes ses facultés.

Et puis que ce medicament est appelé de Democrite, familier & domestique, nous en vserons en ceste sorte.

Traicté de la Dysenterie.

Prenés de la racine de dent de chien, d'aigrette, d'asperge, de chacune demye once, de l'adiant blanc & de toute la cichorée, de chacune demie poignée, de raisins de corinthe, & de damas entiers troys dragmes, de semences d'anis, melons, fleurs de buglose & cichorée, de chacun vne dragme, de bon agaric enuelopé d'as vn drapeau, vne dragme de calamus: odorant sept grains faictes vne decoctiō iusques à vne dose en laquelle vo9 mettrés en infusiō vne dragme & demie de rhabarbe, vn demi scrupule de canelle, pressurés les diligēment, 7. heures a pres, destrempés en l'expressiō de syrop rosat solutif, & en miel rosat, de chacun six dragmes: faictés vne potion que prendrés ainsi que lart le requiert: ou de ceste sorte, avec myrabolás, quand on ne se doute d'aucune obstruction.

Prenés de la racine d'asperge, de dent de chien, demie once de chacu

ne, raisins de damas entiers, deux dragmes: de semences d'anis, & d'escariole, & fleurs de cichorées vne dragme de chacune: faiçtes vne decoction pour vne dose: mettés y en infusion vne dragme de rhabarbe, huit grains decanelle, d'agaric beau infus en miel rosat demie dragme, de calamus aromatisé 4. grains, escorces de myrobalans embliques, frottés en huile d'amandes douces, vne dragme & demie: pressurés le tout legierement, sept heures apres destrempés en l'expression du syrop d'endiue & capillaires de chacú six dragmes, faiçtes vne potion. Il en y a qui en vsent en vne decoction, ou au relaiçt infus: mais il est contraire à l'estomac, & torment le corps. Il ne faut pas toutefois l'imprimer si tu y adioustes de l'anis, galanga ou mastich, à fin qu'il ne nuise à l'estomach, ou tu deliberes de restreindre bien fort, & peu euacuer, nous

Traicté de la Dysenterie.

ferons vne cōposition autre que la precedēte. Prenés vn scrupule d'aggaric infus en la decoctiō d'orge, & de raisins de corinthe, 3. grains de calamus odorant, d'escorces de myrobalans embliques preparés, vne dragme: de rhabarbe choisi, deus scrupules: reduisés les en poudre avec la decoction susdictē, autant qu'il en faudra: y adioustant du syrop d'endiue vne once, formés vne potiō que vous prēdrés sur le point du iour, selō l'art. Il purge & renforce s'il est besoing de restreindre d'auantaige, en telle forte.

Prenés d'escorces de myrobalans embliques, preparés avec huile rosat, vne dragme: de Rhabarbe, demie dragme, les ayant puluerisés, mettés les en infusion toute vne nuit en eau' de roses sur les cendres chaudes: puis estreignés les fort. Prenés la lie & la destrempés en 3. onces d'eau' de plantain: prenés du syrop de coings, & de roses seiches

de chacun demie once, de poudre de corail rouge, & de boliarmeni préparé de chacun vn scrupule : faites vne potion pour prendre sur le point du iour deux heures auant le repas. Que si la pituite plus espesse & visqueuse, s'attache aux parois des gros intestins, qui n'est pas bien balliée de la bile, comme elle demeure fixe vn plus long temps, elle se pourrit, par l'apport de la chaleur se rend fallé, & lors se faict cause conioincte, qui exulcere icelles pties apres qu'elle à acquis ceste poignante qualité, ainsi avec moindre danger, & mieux pourra estre abbatue avec ce clystere. Prenés 3. poygnées d'orge entier, de blette & absynthe de chacune vne poignée, de lupins vne poignée, faites la decoctiō iusqu'a ce que l'orge s'esclatte dedans vne liure infusés y troys dragmes & demies de d'agaric, puis l'espreignés diligēment, en l'expressiō destrépés y

Traicté de la Dyfenterie :

de miel rosat & sucre de chacun
vne once & demie, faiçtes vn cly-
stere qui se baille à heure commode;
il purge la pituite visqueuse, & en-
semble renforcé les intestins : ou se
face avec le relaiçt de chieure, & d'a-
garic, ainsi qu'a esté dit, puis il faut
ordonner le suyuant.

*hau
eij*
Prenés d'orge entier de roses rou-
ges, de chacun deux poignées de-
mie once de coriandre preparée,
faiçtes vne decoction avec eaue fer-
rée iusques à ce que lorge s'esclatte
en vne liure de decoction; destrem-
pés y deux onces de sucre rou-
ge, deux iaunes d'œufs, faiçtes vn
clystere pour le bailler apres l'autre
au mesme iour; il laue nettoye à rai-
son de l'orge, & iaunes d'œufz: ren-
force à raison des roses & corian-
dre, s'il est besoing de se seruir de
plus forts, ou pour reserrer, ou pour
euacuer, ou pour faire reprendre
la cicatrices par remedes, il faudra

vsr

vser des sus mentionnés , ou de semblable.

Prenés de la racine de symphite, balauſtes, eſcorces de grenades, galles, noix de cypres , pié de roſes, & cupules, de glâds, de' chacú deux onces, des ſemences de rhois, plantain, coriandre préparé, aigrette, pourceline, pepins ou grains de raiſin, de chacun troys dragmes: fleurs de roſes & nymphées vne poignée de chacune: tout eſtant bien deſſeiché, ou puluerisé: ſoient cuits en eau ferrée en dix onces de decoctiõ deſtrempés y du ſuc de plantain quatre onces, du ſuif de bouc, deux onces: d'huile roſat complet vne once & demie, d'vnguent pompholygos vne once, de poudre de boliarmeni préparé, & tresbien deſtrempé vne dragme: faiçtes l'iniectiõ, ſoudain que le clyſtere mundatif, ſera rendu, le retenant ſi long temps, qu'il pourra & ſoit reiteré, s'il eſt de beſoin

Traicté de la Dysenterie.

soing : p ce qu'il à force d'incarn er
& consolider. I'adiousteray par ce
qu'il est quelquefois besoing de cō-
forter & mesmement restraindre ce
formule de clystere duquel i'ay sou-
uent vsé & m'en suis bien treuue.

Prepés du vin rougetant qu'est
de besoing auquel ferés boulli vne
once & demie de noix de galles pi-
lées, vne poignée de roses rouges
le tout bouilly ensemble formés vn
clystere de la colature iusques à vne
liure & demie, & la gardera le plus
qu'il pourra.



*Du moyē de guerir la dysenterie
qui vient de la cholere noire.*



'Autât que les excrémets
noirçis ne sôt tous d'une
mesme sorte, il faut voir
maintenât le nombre des

différences, & combien il y en a : à
fin que nous ne confondions la noi
re cholere, avec les autres, laquelle
est mere de la dysenterie, estant de
ceux d'une faulse espece de cou
leur.

La rate attire l'humeur gros & es
pés, qui est comme la lie du sang, du
quel elle nettoye le sang & le foye,
le conuertissant en sa nourriture.

Puis tout ce qu'elle n'a sceu dom
pter & vaincre comme superflu elle
le decharge sur le ventre, avec les au
tres excréments. Que si la rate n'at
tire asés, & qu'il ne purge le foye
suffisamment: & que pour ceste rai
son le sang cõpris au foye, aye beau
coup de ceste matiere froide & den
se, le foye se rãdra telement debile,
qu'il ne pourra retenir les supfluités

De

Traicté de la Dysenterie.

De la vient qu'on rend les excrements noirs, lesquelz sont semblables à vn sang noir, cōme dit Hippocrate . Je ne dy semblables au sang, qui est naturel: ce seroit folie de le pēser, mais à celuy qui se noircit, quand il demeure longuement aux intestins.

Il ya donc troys fortes d'excrements noirs, le sang noir, qui s'est pourri aux intestins, les excrements melancoliques que le foye ou la rate r'enuoyent aux intestins, & la noire cholere engendrée de l'humour melancolique bruslé.

Lesquelz troys sont distingués en ceste sorte, par ce que le sang noir est glacé & amassé par mōcelets, ce que ne sont les deiections melancoliques, mais respendues & liquides: la noire cholere respendue sans estre figée, est reluisante & apertement noire, mordicante ainsi que vinaigre, rongeante, tellemēt qu'estant

tant esparse sur la terre elle la fait
leuer de son acrimonie. Que si quel
cun appuié sur l'autorité d'Hippo-
crate, lequel iuge estre bon signe,
si on rend le sang noir, veuille de-
batre que ces deiections sont loua-
bles & vtiles, à raison qu'il semble
que ce qui est ennemy de la naturel
le œconomie, soit poussé hors, il
faut prédre ce mot de (utile) qu'il
dit autrement que proprement, ain-
çois avec comparaïson, que ce soit
comme s'il vouloit dire meilleur:
par ce qu'il est moins d'âgereux de
vuider le sang par tel conduit, que
par la bouche ou autre conduit du
corps. Puis il y à long temps que
nous auons appris, que les deiections
noires sont louables, entemps qu'el
les apportent quelque soulaigemēt,
aux maladies melancoliques.

Les propos d'Hippocrates sont
telz en ses epidimies: que les hemor-
rhoides seruent de remede à la me-
lancholie

Traicté de la Dyfenterie.

lancholie ia formée, & d'empesche-
ment à celle qui est à estre, moyen-
nant que le sang ne passe point la
mesure, & qu'il ne s'arreste du tout.
Pour l'egard de la noire cholere,
elle ne nous effraye tant, si elle de-
scend à ceux qui au parauant en es-
toient saisis par la pourriture la rat-
te estant endurcie du suc melancho-
lique, ou si elle est rendue avec les
signes precedents de concoctiõ, les-
quelz promettent vne brieueté de
la iudication & assurance de salut.
Hippocrates enseignent si les cho-
ses qui sont requises se purgent, &c.
autrement telles deiections ne se
peuent appreuuer.

Car si les deux premiers especes
de deiections noires, monstrent vne
griéue tormente des intestins, & ti-
rent la vie en grand danger, que
deuons nous iuger des deiections
de la noire cholere, qui leur contra-
rie en tant de sortes, principalemēt

si au commencement de la maladie, lors que toutes choses sont, plus crues, elles apparoissent par la force de la maladie, non pas de nature, & outre tout loy & raison.

A bon droit doncques Hippocrates dit, q la dysenterie, qui est cômée de la noire cholere, est mortelle, & Galié assure quelle n'est de beaucoup differente, du cancre exulceré.

Les choses estant telles ne nous efforcerons nous de luy prescrire quelque remede. Cecy seroit esloigné de toute humanité, aussi considéré qu'une doubteuse esperance, vaut mieux qu'un certain desespoir: tout le pouuoir de nostre art, tout l'ayde qu'elle peut bailler, n'y sera espergné & l'emploierons liberalement, quoy que nous soyés régés en de tresgrâds distroits. Premieremēt nous osterōs les causes antecedētes, puis nous toucherōs au mal. La cause antecedēte est l'humeur atrebiliens, q veut estre purgé de ceste sorte

Traicté de la Dysenterie.

Prenés de toute la buglose , & des capillaire de mie poignée, de chacune du polipode broyé , troys dragmes : de raisins de damas entiers troys dragmes, de fleurs bourrache d'epithyme & de tamarin de chacú vne dragme, de feuilles de Sene oriental vne dragme & demie, de semences d'anis vne dragme, faiçtes vne decoction pour vne dose, metés y en infusion descorces de myrabolans noirs preparés, vne dragme & demie: de rhabarbe deux scrupules, de canelle cinq grains, pressurés les & en l'expression destrempés y du syrop, de suc de buglose vne once , faiçtes vne potion pour prendre le matin selon l'art.

Autre.

Prenés des feuilles purgées de Sene oriental, & mises en infusion par quelques heures au relaiçt d'une chœur sur les cendres chaudes, dragme & demie, d'epithyme & anis de chacu vne dragme en l'expression

pression destrempés y d'escorces de mirabolás noirs, mis en poudre vne dragme, de Rhabarbe choisi aussi puluerisé deux scrupules, du syrop de fume terre & pommes odoriférantes de chacun six dragmes, faites vne potion pour la prendre comme l'art le requiert.

Prenés du polipode pilé six dragmes, des feuilles de Sené oriétal purgées deux dragmes & demie, de semences d'anis vne dragme, d'escorces de myrabolans noirs deux dragmes, vne poignée de fleurs de bourraches, tout estant puluerisé soit mis dans le vêtre d'un chapon euentré, & le faicte bouillir en eaue de fontaine suyuant l'art. Prenés le potaige, & le présentés à ceux qui sont delicats. Prenés de toute la buglose & bourrache, de chacune demie poignée, de raisins entiers 3. dragmes, demie poignée de fleurs, faites de la decoctiō pour vne dose destrempés

Autre

Traicté de la Dysenterie.

y vne once de catholique, vne once de syrop du suc de buglose, faictes vne potiô pour sur le point du iour, troys heures avant que manger.

L'vsage
des can-
cres.

Il est bon de bailler vne dragme des cendres de cancre de riuieres, bien lauées en eau' d'orge : demie dragme, de poudre de corail rouge avec du laiât d'asnesse, ou en defaut avec celui de cheure, ou potaiges ou en ceste sorte.

Opiate.

Prenés de la conserue de Symphite & Nicotiane, de chacune vne once, de vieille conserue de roses & de nenuphar demie once de chacune, troys dragmes de poudre de la cendre de cancre de riuieres bien lauées en eau' d'orge, vne dragme & demie de corail rouge, de la gomme de tragagant & arabique mise en poudre avec vn pilon chaud, de chacune demie dragme, de sucre rosat & syrop de myrtils de chacun autant qu'est de besoing: faictes vn

Opiate

Opiate duquel il vsera chacun iour sur le matin, iusques à demie once, ou six dragmes, & boyra apres 3. onces d'eau' de bourse de berger, ou de sanguinaire. Prenés des cendres prescrites lauées en mesme forte vne dragme, de succe rosat destrempé en eau' de symphite & plantein vne once & demie de chacune, faiçtes vne electuaire par tablettes du pois de deux dragmes, duquel il prendra chacun iour vne tablette, beuant dessus quatre onces de l'apozeme suyuant. Prenés six dragmes des troys fantauls pilés, de la racine de bistorte, de blanc deau' de chacune demie once, des semences du mesme blac d'eau', plâtain, aigrette, scariolle, pourcelaine 2. dragmes de chacune, de fleurs de cichorée & tamarin, buglosse, bourrache vne poignée de chacunes: faiçtes vne liu. de decoctiō, en laquelle destrempés du syrop rosat de roses seiches, & d'en-

Electuaire.

Apozeme.

Traicté de la Dysenterie.

diue 2. onces & demie de chacū: de
syrop de menthe vne once, mellés le
& le clarifiés, & laromatisés avec de
la poudre de Diamargaritō froid de
corail rouge, & pierres precieuses de
chacune demie dragme selon l'art.

Qu'il en prenne chacun iour sur
l'aube quatre onces soudain qu'il au
repris l'apozeme prescrit, deux heu
res auāt le disner, le malade en peut
ausy vser deux fois le iour, en mes
me façon vne fois le matin, puis
deux heures auant le souper.

Causes
antece-
dentes.

Puis que nous auons combatu la
cause antecedente, reste à combat
tre la chose qui est faicte, comman
çant premierement des choses qui
ont force de nettoyer, puis nous tō
berons sur les sarcotiques, combien
que ces deus aye quelque peu de diffe
rence, comme nous auons discoursu
parlant de l'vlcere pourri.

Clystere.

Prenés deux liures du relaiēt de
chicure, vne poignée de roses rou
ges

ges, faictes vne decoction, & en vne liure & demie de la coulée destrem-pés y du miel rosat; & sucre tres-blanc de chacū once & demie, deux iaunes d'œufz, formés vn clystere pour bailler le matin à six heures.

Prenez vne demie liure d'orge entier, six dragmes de regalis, vn poignée de roses rouges, deus dragmes & demie de coriandre, faictes vne decoction iusques à ce que l'orge s'esclatte, dedans vne liure & demie de decoction destrempés y vne once & demie de miel rosat, deux onces de sucre tresblanc, deux, iaunes d'œufs, faictes vn clystere qui se baille le matin. Ces deux clysteres nettoiyēt les fanges de l'vlcere sans aucun sentiment de douleur.

Puis il faut parler des medicaments epulotiques & sarcotiques, ceuxci referment & font reprendre les lebures de l'vlcere, les premiers engendrent & accroissent la chair.

Traicté de la Dysenterie?

Aultre?

Prenés six dragmes de l'huille d'œufs, remués les dans vn mortier de plomb, avec vn pilon de plomb, & les remués si long temps, iusques à tant qu'il aye pris quelque espaisseur de la substance du plomb, adioustés y sept onces du suc de la nicotiane, deux onces du suif de bouc formés vn clystere qui se baille tout incontinent, apres que le clystere mundatif, aura esté rendu, parce que la nicotiane est admirable, en la cure des vlcères, chancreux, & est vtile à beaucoup d'autres choses, on la peut emploier en tel vnguent.

Moyen,
de faire
vnguent,
de la Ni-
cotiane.

Prenés vne liure & demie du suc de Nicotiane, troy onces de l'huille d'ypericon, deux onces & demie de resine de pin, & de çire nouvelle, faictes les bouillir ensemble, avec vn petit feu les remuant avec la spatule, puis les coulés quelque tēps apres, dans vn drap rare, adioustés

y' deux onces & demie de tormen-
tine de Sapin. Faiçtes vn vnguent
selon l'art, duquel il sera loisible
d'vser en ceste affection, sinon que
quelcun ayme mieux le suc tout
pur, lequel quoy qu'il aye quelque
aigreur, si estce qu'on à trouué par
essay, qu'il vaut beaucoup scauoir
est, en desseichant.

Prenés du suc de morelle des iar-
dins, & de plantain troyz onces &
demie de chacun, du suc de Nico-
tiane six onces, du suif de bouc deus
onces, d'huile rosat faiçt doliues
qui ne sont meures vne once & de-
mie, formés vn clystere, pour bail-
ler quand celuy qui laue sera ren-
du, & le retienne tant long temps
qu'il pourra.

Ainsi ou il aura quelque chaleur ou
s'il y a quelque acrimonie au suc
Nicotiane, sera rabbatue par la me-
lange de ces autres.

Traicté de la Dyfenterie.

Prenés de tout le symphite, de la morelle des iardins, de plantain de chacune vne poignée, de roses rouges vne poignée, de balauſtes, noix de galles de chacune vne once & demie troys dragmes de coriandre, faiſtes vne decoctiō en eau' ferrée, en vne liure de coulée, deſtrempés y de l'onguent peton, & de l'vnguent Pompholigos ſix dragmes de chacun, de ſuiſ de bouc vne once & demie, faiſtes vn clyſtere pour en verfer comme des premiers. Tous les vnguens qui ſont cōpoſés de choſes metalliques, & autres qui ont force de raffraichir & deſſeicher ſans morſure & acrimonie, y aident beaucoup, tel y peut ſeruir.

Prenés du ſuc de nicotiane, du ſuc de morelle des iardins, de chacun deux onces & demie, d'huile roſat complet, en deſſaut prenés de roſat, & le laués fort avec l'eau de morelle: à fin qu'il laiſſe toute ſaleure,

& humidité, par laquelle la pourriture s'engendre aux vlceres.

Prenés en dix onces, meſlés les avec ſucs & les faiſtes bouillir, iuſques à ce qu'il n'y demeure aucun ſuc: adiouſtés y quatre onces de ſuiſ de bouc, des cendres de cancrès de riuieres, de ceruſe, de plomb brulé, du pompholigos, de toutes ces choſes bien laués & pulueriſées deus on onces de chacun: Formés vn vn-guēt ſans çire, duquel vous vſerés aux iniections & clyſteres.



*Les parfuns deſquelz on peut
uſer, ou pendant la de-
iection ou apres.*

Chapitre XIX.

Traicté de la Dysenterie.

Parfuns.



Renés des Santaus, Bistorte, escorce de Pins once & demie de chacune, semence de coriandre preparée, de poiurette romanie rostie de chacune deux dragmes, fleurs de roses, de blanc d'eau vne poignée de chacune, dalun fissile, d'escorce d'encens de chacun troys dragmes, d'uilles d'hipericon, & suif de bouc, autant qu'est de besoing.

Quant ils seront mis en poudre, formés les en Throchisque, lesquels vous mettrés sur les cendres chaudes, pour parfumer quand il rendra les excrements, ou. Prenés du vin rouge & austere auquel vous ayés faict bouillir des roses rouges, iettés le sur l'escume de fer, & que la fumée soit reçeuë par le fondement.

Ilz en y a qui vsent aux clysteres de Throsisques Caustiques, qu'andromachus souloit composer de

de ceste sorte.

Prenés de la chaus, d'Auripiment, de papier brulé, d'escailles d'arain, par égale portion de tous avec le suc de rameaux d'oliue, & le suc de prunelles fauuaiges, formés en des Trochisques, du poix de deux dragmes, destrempés en vn en la decoction du Clystere, ou avec du laict de cheure, & faictes vn Clystere.

Les Clysteres de lexiue, ou les tablettes d'Andromachus, d'Asclepiade, & Archigene ne s'ot d'vsaige, & à grand peine les at-on tant pour leur malice, q pour la suite des symptomes: sinó que quelcú s'en veuille seruir, en ceux qui sont deplorés.

Les tablettes d'Asclepiade appaisent la douleur des longues dysenteres, & induisent le sommeil.

Prenés du Papier brulé, troys dragmes, de Sandarache, de Bluettes, d'ærin, d'Alun, fífile
de verius

Traicté de la Dysenterie.
de verius, d'acacie, de suc d'hippo-
chiste, de chaux viue 5. dragmes de
chascū d'Opiō & de Safran de cha-
cun 2. dragmes; avec du vin de myr-
the, formés des tablettes pesâtes de
2. dragmes ou de 3. destrempés en
vne dās du lait; ou vin cuiēt ou biē
suc de ris; & le baillés en clystere; si
les forces du patient le peuuent sup-
porter. Il y à d'autres formules de
Trocisques composés, d'Archigene,
d'Andremache & Asclepiade, des-
quelz ils vsoient iadis heureusemēt,
& possible que maintenant ils n'au-
roient tel auantaige. On s'en
peut touiours seruir vers ceux qui
sont deplorés. La composition pré-
cedente nous doibt seruir pour tou-
tes cōme la plus assurée & appreu-
uée par beaucoup d'experience.

Premier q̃ nous mettiōs fin à ces-
te œuure i'ay pensé que ie ferois biē
si comme en vn tableau ie vous met-
tois deuant les yeux les remedes
choisis

choisis & vsaigés en ceste maladie, à fin que ceux qui sont encores apprentifs, y choisissent ceux qu'ilz iugeront estre vtils & conuenants au patient, maladie, à l'air, & à son desseing.

L'aduertiray en passant, que les Opiates qui sont propres à cete affection se doibuent composer en temps propre & certaines costellations cōme le Diacodion & autres semblables, la Lune faisant son cours en Capricorne & en la Vierge.

Retournant à ce que dessus, le Rhabarbe est fort approuué principalement aux natures coleriques, les Myrabolás, Agaric aux pituiteus la casse & le Cathol. sinon que la dy sentere fut la mesme peste, pourront estre en vsaige.

Le Miel Acré.
Le Syrop solutif.
Le Polipode.



Autres Raçines.

De la Dent de chien.
Lis d'eau.
La Consolide.
Bistorte.
Tormentille.



Bois.

Tous les Santaux,
Tout le Lentisque.



Herbes.

Le bouillon blanc ou noir.
Le Plantain.



fraisier

Fraïsier.



La queue de Cheual.

Pourpier.

La Renouée.



Toute la Guimaue.

La Cichorée.

Endiue.

Tabouret.



Mille feuille.

Veroniq ou herbe aux ladres.

Pastel.

Mente.



Tanaisie sauuaige.

Sanguisorbe.

Piloselle.



Chardon benit.

Agrimoine.

parietaire

Parietaire.

L'hepatique.

Pié de Lieure,

L'adiant blanc & autres capillaires.

Les feuilles.

De Cerfeuil.

Rhois.

Escorces.

De Pin.

Tamarin.

Grenadier.

Escorce Nediane.

De Chastanier.

Gland.

fruits

Fruits.

Coings.

Poires douces & aigres.

Sorbes.

Prunes sauuaiges.

Neffles.

Noix de Cypres

D'amandier.

Raisins de corinthe & autres.

Verius confit.

Fleurs.

De Balaustes.

Roses.

Lis d'eau.

De Cichorée.

Tamarin.

lunc odoriferant.

R lierre

Lierre.

Cyste.

Hypociste.

Semences.

De Lupins.

Ris.

Lentilles.

Sumach.

De raisins.

Plant ain.

Vinette.

Pourpier.

Lis d'eau.

Pauot.

Parelle

Coriandre.

Scariolle.

Citron

Citron.

Grenades.

Febues.

Garences.

Myrte.

Gummes.

Dragagant.

Arabique.

D'amandiers.

Myrrhe.

D'escorce d'encens.

Carabé.

Terres.

Terre sel lée.

Samie.

Le Boliarmeni.

Terre amere.

R 2

Pierres

Pierres.

Gagates.

Cristal.

Hematite.

Speculaire.

Marguerites claires.

Trochisque.

De Spodio.

De terre sellée.

De Succin.

Rhamich.

Poudres Electuaires.

Poudres de Diamarg.

froid.

Des Santaux.

De Corail rouge.

Parties

Parties d'Animaux.

Suif de bouc.

Huistres brulées.

Sang de Cerf.

Corne du mesme,

Sang de lieure.

La pressure du mesme.

Cendres de cācres d'eauë.

I'Eusse adiousté quelques remedes, que i'ay appreue, & tous les iours appreue en plusieurs tourmentés, aux flux dysenterique: Ainsi que M. Bernard Riuiere Apoticaire en Tolose, me la veu heureusemēt pratiquer

R 3 en

en plus de cent, auquel seul
ay cōmuniqué ledit secret,
& volontiers l'eusse mis par
escriit, pour en faire vn cha-
cun participant, si ne crai-
gnois que quelcun en vſasse
indiscretement.

Idem. Je t'aduertiray aussi, que
si tu tombe au lieu d'Hippo-
crate ou il dit que l'vſaige de
Venus, est vn remede à la
dysenterie: tu l'entende de la
dysētere legere, en vn corps
chaud & humide, en laquel-
le il peut seruir de diuerſion.
moyennant que la vertu le
permette.

Voyla

Voyla Lecteur aymable,
ce qu'il me sembloit debuoir
estre discouru, touchant la
dysenterie & vrayz remedes
d'icelle, tels que ie les auois
lōguement pensé, & que i'ay
en partie experimēté, ce que
i'ay fait le plus succinctemēt
qu'il m'a esté possible.

Ie scay bien que plusieurs
qui s'adonnent plus à repren
dre, qu'à s'euertuer, ne trou
ueront rien qui leur plaise &
dissimuleront, ce qu'ilz ver
ront de bon, calomnieront
tant qu'il leur sera loisible. Si
i'estois seul qui tūba en c'est
hazard, i'aurois occasion de

prier chacun bien affectiōné,
de me garantir tant qu'ilz
pourront, de leurs coups de
lāguēs. Je prie Dieu seulemēt
qui leur dōne plus sain entē-
dement, & meilleure volōté
qu'ils n'ont. Je n'ay eu pour
toute intention que le proffit
& vtilité du commun en sin-
gulierē recommandation.

Qui m'est fufifant appuy
contre toutes personnes mal
affectées. Puis ce m'est affés
de pouuoir plaire à celuy à
qui i'a y fait offre de ce petit
labeur, estant affeuré que plu-
sieurs à son exemple y pren-
dront

dront plaisir , pour le moins
loueront mon effort.

Si tost que i'en auray quel-
que bon signe , ie ne feray
long temps , sans mettre en
lumiere le discours des fieb-
ures que i'ay basty.

F I N.

T A B L E E T I N V E N
taire des Chapitres contenus
en ce présent liure.

Table de la premiere partie.

De la definition de Dysente
rie, & comme les causes d'i
celle se doiue tirer des influ
ences celestes. Chap. 1

Des causes primitiues. cha-
pitre 2.

Des causes antecedentes, &
des differēces de quelques
flux tendant à la dysente-
rie. chapitre 3.

Là Dysenterie peult proue-
nir de chacun des quatres hu
meurs

- meurs chapitre 4.
 Le nombre des intestins, &
 comme en iceux se forme
 la dysenterie chapitre 5.
 Des causes conioinctes cha-
 pitre 6.
 Precognoissance, & cause de
 la propensité des hōmes,
 Villes, & citéz à la dysen-
 terie chapitre 7.
 Pourquoy Tolose est plus
 subiecte à la Dysenterie,
 chapitre 8.
 Preservation de la dysente-
 rie chapitre 9.
 Merques & Signes, par les-
 quels nous venons à la co-
 gnoi

gnoissance quel intestin est offencé	chap. 10.
Signes pathonomiques d'une trespernicieuse dysen- terie ia faicte	chap. 11.
De la difference des Vlce- res	chapitre 12.
De l'ulcere virulent, putride, chancreus, & absces des in- testins	chapitre 13.
<i>Table de la seconde partie.</i>	
De la cure generale, laquelle consiste en quatre manie- res de remedes	chap. 1.
Difference du flux hepatic- que, à la vraye dysenterie	chapitre 2.
	des

Table.

Des remedes, & premiere-
ment de la maniere de vi-
ure. chapitre 3.

Des pouldres chap. 4.

De l'vsage de Lai& chap. 5.

Des frui&ts plus cōuenables,
& plus vsitez en ceste ma-
ladie, chapitre 6.

Du boire chap. 7.

Du repos, & sōmeil chap. 8.

Du second genre des reme-
des deus à la cause antece-
dente chapitre 9.

De la seignée chap. 10.

De la maniere d'appaiser les
simptomes & accidentz :
des viandes, & appetit de-
pra-

Table

- praué, chapitre 11.
Du Hocquet, qui suruiuent en
la dysenterie chap. 12.
De la syncope, & deffaillan-
ce de cuer en la dysente-
rie chapitre 13.
Des remedes plus fortz, cha-
pitre 14.
Des remedes appaisant la
douleur chapitre 15.
Des deux derniers gères des
remedes cōuenāt a la cau-
se cōioincte, & à la mala-
die ascauoir l'vlcere. ch. 16
De la cure de la dysenterie
causée de l'humeur pitui-
teux chapit. 17.
De la cure de la dysenterie

prouenāt de l'humeur me
lancoliqué chapitre 18
Des perfūs desquels on peut
vſer chapitre 19.

Fautes ſuruenues en l'imprimerie.

ſeblāce cōmunauté mettés, &, entre deux.

fo. 20 lig. 19 Enuoyant liſ. euuoyent,

fo. 12 lig. derni. Chroiſt liſez ſurchroy,

fo. 22 lig. 6 Dyſentere Pituite liſez pi-

tuiteuſe fol. 24. lig. 8

Chaneuſe liſ. charneuſe. fol. 46 ligne 11.

Medein liſez medecin fol. 48. ligne 17.

ſracotiques liſez ſarcotiques fo. 49 lig. 11

Debatera liſez debatra. fol. 50. ligne 2.

Felles liſez ſellée. fo. 56 lig. 7. Rogent liſez

rouget. fol. 58 lig. 9. Excrementeux

liſez excrementeuſes fol. 58 ligne 18

legèremt liſez legeremēt fo. 61 ligne. 17

Declares liſez déclarée. fol. 64. ligne 8

A veille liſez à veiller. fol. 67 ligne 3.

Remformes liſez renfermés. fo. 71 lig. 7.

quelz liſez leſquelles fol 112 ligne 17

L'imprimer liſez l'exprimer fol. 115 lig. 10.

sallé liſez ſallée fol. 116. ligne 12.

Nediane Mediane. au catalogue des ef-

corces ligne treizième.

FIN.

F.M.P.